

10.001.01a ágre bṛhān uśāsām ūrdhvó asthān nirjaganvān tāmāso jyótiṣāgāt |  
 10.001.01c agnír bhānúnā rúsatā svānga ā jāto vísvā sádmāny aprāḥ ||  
 10.001.02a sá jāto gárbho asi ródasyor ágne cārur víbhrta óśadhīṣu |  
 10.001.02c citráḥ śísuḥ pári támāmsy aktūn prá mātṛbhyo ádhi kánikradat gāḥ ||  
 10.001.03a víṣṇur itthá paramám asya vidvān jāto bṛhān abhí páti tṛtíyam |  
 10.001.03c āsā yád asya páyo ákrata svām sácetaso abhy àrcanty átra ||  
 10.001.04a áta u tvā pitubhrto jānitrīr annāvīdham práti caranty ánnaiḥ |  
 10.001.04c tá īm práty eṣi púnar anyárūpā āsi tvām vikṣú mānuṣīṣu hótā ||  
 10.001.05a hótāraṃ citrāratham adhvarásya yajñásya-yajñasya ketúm rúsantam |  
 10.001.05c prátyardhiṃ devásya-devasya mahná śriyá tv àgním átithiṃ jánānām ||  
 10.001.06a sá tú vástrāny ádha péśanāni vásāno agnír nābhā pṛthivyāḥ |  
 10.001.06c aruṣó jātāḥ padá fīlayāḥ puróhito rājan yakṣīhá devān ||  
 10.001.07a ā hí dyāvāpṛthiví agna ubhé sádā putró ná mātārā tatántha |  
 10.001.07c prá yāhy áchośató yaviṣṭhāthá vaha sahasyehá devān ||

10.002.01a piprīhí devāṃ uśató yaviṣṭha vidvāṃ ṛtūṃ ṛtupate yajehá |  
 10.002.01c yé daívyā ṛtvíjas tébhir agne tvām hótṛṇām asy áyajiṣṭhaḥ ||  
 10.002.02a véṣi hotrām utá potrām jánānām mandhātāsi dravinodá ṛtāvā |  
 10.002.02c svāhā vayām kṛṇāvāmā havīṃṣi devó devān yajatv agnír árhan ||  
 10.002.03a ā devānām ápi pánthām aganma yác chaknāvāma tát ánu právoḥhum |  
 10.002.03c agnír vidvān sá yajāt séd u hótā só adhvarān sá ṛtūn kalpayāti ||  
 10.002.04a yád vo vayām pramināma vratāni vidúṣāṃ devā áviduṣṭarāsaḥ |  
 10.002.04c agnīṣ tát vísvam ā pṛṇāti vidvān yébhir devāṃ ṛtúbhiḥ kalpáyāti ||  
 10.002.05a yát pákatrá mánasā dīnádakṣā ná yajñásya manvaté mártvyāsaḥ |  
 10.002.05c agnīṣ tát dhótā kratuvíd vijānán yájiṣṭho devāṃ ṛtuśó yajāti ||  
 10.002.06a víśveṣāṃ hy ádhvarāṇām ánikam citrām ketúm jānitā tvā jajāna |  
 10.002.06c sá ā yajasva nṛvátīr ánu kṣā spārhá íṣaḥ kṣumátīr vísvájanyāḥ ||  
 10.002.07a yām tvā dyāvāpṛthiví yām tvāpas tvāṣṭā yām tvā sujānimā jajāna |  
 10.002.07c pánthām ánu pravidvān pitryāṇam dyumád agne samidhāno ví bhāhi ||

10.003.01a inó rājann aratīḥ sámiddho raúdro dáksāya suṣumāṃ adarśi |  
 10.003.01c cikíd ví bhāti bhāsá bṛhatāsiknīm eti rúsatīm apājan ||  
 10.003.02a kṛṣṇām yád énīm abhí várpasā bhúj janáyan yóṣām bṛhatāḥ pitúr jām |  
 10.003.02c ūrdhvām bhānūṃ sūryasya stabhāyán divó vásubhir aratír ví bhāti ||  
 10.003.03a bhadró bhadráyā sácāmāna ágāt svásāraṃ jāró abhy èti paścát |  
 10.003.03c supraketaír dyúbhir agnír vitīṣṭhan rúsadbhir várṇair abhí rāmām asthāt ||  
 10.003.04a asyá yāmāso bṛható ná vagnūn índhānā agnéḥ sákhyuḥ śivásya |  
 10.003.04c ídyasya vṛṣṇo bṛhatāḥ svāso bhāmāso yāmann aktávaś cikitre ||  
 10.003.05a svanā ná yásya bhāmāsaḥ pávante rócāmānasya bṛhatāḥ sudívaḥ |  
 10.003.05c jyēṣṭhebhir yás téjiṣṭhaiḥ krīlumádbhir várṣiṣṭhebhir bhānúbhir náksati dyām ||  
 10.003.06a asvá súsmāso dadrśānāpaver iéhamānasva svanavan nivúdbhiḥ |

10.003.06c pratnébhir yó rúsadbhir devátamo ví rébhadbhir aratír bhāti víbhvā ||  
10.003.07a sá ā vakṣi máhi na ā ca satsi divásprthivyór aratír yuvatyóḥ |  
10.003.07c agníḥ sutúkaḥ sutúkebhir ásvai rábhasvadbhī rábhasvām̐ éhá gamyāḥ ||

10.004.01a prá te yakṣi prá ta iyarmi mánma bhúvo yáthā vándyo no háveṣu |  
10.004.01c dhánvann iva prapā asi tvám agna iyakṣáve pūrāve pratna rājan ||  
10.004.02a yám tvā jánāso abhí samcáranti gāva uṣṇám iva vrajám yaviṣṭha |  
10.004.02c dūtó devānām asi mártyanām antár mahámś carasi rocanéna ||  
10.004.03a śísuṃ ná tvā jényam vardháyantī mātá bibharti sacanasyámānā |  
10.004.03c dhánor ádhi pravátā yāsi háryañ jígīṣase paśúr ivāvasṛṣṭaḥ ||  
10.004.04a mūrā amūra ná vayám cikitvo mahitvám agne tvám aṅgá vitse |  
10.004.04c śáye vavrís cárati jihváyādán rerihyáte yuvatīm viśpátīḥ sán ||  
10.004.05a kūcij jāyate sánayāsu návyo váne tasthau palitó dhūmáketuḥ |  
10.004.05c asnātápo vṛṣabhó ná prá veti sácetaso yám praṇáyanta mártāḥ ||  
10.004.06a tanūtyájeva táskarā vanargú raśanābhir daśábhir abhy àdhītām |  
10.004.06c iyám te agne návyasī manīṣā yukṣvā rátham ná śucáyadbhir aṅgaiḥ ||  
10.004.07a bráhma ca te jātavedo námaś ceyám ca gīḥ sádam íd várdhanī bhūt |  
10.004.07c rákṣā ṇo agne tánayāni tokā rákṣotá nas tanvò áprayuchan ||

10.005.01a ékaḥ samudró dharúṇo rayīṇām asmád dhrdó bhūrijanmā ví caṣṭe |  
10.005.01c síśakty ūdhar niṇyór upástha útsasya mádhye níhitam padám véḥ ||  
10.005.02a samánám nīlám vīṣaṇo vásānāḥ sám jagmire mahiṣā árvatībhiḥ |  
10.005.02c ṛtásya padám kaváyo ní pānti gúhā námāni dadhire páraṇi ||  
10.005.03a ṛtáyīnī māyīnī sám dadhāte mitvá śísuṃ jajñatur vardháyantī |  
10.005.03c víśvasya nābhim cárato dhruvāsya kavés cit tántum mánasā viyántaḥ ||  
10.005.04a ṛtásya hí vartanáyaḥ sújātam íṣo vājāya pradívaḥ sácante |  
10.005.04c adhīvāsám ródasī vāvasāné ghr̥taír ánnair vāvṛdhāte mádhūnām ||  
10.005.05a saptá svásṛr áruṣṛr vāvasāno vidván mádhva új jabhārā dṛsé kám |  
10.005.05c antár yeme antárikṣe purājā ichán vavrím avidat pūṣanāsya ||  
10.005.06a saptá maryādāḥ kaváyas tatakṣus tāsām ékām íd abhy àṃhuró gāt |  
10.005.06c āyór ha skambhá upamásya nīlé pathám visargé dharúṇeṣu tasthau ||  
10.005.07a ásac ca sác ca paramé vyòman dáḷḷasya jánmann áditer upásthe |  
10.005.07c agnír ha naḥ prathamajā ṛtásya pūrva áyuni vṛṣabhás ca dhenúḥ ||

10.006.01a ayám sá yásya śármann ávobhir agnér éd hate jaritābhíṣṭau |  
10.006.01c jyéṣṭhebhir yó bhānúbhir ṛṣūṇām paryéti párivīto vibhāvā ||  
10.006.02a yó bhānúbhir vibhāvā vibhāty agnír devébhir ṛtāvājasraḥ |  
10.006.02c ā yó vivāya sakhyā sákhibhyó 'parihvṛto átyo ná sáptiḥ ||  
10.006.03a íse yó víśvasyā devávīter íse víśváyur uśáso vyóṣṭau |  
10.006.03c ā yásmin manā havīmṣy agnāv áriṣṭaratha skabhnāti śūśaíḥ ||  
10.006.04a śūśébhir vṛdhó juṣāṇó arkaír devām̐ áchā raghupátvā jigāti |  
10.006.04c mandró bhátá sá iḥvā vāiṣṭhab sámmitlo agnír ā iḥbharti devān ||

10.006.04c manāto nota sa juhya yajñāṃ saṃmāso agniḥ a jigātu devān ||  
 10.006.05a tām usrām índraṃ ná réjamānam agnīm gīrbhír námobhir ā kṛṇudhvam |  
 10.006.05c ā yām víprāso matíbhir gṛṇānti jātávedasam juhvām sahānām ||  
 10.006.06a sām yásmin vísvā vásūni jagmúr vāje nāsvāḥ sáptivanta évaiḥ |  
 10.006.06c asmé ūtír índravātata mā arvācīnā agna ā kṛṇuṣva ||  
 10.006.07a ádhā hy āgne mahnā niśadyā sadyó jajñāno hávyo babhūtha |  
 10.006.07c tām te devāso ánu kétam āyann ádhāvardhanta prathamāsa ūmāḥ ||

10.007.01a svastí no divó agne pṛthivyā vísváyur dhehi yajáthāya deva |  
 10.007.01c sácemahi táva dasma praketaír uruṣyā ṇa urúbhir deva śámsaiḥ ||  
 10.007.02a imā agne matáyas túbhyam jātā góbhir ásvair abhí gṛṇanti rádhaḥ |  
 10.007.02c yadā te márto ánu bhógam ānaḍ váso dádhāno matíbhiḥ sujāta ||  
 10.007.03a agnīm manye pitáram agnīm āpím agnīm bhrátaram sádam ít sákhāyam |  
 10.007.03c agnér ánīkam bṛhatáh saparyam diví śukráṃ yajatám sūryasya ||  
 10.007.04a sidhrā agne dhíyo asmé sánutrír yām tráyase dáma ā nítyahotā |  
 10.007.04c ṛtāvā sá rohídaṣvaḥ purukṣúr dyúbhir asmā áhabhir vāmám astu ||  
 10.007.05a dyúbhir hitám mitráṃ iva prayógam pratnám ṛtvíjam adhvarásya jārám |  
 10.007.05c bāhúbhyām agnīm āyávo 'jananta vikṣú hótāram ny āsādayanta ||  
 10.007.06a svayám yajasva diví deva devān kíṃ te pákaḥ kṛṇavad ápracetāḥ |  
 10.007.06c yáthāyaja ṛtúbhir deva devān evā yajasva tanvām sujāta ||  
 10.007.07a bhāvā no agne 'vitótá gopā bhāvā vayaskíd utá no vayodhāḥ |  
 10.007.07c rāsvā ca naḥ sumaho havýádātiṃ trāsvotá nas tanvò áprayuchan ||

10.008.01a prá ketúnā bṛhatā yāty agnír ā ródasī vṛṣabhó roravīti |  
 10.008.01c divás cid ántām upamāñ úd ānaḥ apām upásthe mahiśo vavardha ||  
 10.008.02a mumóda gárbho vṛṣabhāḥ kakúdmān asremā vatsáh sīmīvām arāvīt |  
 10.008.02c sá devátāty údyatāni kṛṇvān svéṣu kṣáyeṣu prathamó jigāti ||  
 10.008.03a ā yó mūrdhānam pitrór árabdha ny ádhvaré dadhire sūro árṇaḥ |  
 10.008.03c ásyā pátmann áruṣír ásvabudhnā ṛtásya yónau tanvò juṣanta ||  
 10.008.04a usá-uṣo hí vaso ágram éṣi tvām yamáyor abhavo vibhāvā |  
 10.008.04c ṛtāya saptá dadhiṣe padāni janáyan mitráṃ tanvè svāyai ||  
 10.008.05a bhúvaś cáksur mahá ṛtásya gopā bhúvo váruṇo yád ṛtāya véṣi |  
 10.008.05c bhúvo apām nápāj jātavedo bhúvo dūtó yásya havýam jújoṣaḥ ||  
 10.008.06a bhúvo yajñásya rájasas ca netā yátrā niyúdbhiḥ sácasa śivábhiḥ |  
 10.008.06c diví mūrdhānam dadhiṣe svarśām jihvām agne cakṛṣe havýavāham ||  
 10.008.07a asyá tritáh krátunā vavré antár ichán dhītúm pitúr évaiḥ párasya |  
 10.008.07c sacasyámānaḥ pitrór upásthe jāmi bruvānā áyudhāni veti ||  
 10.008.08a sá pítryāny áyudhāni vidvān índreṣita āptyó abhy áyudhyat |  
 10.008.08c trisírśānam saptáraśmim jaghanvān tvāṣṭrāsya cin nīḥ sasrje tritó gāḥ ||  
 10.008.09a bhūríd índra udínakṣantam ójó 'vābhinat sátpatir mányamānam |  
 10.008.09c tvāṣṭrāsya cid vísvárūpasya gónām ācakrāñás trīṇi sīrśā párā vark ||

10.009.01a āpo hí ṣṭhā mayobhúvas tá na ūrjé dadhātana |  
 10.009.01c mahé ráṇāya cákṣase ||  
 10.009.02a yó vaḥ śívátamo rásas tásya bhājayatehá naḥ |  
 10.009.02c uśatír iva mātáraḥ ||  
 10.009.03a tásmā áraṃ gamāma vo yásya kṣáyāya jínvatha |  
 10.009.03c āpo janáyathā ca naḥ ||  
 10.009.04a śám no devír abhíṣṭaya āpo bhavantu pītáye |  
 10.009.04c śám yór abhí sravantu naḥ ||  
 10.009.05a íśānā vāryānāṃ kṣáyantīś carṣaṇīnām |  
 10.009.05c apó yācāmi bheṣajám ||  
 10.009.06a apsú me sómo abravīd antár víśvāni bheṣajá |  
 10.009.06c agníṃ ca víśvāsambhuvam ||  
 10.009.07a āpaḥ pṛṇítā bheṣajám várūtham tanvè máma |  
 10.009.07c jyók ca sūryam dṛśé ||  
 10.009.08a idám āpaḥ prá vahata yát kíṃ ca duritám máyi |  
 10.009.08c yád vāhám abhidudróha yád vā śepá utānṛtam ||  
 10.009.09a āpo adyānv acāriṣam rásena sám agasmahi |  
 10.009.09c páyasvān agna ā gahi tám mā sám srja várcasā ||

10.010.01a ó cit sákhāyaṃ sakhyá vavṛtyāṃ tirāḥ purú cid arṇavám jaganvān |  
 10.010.01c pitúr nápatam ā dadhīta vedhá ádhi kṣámi pratarám dídhyanāḥ ||  
 10.010.02a ná te sákhā sakhyám vaṣṭy etát sálakṣmā yád víśurūpā bhávāti |  
 10.010.02c mahás putráso ásurasya vírā divó dhartāra urviyá pári khyan ||  
 10.010.03a uśánti ghā té amṛtāsa etád ékasya cit tyajásam mártasya |  
 10.010.03c ní te máno mánasi dhāy asmé jányuḥ pátis tanvām ā viviśyāḥ ||  
 10.010.04a ná yát purá cakrmá kád dha nūnám ṛtá vādanto ánṛtam rapema |  
 10.010.04c gandharvó apsv ápyā ca yóṣā sá no nábhīḥ paramám jāmi tán nau ||  
 10.010.05a gárbhe nú nau janitá dámpatī kar devás tváṣṭā savitá víśvárūpaḥ |  
 10.010.05c nákir asya prá minanti vratāni véda nāv asyá pṛthiví utá dyaúḥ ||  
 10.010.06a kó asyá veda prathamásyāhnaḥ ká īṃ dadarśa ká ihá prá vocat |  
 10.010.06c bṛhán mitrásya váruṇasya dhāma kád u brava āhano vícyā nṛn ||  
 10.010.07a yamásya mā yamyām kāma āgan samāné yónau sahaséyyāya |  
 10.010.07c jāyéva pátye tanvām riricyām ví cid vṛheva ráthyeva cakrá ||  
 10.010.08a ná tiṣṭhanti ná ní miṣanty eté devānām spása ihá yé cáranti |  
 10.010.08c anyéna mād āhano yāhi túyaṃ téna ví vṛha ráthyeva cakrá ||  
 10.010.09a rátrībhir asmā áhabhir daśasyet sūryasya cákṣur múhur ún mimīyāt |  
 10.010.09c divá pṛthivyá mithuná sábandhū yamír yamásya bibhryād ájāmi ||  
 10.010.10a ā ghā tá gachān úttará yugāni yátra jāmayāḥ kṛṇāvann ájāmi |  
 10.010.10c úpa barbṛhi vṛṣabhāya bāhúm anyám ichasva subhage pátim mát ||  
 10.010.11a kíṃ bhrātāsad yád anāthám bhávāti kíṃ u svásā yán níṛṭtir nigáchāt |  
 10.010.11c kāmamūtā bahv ètád rapāmi tanvè me tanvām sám pipṛgdhi ||  
 10.010.12a ná vā u te tanvè tanvām sám papṛcyām pāpám āhur yāḥ svásāraṃ nigáchāt |  
 10.010.12c anyéna mát pramúdaḥ kalpayasva ná te bhrātā subhage vaṣṭy etát ||  
 10.010.13a bató batāsi vama naívá te máno hrdavam cāvidāma |

10.010.13c anyā kīla tvām kaksyēva yuktām pari śvajāte líbujeva vṛkṣām ||  
10.010.14a anyām ū śu tvām yamy anyā u tvām pari śvajāte líbujeva vṛkṣām |  
10.010.14c tāsya vā tvām māna ichā sā vā tāvādhā kṛṇuṣva saṃvīdam súbhadrām ||

10.011.01a víṣā víṣṇe duduhe dóhasā divāḥ páyāṃsi yahvó áditer ádábhyaḥ |  
10.011.01c víśvaṃ sá veda váruṇo yáthā dhiyā sá yajñíyo yajatu yajñíyāṃ ṛtún ||  
10.011.02a rápad gandharvīr ápyā ca yóśanā nadásya nādé pari pātu me mánah |  
10.011.02c iṣtásya mádhye áditir ní dhātu no bhrātā no jyēṣṭhāḥ prathamó ví vocati ||  
10.011.03a só cin nú bhadrá kṣumátī yásasvaty uṣā uvāsa mánave svārvatī |  
10.011.03c yád īm uśántam uśatām ánu krátum agníṃ hótāraṃ vidáthāya jījanan ||  
10.011.04a ádha tyám drapsám vibhvám vicakṣaṇám vír ábharad iṣitáḥ śyenó adhvaré |  
10.011.04c yádī víšo vṛṇáte dasmám āryā agníṃ hótāram ádha dhír ajāyata ||  
10.011.05a sádāsi raṇvó yāvaseva púṣyate hótrābhir agne mánuṣaḥ svadhvarāḥ |  
10.011.05c víprasya vā yác chaśamāná ukthyám vájaṃ sasavám upayāsi bhūribhiḥ ||  
10.011.06a úd īraya pitārā jārā á bhágam íyakṣati haryató hṛttá iṣyati |  
10.011.06c vívakti váhniḥ svapasyáte makhás taviṣyáte ásuro vépate matī ||  
10.011.07a yás te agne sumatím máрто ákṣat sáhasaḥ sūno áti sá prá śṛṇve |  
10.011.07c íṣaṃ dádhāno váhamāno ásvair á sá dyumám ámavān bhūṣati dyún ||  
10.011.08a yád agna eṣā sámītir bhāvāti devī devéṣu yajatā yajatra |  
10.011.08c rátnā ca yád vibhājāsi svadhāvo bhāgám no átra vásumantaṃ vītāt ||  
10.011.09a śrudhī no agne sádane sadhásthe yukṣvā rátham amṛtasya dravitnúm |  
10.011.09c á no vaha ródasī deváputre mákir devānām ápa bhūr ihá syāḥ ||

10.012.01a dyāvā ha kṣāmā prathamé ṛténābhiśrāvé bhavataḥ satyavācā |  
10.012.01c devó yán mártān yajáthāya kṛṇvān sídad dhótā pratyān svám ásuṃ yán ||  
10.012.02a devó devān paribhūr ṛténa váhā no havýám prathamás cikítvān |  
10.012.02c dhūmáketuḥ samídhā bhárjiko mandró hótā nítyo vācā yájīyān ||  
10.012.03a svāvṛg devásyāmṛtaṃ yádī gór áto jātāso dhārayanta urvī |  
10.012.03c víśve devā ánu tát te yájur gur duhé yád éni divyám ghṛtám vāḥ ||  
10.012.04a árcāmi vām várdhāyāpo ghṛtasnū dyāvābhūmī śṛṇutám rodasī me |  
10.012.04c áhā yád dyāvó 'sunītim áyan mádhvā no átra pitārā śísītām ||  
10.012.05a kíṃ svin no rájā jagṛhe kád asyāti vratám cakṛmā kó ví veda |  
10.012.05c mitrás cid dhí śmā juhurāṇó devāñ chlóko ná yātām ápi vājo ásti ||  
10.012.06a durmántv átrāmṛtasya náma sálakṣmā yád víśurūpā bhāvāti |  
10.012.06c yamásya yó manávate sumántv agne tám ṛṣva páhy áprayuchan ||  
10.012.07a yásmin devā vidáthe mādáyante vivásvataḥ sádane dhārayante |  
10.012.07c sūrye jyótir ádadhur māsy áktún pari dyotaniṃ carato ájasrā ||  
10.012.08a yásmin devā mánmani saṃcāranty apīcyè ná vayám asya vidma |  
10.012.08c mitró no átráditir ánāgān savitā devó váruṇāya vocat ||  
10.012.09a śrudhī no agne sádane sadhásthe yukṣvā rátham amṛtasya dravitnúm |  
10.012.09c á no vaha ródasī deváputre mákir devānām ápa bhūr ihá syāḥ ||

10.013.01a yujé vām bráhma pūrvyām námobhir ví ślóka etu pathyèva sūrēḥ |  
 10.013.01c śṛṇvántu víśve amṛtasya putrá ā yé dhāmāni divyāni tasthúḥ ||  
 10.013.02a yamé iva yátamāne yád áitam prá vām bharan mānuṣā devayántaḥ |  
 10.013.02c ā sīdatam svām ulokām vídāne svāsasthé bhavatam índave naḥ ||  
 10.013.03a páñca padāni rupó ánv aroham cātuṣpadīm ánv emi vraténa |  
 10.013.03c aksāreṇa práti mima etām ṛtāsya nābhāv ádhi sám punāmi ||  
 10.013.04a devébhyaḥ kám avṛṇīta mṛtyúm prajāyai kám amṛtam nāvṛṇīta |  
 10.013.04c bṛhaspátim yajñám akrṇvata ṛṣim priyām yamás tanvām prāirecīt ||  
 10.013.05a saptá kṣaranti śísave marútvate pitré putráso ápy avīvatann ṛtám |  
 10.013.05c ubhé íd asyobháyasya rājata ubhé yatete ubháyasya puṣyataḥ ||

10.014.01a pareyivāmsam praváto mahír ánu bahúbhyaḥ pánthām anupaspaśānām |  
 10.014.01c vaivasvatām saṃgámanam jánānām yamám rájānam havíṣā duvasya ||  
 10.014.02a yamó no gātúm prathamó viveda naiśá gávyūtir ápabhartavá u |  
 10.014.02c yátrā naḥ pūrve pitáraḥ pareyúr enā jajñānāḥ pathyā ánu svāḥ ||  
 10.014.03a mātālī kavyaír yamó ángirobhir bṛhaspátir ṛkvabhir vāvṛdhānāḥ |  
 10.014.03c yāmś ca devā vāvṛdhúr yé ca devān svāhānyé svadháyānyé madanti ||  
 10.014.04a imám yama prastarám ā hí sídāngirobhiḥ pitṛbhiḥ saṃvidānāḥ |  
 10.014.04c ā tvā mántrāḥ kaviśastā vahantv enā rájan havíṣā mādayasva ||  
 10.014.05a ángirobhir ā gahi yajñíyebhir yáma vairūpaír ihá mādayasva |  
 10.014.05c vívasvantam huve yáḥ pitá te 'smín yajñé barhíṣy ā niśádyā ||  
 10.014.06a ángiraso naḥ pitáro návagvā átharvāṇo bhṛgavaḥ somyāsah |  
 10.014.06c téṣām vayám sumataú yajñíyānām ápi bhadré saumanasé syāma ||  
 10.014.07a préhi préhi pathíbhīḥ pūrvyébhir yátrā naḥ pūrve pitáraḥ pareyúḥ |  
 10.014.07c ubhá rájānā svadháyā mādantā yamám paśyāsi váruṇam ca devám ||  
 10.014.08a sám gachasva pitṛbhiḥ sám yaméneṣṭāpūrténa paramé vyòman |  
 10.014.08c hitvāyāvadyám púnar ástam éhi sám gachasva tanvā suvárcāḥ ||  
 10.014.09a ápeta víta ví ca sarpatāto 'smā etám pitáro lokám akran |  
 10.014.09c áhobhir adbhír aktúbhir vyáktaṃ yamó dadāty avasānam asmai ||  
 10.014.10a áti drava sārameyaú śvānau caturakṣaú śabá Lau sādhnā pathá |  
 10.014.10c áthā pitṛn suvidátrāṃ úpehi yaména yé sadhamādam mādanti ||  
 10.014.11a yaú te śvānau yama rakṣitārau caturakṣaú pathirákṣī nṛcákṣasau |  
 10.014.11c tábhyām enam pári dehi rájan svastí cāsmā anamīvam ca dhehi ||  
 10.014.12a urūnasāv asutípa udumbalaú yamásya dūtaú carato jánāṃ ánu |  
 10.014.12c táv asmábhyam dṛśáye sūryāya púnar dátām ásum adyéhá bhadráam ||  
 10.014.13a yamāya sómam sunuta yamāya juhutā havíḥ |  
 10.014.13c yamám ha yajñó gachaty agnídūto áramkṛtaḥ ||  
 10.014.14a yamāya ghṛtāvad dhavír juhóta prá ca tiṣṭhata |  
 10.014.14c sá no devéṣv ā yamad dīrghám áyuh prá jīvāse ||  
 10.014.15a yamāya mádhumattamam rájñe havýam juhótana |  
 10.014.15c idám náma ṛṣibhyaḥ pūrvajébhyaḥ pūrvebhyaḥ pathikṛdbhyaḥ ||  
 10.014.16a trikadrakebhiḥ patati śál urvír ékam íd bṛhát |

10.014.16c triṣṭúb gāyatrī chāndāmsi sárvá tá yamá áhitā ||

- 10.015.01a úd īratām ávara út párāsa ún madhyamāḥ pitāraḥ somyāsaḥ |  
10.015.01c ásum yá īyúr avrkā ṛtajñās té no 'vantu pitáro háveṣu ||  
10.015.02a idám pitṛbhyo námo astv adyá yé pūrvāso yá úparāsa īyúḥ |  
10.015.02c yé pāṛthive rájasy á níṣattā yé vā nūnām suvrjánāsu vikṣú ||  
10.015.03a āhám pitṛn suvidátrāṃ avitsi nāpātaṃ ca vikrámaṇaṃ ca víṣṇoḥ |  
10.015.03c barhiśádo yé svadháyā sutásya bhájanta pitvās tá ihāgamiṣṭhāḥ ||  
10.015.04a bárhiśadaḥ pitara ūty àrvāg imā vo havyā cakṛmā juśádhvam |  
10.015.04c tá á gatāvasā śamtamenāthā naḥ sám yór arapó dadhāta ||  
10.015.05a úpahūtāḥ pitāraḥ somyāso barhiṣyèṣu nidhīṣu priyèṣu |  
10.015.05c tá á gamantu tá ihá śruvantv ádhi bruvantu tè 'vantv asmān ||  
10.015.06a ácyā jānu dakṣiṇató niśádyemām yajñām abhí gṛṇīta víṣve |  
10.015.06c má himsiṣṭa pitaraḥ kéna cin no yád va āgaḥ puruṣátā kárāma ||  
10.015.07a āsīnāso aruṇīnām upásthe rayīm dhatta dāsūṣe mártyaia |  
10.015.07c putrēbhyaḥ pitaras tásya vásvaḥ prá yachata tá ihórjaṃ dadhāta ||  
10.015.08a yé naḥ pūrve pitāraḥ somyāso 'nūhiré somapīthām vásiṣṭhāḥ |  
10.015.08c tébhir yamáḥ samrarāṇó havīmṣy usānn usádbhīḥ pratikāmám attu ||  
10.015.09a yé tāṛṣúr devatrā jéhamānā hotrāvīda stómataṣṭāso arkaīḥ |  
10.015.09c āgne yāhi suvidátrebhir arvān satyaīḥ kavyaīḥ pitṛbhir gharmasádbhīḥ ||  
10.015.10a yé satyāso havirádo haviṣpá índreṇa devaīḥ sarátham dádhanāḥ |  
10.015.10c āgne yāhi sahásraṃ devavandaīḥ páraiḥ pūrvaiḥ pitṛbhir gharmasádbhīḥ ||  
10.015.11a ágniṣvātāḥ pitara éhá gachata sádaḥ-sadaḥ sadata supraṇītayaḥ |  
10.015.11c attā havīmṣi práyatāni barhiṣy áthā rayīm sáravāraṃ dadhātana ||  
10.015.12a tvám agna īlító jātavedó 'vāḍ dhavyāni surabhīni kṛtvī |  
10.015.12c prádāḥ pitṛbhyaḥ svadháyā té akṣann addhí tvám deva práyatā havīmṣi ||  
10.015.13a yé cehá pitáro yé ca néhá yāms ca vidmá yāñ u ca ná pravidmá |  
10.015.13c tvám vettha yāti té jātavedaḥ svadhābhir yajñām súkṛtam juṣasva ||  
10.015.14a yé agnidagdhá yé ánagnidagdhá mádhya divāḥ svadháyā mādáyante |  
10.015.14c tébhiḥ svarāḥ ásunītim etām yathāvaśām tanvām kalpayasva ||

- 10.016.01a maīnam agne ví daho mábhí śoco māsya tvácam cikṣipo má sárīram |  
10.016.01c yadā śṛtām kṛṇávo jātavedó 'them enam prá hiṇutāt pitṛbhyaḥ ||  
10.016.02a śṛtām yadā kárasī jātavedó 'them enam pári dattāt pitṛbhyaḥ |  
10.016.02c yadā gáchātye ásunītim etām áthā devānām vaśanīr bhavāti ||  
10.016.03a sūryam cákṣur gachatu vātam ātmā dyām ca gacha pṛthivīm ca dhármaṇā |  
10.016.03c apó vā gacha yádi tátra te hitám ośadhīṣu práti tiṣṭhā sárīraiḥ ||  
10.016.04a ajó bhāgás tásya tápaṣva tápaṣva tápaṣva te śocís tapatu tápaṣva te arcīḥ |  
10.016.04c yās te śívās tanvò jātavedas tábhir vahainaṃ sukṛtām ulokām ||  
10.016.05a áva sṛja púnar agne pitṛbhyo yás ta āhutaś cárati svadhābhiḥ |  
10.016.05c āyur vásāna úpa vetu śéṣaḥ sám gachatām tanvā jātavedaḥ ||  
10.016.06a yát te kṛṣṇāḥ śakunā ātutóda pipilāḥ sarpá utá vā śvāpadaḥ |  
10.016.06c aonís táḍ víśvād aoadám kṛnotu sómaś ca vó brāhmanāñ āvivéca ||

10.016.07a agnér várma pári góbhír vyayasva sám prórṇuṣva pívasā médasā ca |  
 10.016.07c nét tvā dhr̥ṣṇúr hárasā járhr̥ṣāṇo dadhr̥g vidhaksyán paryañkháyāte ||  
 10.016.08a imám agne camasám má ví jihvarah priyó devánām utá somyánām |  
 10.016.08c eṣá yás camasó devapánas tásmin devá amṛtá mādayante ||  
 10.016.09a kravyádam agním prá hiṇomi dūrám yamárājño gachatu ripraváhāḥ |  
 10.016.09c ihaíváyám ítaro jātávedā devébhyo havýam vahatu prajānán ||  
 10.016.10a yó agníḥ kravyát pravivéśa vo gr̥hám imám páśyann ítaram jātávedasam |  
 10.016.10c tám harāmi pitryajñāya devám sá gharmám invāt paramé sadhásthe ||  
 10.016.11a yó agníḥ kravyaváhanah pitṛn yáksad ṛtāvṛdhaḥ |  
 10.016.11c préd u havýāni vocati devébhyaś ca pitṛbhya ā ||  
 10.016.12a usántas tvā ní dhīmahy usántaḥ sám idhīmahi |  
 10.016.12c usánn usatá ā vaha pitṛn havíṣe áttave ||  
 10.016.13a yám tvám agne samádahas tám u nír vāpayā púnah |  
 10.016.13c kiyámbv átra rohatu pákadūrvá vyálkaśā ||  
 10.016.14a śítike śítikāvati hládike hládikāvati |  
 10.016.14c maṇḍūkyā sú sám gama imám sv àgním harṣaya ||

10.017.01a tváštā duhitré vahatúm kṛṇotítídám vísvam bhúvanam sám eti |  
 10.017.01c yamásya mātá paryuhyámānā mahó jāyá vívasvato nanāśa ||  
 10.017.02a ápāgūhann amṛtām mártýebhyaḥ kṛtví sávarṇām adadur vívasvate |  
 10.017.02c utáśvínāv abharad yát tád áśid ájahād u dvá mithuná saranyūḥ ||  
 10.017.03a pūṣá tvetás cyāvayatu prá vidvān ánaṣtapaśur bhúvanasya gopāḥ |  
 10.017.03c sá tvaitébhyaḥ pári dadat pitṛbhyo 'gnír devébhyaḥ suvidatríebhyaḥ ||  
 10.017.04a áyur vísváyuḥ pári pásati tvā pūṣá tvā pátu prápathe purástāt |  
 10.017.04c yátrásate sukṛto yátra té yayús tátra tvā deváh savitá dadhātu ||  
 10.017.05a pūṣémá áśā ánu veda sárvāḥ só asmám ábhayatamena neṣat |  
 10.017.05c svastidá āghṛṇiḥ sárvavīró 'prayuchan purá etu prajānán ||  
 10.017.06a prápathe pathám ajaníṣta pūṣá prápathe diváh prápathe pṛthivyáh |  
 10.017.06c ubhé abhí priyátame sadhásthe ā ca párá ca carati prajānán ||  
 10.017.07a sárasvatīm devayánto havante sárasvatīm adhvaré táyámāne |  
 10.017.07c sárasvatīm sukṛto ahvayanta sárasvatī dāsúṣe vāryam dāt ||  
 10.017.08a sárasvati yá sarátham yayátha svadhábhír devi pitṛbhír mādantī |  
 10.017.08c ásádyāsmín barhíṣi mādayasvānamívá íṣa ā dhehy asmé ||  
 10.017.09a sárasvatīm yám pitáro hávante dakṣiṇá yajñám abhinákṣamāñāḥ |  
 10.017.09c sahasrārgám iló átra bhāgám ráyás póṣam yájamāneṣu dhehi ||  
 10.017.10a ápo asmán mātáraḥ śundhayantu ghṛténa no ghṛtapvāḥ punantu |  
 10.017.10c vísvam hí riprám praváhanti devír úd id ábhyaḥ súcir á pūtá emi ||  
 10.017.11a drapsás caskanda prathamám ánu dyūn imám ca yónim ánu yás ca púrvaḥ |  
 10.017.11c samánám yónim ánu saṃcárantam drapsám juhomy ánu saptá hótrāḥ ||  
 10.017.12a yás te drapsá skándati yás te aṃśúr bāhúcyuto dhiṣāñāyā upástthāt |  
 10.017.12c adhvaryór vā pári vā yáh pavítrāt tám te juhomi mánasā váṣatkr̥tam ||  
 10.017.13a yás te drapsá skannó yás te aṃśúr avás ca yáh paráh srucá |  
 10.017.13c ayám devó bṛhaspátih sám tám siñcatu rádhase ||

10.017.14a páyasvatīr ósadhayaḥ páyasvan māmakām vácaḥ |  
10.017.14c apām páyasvad ít páyas téna mā sahá súndhata ||

10.018.01a páram mṛtyo ánu párehi pántham yás te svá ítaro devayānāt |  
10.018.01c cákṣuṣmate śrṇvaté te bravīmi má naḥ prajám rīriṣo móta vīrān ||  
10.018.02a mṛtyóḥ padám yopáyanto yád aíta drághīya áyuh pratarám dádhānāḥ |  
10.018.02c āpyāyamānāḥ prajáyā dhánena súddhāḥ pūtá bhavata yajñiyāsaḥ ||  
10.018.03a imé jīvā ví mṛtaír āvavrtrann ábhūd bhadrā deváhūtir no adyá |  
10.018.03c práñco agāma nṛtáye hásāya drághīya áyuh pratarám dádhānāḥ ||  
10.018.04a imám jīvébhyah paridhím dadhāmi maíṣam nú gād áparo ártham etám |  
10.018.04c śatám jīvantu śarádaḥ purūcír antár mṛtyúm dadhatām párvatena ||  
10.018.05a yáthāhāny anupūrvám bhávanti yátha rṭáva rṭúbhir yánti sādhu |  
10.018.05c yáthā ná pūrvam áparo jáhāty evá dhātar áyūṃṣi kalpayaiṣām ||  
10.018.06a á rohatáyur jarásam vṛñāná anupūrvám yátamāná yáti ṣṭhá |  
10.018.06c ihá tváṣṭā sujánimā sajóṣā dīrghám áyuh karati jīváse vaḥ ||  
10.018.07a imá nárīr avidhavāḥ supátnīr āñjanena sarpíṣā sám viśantu |  
10.018.07c anaśrávo 'namīvāḥ surátnā á rohanu jánayo yónim ágre ||  
10.018.08a úd īrṣva nāry abhí jīvalokám gatāsum etám úpa śeṣa éhi |  
10.018.08c hastagrābhásya didhiṣós távedám pátyur janitvám abhí sám babhūtha ||  
10.018.09a dhánur hástād ādádāno mṛtásyāsmé kṣatrāya várcase bálāya |  
10.018.09c átraivá tvám ihá vayám suvīrā víśvā spṛdho abhímātīr jayema ||  
10.018.10a úpa sarpa mātāram bhūmim etám uruvyácasam pṛthivīm suśévām |  
10.018.10c ūṇamradā yuvatīr dáksīṇāvata eṣā tvā pātu níṛṣṭer upásthāt ||  
10.018.11a úc chvañcasva pṛthivi má ní bādhatāḥ sūpāyanāsmāi bhava sūpavañcanā |  
10.018.11c mātá putráṃ yáthā sicābhy ènam bhūma ūṛṇuhi ||  
10.018.12a ucchváñcamāná pṛthiví sú tiṣṭhatu sahásram míta úpa hí śráyantām |  
10.018.12c té grhāso ghrtaścúto bhavantu víśvāhāsmāi śarañāḥ santv átra ||  
10.018.13a út te stabhnāmi pṛthivīm tvát párimám logám nidádhan mó ahám riṣam |  
10.018.13c etám sthūṇām pitáro dhārayantu té 'trā yamáḥ sádanā te minotu ||  
10.018.14a pratícīne mām áhaníṣvāḥ parṇám ivá dadhuḥ |  
10.018.14c pratícīm jagrabhā vācam ásvam raśanáyā yathā ||

10.019.01a ní vartadhvam mánu gātāsmān siṣakta revatīḥ |  
10.019.01c ágnīṣomā punarvasū asmé dhārayataṃ rayím ||  
10.019.02a púnar enā ní vartaya púnar enā ny á kuru |  
10.019.02c índra enā ní yachatv agnír enā upájatu ||  
10.019.03a púnar etā ní vartantām asmín puṣyantu gópatau |  
10.019.03c ihaívāgne ní dhārayehá tiṣṭhatu yá rayíḥ ||  
10.019.04a yán niyānam nyáyanam samjñānam yát parāyanam |  
10.019.04c āvartanam nivartanam yó gopá ápi tám huve ||  
10.019.05a yá udānaḍ vyáyanam yá udānaḍ parāyanam |  
10.019.05c āvartanam nivartanam ápi gopá ní vartatām ||  
10.019.06a á nivarta ní vartaya púnar na indra gá dehi |

10.019.06c jīvābhir bhunajāmahai ||  
10.019.07a pári vo víśvato dadha ūrjā ghr̥tēna páyasā |  
10.019.07c yé devāḥ ké ca yajñīyās té rayyā sám srjantu nah ||  
10.019.08a ā nivartana vartaya ní nivartana vartaya |  
10.019.08c bhūmyās cátsrah pradísas tábhya enā ní vartaya ||

10.020.01a bhadráṃ no ápi vātaya mánah ||  
10.020.02a agnīm īle bhujāṃ yáviṣṭham śāsā mitráṃ durdhárītum |  
10.020.02c yásya dhárman svàr éniḥ saparyánti mātúr ūdhaḥ ||  
10.020.03a yám āsā kṛpánīlam bhāsāketuṃ vardháyanti |  
10.020.03c bhr̥jate śréṇidan ||  
10.020.04a aryó víśám gātúr eti prá yád ānaḍ divó ántān |  
10.020.04c kavír abhrám dídyānah ||  
10.020.05a juśad dhavyā mánuṣasyordhvás tasthāv řbhvā yajñé |  
10.020.05c minván sádma purá eti ||  
10.020.06a sá hí kṣémo havír yajñāḥ śruṣṭíd asya gātúr eti |  
10.020.06c agnīm devā vāsīmantam ||  
10.020.07a yajñāsāham dúva iṣe 'gnīm pūrvasya sévasya |  
10.020.07c ádreḥ sūnóm āyúm āhuḥ ||  
10.020.08a náro yé ké cāsmád ā víśvét té vāmá ā syuḥ |  
10.020.08c agnīm havíṣā vārdhantaḥ ||  
10.020.09a kṛṣṇāḥ śvetó 'ruśó yāmo asya bradhná řjrā utá sóṇo yásasvān |  
10.020.09c híraṇyarūpaṃ jánitā jajāna ||  
10.020.10a evā te agne vimadó manīśám ūrjo napād amṛtebhiḥ sajóṣāḥ |  
10.020.10c gíra ā vakṣat sumatír iyāná íṣam ūrjaṃ suksítim víśvam ābhāḥ ||

10.021.01a āgnīm ná svávṛktibhir hótāraṃ tvā vṛṇīmahe |  
10.021.01c yajñāya stīrñābarhiṣe ví vo máde śírám pāvakásociṣam vívakṣase ||  
10.021.02a tvām u té svābhúvaḥ śumbhánty áśvarādhasaḥ |  
10.021.02c véti tvām upasécānī ví vo máda řjítir agna āhutir vívakṣase ||  
10.021.03a tvé dharmāṇa āsate juhúbhiḥ siñcatír iva |  
10.021.03c kṛṣṇá rūpāny árjunā ví vo máde víśvā ádhi śríyo dhiṣe vívakṣase ||  
10.021.04a yám agne mányase rayím sáhasāvann amartya |  
10.021.04c tám ā no vājasātaye ví vo máde yajñéṣu citráṃ ā bharā vívakṣase ||  
10.021.05a agnír jātó átharvaṇā vidád víśvāni kāvya |  
10.021.05c bhúvad dūtó vivásvato ví vo máde priyó yamáya kámyo vívakṣase ||  
10.021.06a tvām yajñésv īlaté 'gne prayaty ádhvaré |  
10.021.06c tvām vásūni kámyā ví vo máde víśvā dadhāsi dāsúṣe vívakṣase ||  
10.021.07a tvām yajñésv řtvíjaṃ cārum agne ní ṣedire |  
10.021.07c ghr̥tápratīkam mánuṣo ví vo máde śukráṃ cétīṣṭham akṣábhīr vívakṣase ||  
10.021.08a ágne śukréṇa śocíṣorú prathayase bṛhát |  
10.021.08c abhikrándan vṛṣāyase ví vo máde gárbham dadhāsi jámíṣu vívakṣase ||

10.022.01a kúha śrutá índraḥ kásminn adyá jáne mitró ná śrúyate |  
 10.022.01c řṣīṇāṃ vā yáḥ kṣáye gúhā vā cákrṣe girá ||  
 10.022.02a ihá śrutá índro asmé adyá stáve vajry řcīṣamaḥ |  
 10.022.02c mitró ná yó jáneṣv á yásaś cakré ásāmy á ||  
 10.022.03a mahó yás pátiḥ śávaso ásāmy á mahó nṛmṇásya tūtujíḥ |  
 10.022.03c bhartá vájrasya dhr̥ṣṇóḥ pitá putráṃ iva priyám ||  
 10.022.04a yujāno ásvā vātasya dhúnī devó devásya vajrivaḥ |  
 10.022.04c syántā pathá virúkmatā sr̥jāná stoṣy ádhvanaḥ ||  
 10.022.05a tvám tyá cid vātasyáśvágā řjrá tmánā váhadhyai |  
 10.022.05c yáyor devó ná mártyo yantá nákir vidáyyaḥ ||  
 10.022.06a ádha gmántośánā pṛchate vāṃ kádarthā na á grhám |  
 10.022.06c á jagmathuḥ parākād divás ca gmás ca mártyaṃ ||  
 10.022.07a á na indra pṛkṣase 'smákam bráhmódyatam |  
 10.022.07c tát tvā yācāmahé 'vaḥ súṣṇaṃ yád dhánn ámānuṣam ||  
 10.022.08a akarmā dásyur abhí no amantúr anyávrato ámānuṣaḥ |  
 10.022.08c tvám tásyāmitrahan vádhar dāsásya dambhaya ||  
 10.022.09a tvám na indra sūra sūrair utá tvótāso barhánā |  
 10.022.09c purutrá te ví pūrtáyo návanta kṣoṇáyo yathā ||  
 10.022.10a tvám tán vṛtrahátye codayo nṛṇ kárpāṇé sūra vajrivaḥ |  
 10.022.10c gúhā yádī kavīnāṃ viśám nákṣatraśavasām ||  
 10.022.11a makṣú tá ta indra dānāpnasa ākṣāṇé sūra vajrivaḥ |  
 10.022.11c yád dha súṣṇasya dambháyo jātám vísvaṃ sayāvabhiḥ ||  
 10.022.12a mákudhryàg indra sūra vásvīr asmé bhūvann abhíṣṭayaḥ |  
 10.022.12c vayám-vayaṃ ta āsām sumné syāma vajrivaḥ ||  
 10.022.13a asmé tá ta indra santu satyáhiṃsantīr upaspṛśaḥ |  
 10.022.13c vidyāma yásām bhújo dhenūnām ná vajrivaḥ ||  
 10.022.14a ahastá yád apádī várdhata kṣāḥ śácībhir vedyānām |  
 10.022.14c súṣṇaṃ pári pradakṣiṇíd viśváyave ní śísṇathaḥ ||  
 10.022.15a píbā-pibéd indra sūra sómam má řiṣaṇyo vasavāna vásuḥ sán |  
 10.022.15c utá tráyasva gr̥ṇató maghóno mahás ca rāyó revátas kṛdhī naḥ ||

10.023.01a yájāmaha índraṃ vájradakṣiṇaṃ hárīṇāṃ rathyàṃ vívratānām |  
 10.023.01c prá śmáśru dódhuvad ūrdhváthā bhūd ví sénābhir dáyamāno ví rádhasā ||  
 10.023.02a hárī nv àsya yá váne vidé vásv índro maghaír maghávā vṛtrahá bhuvat |  
 10.023.02c řbhúr vāja řbhukṣāḥ patyate śávó 'va kṣṇaumi dásasya náma cit ||  
 10.023.03a yadá vájraṃ híraṇyam íd áthā ráthaṃ hárī yám asya váhato ví sūrībhiḥ |  
 10.023.03c á tiṣṭhati maghávā sánaśruta índro vājasya dīrgháśravasas pátiḥ ||  
 10.023.04a só cin nú vṛṣṭír yūthyà svá sácāṃ índraḥ śmáśrūṇi hárītābhí prusṇute |  
 10.023.04c áva veti suksáyam suté mádhūd íd dhūnoti vāto yáthā vānam ||  
 10.023.05a yó vácā vívāco mṛdhrāvacaḥ purú saháśrásivā jaghána |  
 10.023.05c tát-tad íd asya paúm̐syam gr̥ṇīmasi pitéva yás táviṣīm vāvṛdhé śávaḥ ||  
 10.023.06a stómam ta indra vimadá aiñianann ápūrvvam purutámam sudánave |

10.023.06c vidmā hy āsya bhójanam ínasya yád á paśúm ná gopāḥ karāmahe ||  
10.023.07a mākīr na enā sakhyā ví yauṣus táva cendra vimadáśya ca řṣeḥ |  
10.023.07c vidmā hí te prámatiṃ deva jānivád asmé te santu sakhyā śívāni ||

10.024.01a índra sómam imóam píba mádhumantaṃ camū sutám |  
10.024.01c asmé rayím ní dhāraya ví vo máde sahasríṇam purūvaso vívakṣase ||  
10.024.02a tvám yajñébhīr uktháir úpa havyébhīr ímahe |  
10.024.02c śácīpate śacínām ví vo máde śréṣṭham no dhehi vāryam vívakṣase ||  
10.024.03a yás pátir vāryāṇām ási radhrāsya coditá |  
10.024.03c índra stotṛṇām avitá ví vo máde dviśó naḥ páhy áṃhaso vívakṣase ||  
10.024.04a yuvám śakrā māyāvínā samīcí nír amanthatam |  
10.024.04c vimadéna yád īlitá nāsatyā nírāmanthatam ||  
10.024.05a víśve devā akrīpanta samīcyór niṣpátantyoh |  
10.024.05c nāsatyāv abruvan devāḥ púnar á vahatād íti ||  
10.024.06a mádhuman me parāyaṇam mádhumat púnar áyanam |  
10.024.06c tá no devā devátayā yuvám mádhumatas kṛtam ||

10.025.01a bhadrám no ápi vātaya máno dáksam utá krátum |  
10.025.01c ádhā te sakhyé ándhaso ví vo máde ráṇan gāvo ná yāvase vívakṣase ||  
10.025.02a hr̥dispr̥śas ta āsate víśveṣu soma dhāmasu |  
10.025.02c ádhā kāmā imé máma ví vo máde ví tiṣṭhante vasūyávo vívakṣase ||  
10.025.03a utá vratāni soma te práhām mināmi pákyā |  
10.025.03c ádhā pitéva sūnáve ví vo máde mṛlā no abhí cid vadhād vívakṣase ||  
10.025.04a sám u prá yanti dhītáyaḥ sárgāso 'vatām̐ iva |  
10.025.04c krátum naḥ soma jīvāse ví vo máde dhārāyā camasām̐ iva vívakṣase ||  
10.025.05a táva tyé soma śáktibhir níkamāso vy ṛṇvire |  
10.025.05c gr̥tsasya dhírās tavāso ví vo máde vrajám gómantam aśvínam vívakṣase ||  
10.025.06a paśúm naḥ soma rakṣasi purutrā víṣṭhitam jágat |  
10.025.06c samākṛṇoṣi jīvāse ví vo máde víśvā sampáśyan bhúvanā vívakṣase ||  
10.025.07a tvám naḥ soma víśvāto gopā ádābhyo bhava |  
10.025.07c sédha rájann ápa srídho ví vo máde má no duḥsám̐sa ísatā vívakṣase ||  
10.025.08a tvám naḥ soma sukrátur vayodhéyāya jāgr̥hi |  
10.025.08c kṣetravítaro mánuṣo ví vo máde druhó naḥ páhy áṃhaso vívakṣase ||  
10.025.09a tvám no vṛtrahantaméndrasyendo śívāḥ sákhā |  
10.025.09c yát sīm hāvante samithé ví vo máde yúdhya mānās tokásatau vívakṣase ||  
10.025.10a ayám gha sá turó máda índrasya vardhata priyāḥ |  
10.025.10c ayám kakṣívato mahó ví vo máde matím víprasya vardhayad vívakṣase ||  
10.025.11a ayám víprāya dāśúṣe vājām̐ iyarti gómataḥ |  
10.025.11c ayám saptábhya á váram ví vo máde prándhām̐ sronām̐ ca tāriṣad vívakṣase ||

10.026.01a prá hy áchā manīśā spārhā yānti niyútaḥ |

10.026.01c prá dasrá niyúdrathaḥ pūṣá aviṣṭu máhinaḥ ||  
 10.026.02a yásya tyán mahitvám vātápyam ayám jánaḥ |  
 10.026.02c vípra á vaṃsad dhītíbhíś cíketa suṣṭutínám ||  
 10.026.03a sá veda suṣṭutínám índur ná pūṣá vṛṣā |  
 10.026.03c abhí psúraḥ pruṣāyati vrajám na á pruṣāyati ||  
 10.026.04a maṃsīmáhi tvā vayám asmákam deva pūṣan |  
 10.026.04c matínám ca sádhanaṃ víprāṇám cādhavám ||  
 10.026.05a prátyardhir yajñánám aśvahayó ráthānām |  
 10.026.05c řiṣiḥ sá yó mánurhito víprasya yāvayatsakhāḥ ||  
 10.026.06a ādhīṣamāṇāyāḥ pátiḥ śucāyās ca śucāsya ca |  
 10.026.06c vāsovāyó 'vīnām á vāsāmsi mármrjat ||  
 10.026.07a inó vājānām pátir ināḥ puṣṭínám sákhā |  
 10.026.07c prá śmāsru haryató dūdhod ví vṛthā yó ádābhyah ||  
 10.026.08a á te ráthasya pūṣann ajá dhúram vavṛtyuh |  
 10.026.08c víśvasyārthínaḥ sákhā sanojá ánapacyutaḥ ||  
 10.026.09a asmákam ūrjá rátham pūṣá aviṣṭu máhinaḥ |  
 10.026.09c bhúvad vājānām vṛdhā imám naḥ řṇavad dhávam ||

10.027.01a ásat sú me jaritaḥ sábhivegó yát sunvaté yájamānāya śíkṣam |  
 10.027.01c ánāśīrdām ahám asmi prahantá satyadhvṛtam vṛjināyantam ābhúm ||  
 10.027.02a yádíd ahám yudháye saṃnāyāny ádevayūn tanvā súśujanān |  
 10.027.02c amá te túmraṃ vṛṣabhám pacāni tīvrām sutám pañcadaśám ní řiñcam ||  
 10.027.03a nāhám tám veda yá íti brávyī ádevayūn samáraṇe jaghanvān |  
 10.027.03c yadāvákhyat samáraṇam řghāvad ád íd dha me vṛṣabhá prá bruvanti ||  
 10.027.04a yád ájñāteṣu vṛjáneṣv ásam víśve sató maghāvāno ma āsan |  
 10.027.04c jināmi vét kṣéma á sántam ābhúm prá tám kṣiṇām párvate pādagṛhya ||  
 10.027.05a ná vā u mām vṛjáne vārayante ná párvatāso yád ahám manasyé |  
 10.027.05c máma svanát kṛdhukárṇo bhayāta evéd ánu dyūn kirāṇaḥ sám ejāt ||  
 10.027.06a dárśan nv átra řṭapāñ anindrān bāhukṣádaḥ sárave pátyamānān |  
 10.027.06c ghṛṣum vā yé ninidúḥ sákhāyam ádhy ū nv eṣu paváyo vavṛtyuh ||  
 10.027.07a ábhūr v aúkṣīr vy ó áyur ānaḍ dárśan nú pūrvo áparo nú darṣat |  
 10.027.07c dvé paváste pári tám ná bhūto yó asyá pāre rájaso vivéṣa ||  
 10.027.08a gāvo yávam práyutā aryó akṣan tá apaśyam sahágoṣás cárantīḥ |  
 10.027.08c hávā íd aryó abhítaḥ sám āyan kíyad āsu svápatíś chandayāte ||  
 10.027.09a sám yád váyam yavasádo jánānām ahám yaváda urvájre antáḥ |  
 10.027.09c átrā yuktò 'vasātāram ichād átho áyuktaṃ yunajad vavanvān ||  
 10.027.10a átréd u me maṃsase satyám uktám dvipác ca yác cátuṣpāt saṃsṛjáni |  
 10.027.10c strībhir yó átra vṛṣaṇam pṛtanyád áyuddho asya ví bhajāni védaḥ ||  
 10.027.11a yásyānakṣá duhitá játv ása kás tám vidvām abhí manyāte andhām |  
 10.027.11c kataró mením práti tám mucāte yá īm vāhāte yá īm vā vareyāt ||  
 10.027.12a kíyati yóśa maryató vadhūyóḥ páripṛitā pányasā vāryeṇa |  
 10.027.12c bhadrá vadhūr bhavati yát supésāḥ svayám sá mitráṃ vanute jáne cit ||  
 10.027.13a pattó jagāra pratyāñcam atti řiṣṇá śíraḥ práti dadhau várūtham |  
 10.027.13c ácīna ūrdhvām upási kṣiṇāti nvāññá uttānām ány eti bhūmim ||

10.027.13c asma urdvam upasi kṣiṇati nyam utanam anu ca bhūmim ||  
 10.027.14a bṛhānn achāyó apalāśó árvā tasthaú mātā víṣito atti gárbhaḥ |  
 10.027.14c anyásyā vatsám rihatí mimāya káyā bhuvá ní dadhe dhenúr údhaḥ ||  
 10.027.15a saptá vīrāso adharád úd āyann aṣṭóttarāttāt sám ajagmíran té |  
 10.027.15c náva paścātāt sthivimánta āyan dáśa prák sānu ví tiranty áśnaḥ ||  
 10.027.16a daśánām ékaṃ kapilám samānám tám hinvanti krátave páryāya |  
 10.027.16c gárbham mātā súdhitam vaksánāsv ávenantam tuṣáyantī bibharti ||  
 10.027.17a pívānam meśám apacanta vīrā nyóptā akṣá ánu díva āsan |  
 10.027.17c dvā dhánum bṛhatím apsv àntáh pavítivantā carataḥ punántā ||  
 10.027.18a ví krośanáso víṣvañca āyan pácāti némo nahí pákṣad ardháh |  
 10.027.18c ayám me deváh savitā tát āha drvanna íd vanavat sarpírannaḥ ||  
 10.027.19a ápaśyam grāmaṃ váhamānam ārād acakráyā svadháyā vártamānam |  
 10.027.19c síśakty aryáh prá yugá jánānām sadyáh síśná praminānó návīyān ||  
 10.027.20a etaú me gāvau pramarásya yuktaú mó sú prá sedhír múhur ín mamandhi |  
 10.027.20c ápaś cid asya ví naśanty ártham súraś ca marká úparo babhūvān ||  
 10.027.21a ayám yó vájraḥ purudhá vívṛtto 'váḥ sūryasya bṛhatáh púrīṣāt |  
 10.027.21c śráva íd enā paró anyád asti tát avyathí jarimāṇas taranti ||  
 10.027.22a vṛkṣé-vṛkṣe níyatā mīmayad gaús táto váyah prá patān pūruśádaḥ |  
 10.027.22c áthedám vísvam bhúvanam bhayāta índrāya sunvād řsaye ca síkṣat ||  
 10.027.23a devánām māne prathamā atīṣṭhan kṛntátrād eśām úparā úd āyan |  
 10.027.23c tráyas tapanti pṛthivīm anūpā dvā bṛbūkaṃ vahataḥ púrīṣam ||  
 10.027.24a sá te jīvátur utá tásya viddhi má smaitádr̥g ápa gūhaḥ samaryé |  
 10.027.24c āvīḥ sváh kṛṇuté gūhate busám sá pādúr asya nirṇījo ná mucyate ||

10.028.01a víśvo hy ànyó arír ājagāma māméd áha svásuro ná jagāma |  
 10.028.01c jakṣīyád dhāná utá sómam papīyāt svāśītaḥ púnar ástam jagāyāt ||  
 10.028.02a sá róruvad vṛṣabhás tigmásṛṅgo várṣman tasthau várimann á pṛthivyáh |  
 10.028.02c víśveṣv enaṃ vṛjāneṣu pāmi yó me kukṣí sutásomaḥ pṛṇāti ||  
 10.028.03a ádriṇā te mandína indra túyān sunvánti sómān píbasi tvám eśām |  
 10.028.03c pácanti te vṛṣabhám átsi tēśām pṛkṣēna yán maghavan hūyāmānaḥ ||  
 10.028.04a idám sú me jaritar á cikiddhi pratīpám śápaṃ nadyò vahanti |  
 10.028.04c lopásáh siṃhám pratyáñcam atsáh kroṣṭá varāhám nír atakta kákṣāt ||  
 10.028.05a kathá ta etád ahám á ciketaṃ gr̥tsasya pákas taváso manīśám |  
 10.028.05c tvám no vidvám ṛtuthá ví voco yám árdham te maghavan kṣemyá dhūḥ ||  
 10.028.06a evá hí mām tavásam vardháyanti divás cin me bṛhatá úttarā dhūḥ |  
 10.028.06c purú sahasrā ní síśāmi sākám asatrúṃ hí mā jánitā jajāna ||  
 10.028.07a evá hí mām tavásam jajñúr ugrám kárman-karman vṛṣaṇam indra deváh |  
 10.028.07c vadhīm vṛtrám vājreṇa mandasānó 'pa vrajám mahinā dāsúṣe vam ||  
 10.028.08a devása āyan parasúṃr abibhran vānā vṛścānto abhí vidbhír āyan |  
 10.028.08c ní sudrvam dádhato vaksánāsu yátrā kṛpītam ánu tát dahanti ||  
 10.028.09a śásáh kṣurám pratyáñcam jagārādrim̐ logéna vy àbhedam ārāt |  
 10.028.09c bṛhántam cid ṛhaté randhayāni váyad vatsó vṛṣabhám súśuvānaḥ ||  
 10.028.10a suparṇá itthá nakhám á śīṣyávaruddhaḥ paripádam ná siṃháh |

10.028.10c niruddhás cin mahiṣás tarṣyāvān godhā tasmā ayáthaṃ karṣad etát ||  
10.028.11a tébhyo godhā ayáthaṃ karṣad etád yé brahmāṇaḥ pratipīyanty ánnaiḥ |  
10.028.11c simá ukṣṇò 'vasrṣṭām̐ adanti svayám bālāni tanvāḥ śrṇānāḥ ||  
10.028.12a eté śámībhiḥ suśámī abhūvan yé hinviré tanvāḥ sóma ukthaíḥ |  
10.028.12c nṛvād vādann úpa no māhi vājān diví śrávo dadhiṣe nāma vīrāḥ ||

10.029.01a váne ná vā yó ny àdhāyi cākāñ chūcir vām stómo bhuraṇāv ajīgaḥ |  
10.029.01c yásyéd índraḥ purudíneṣu hótā nṛṇām náryo nṛtamaḥ kṣapāvān ||  
10.029.02a prá te asyá uśásaḥ práparasyā nṛtaú syāma nṛtamasya nṛṇām |  
10.029.02c ánu trisókaḥ śatám ávahan nṛñ kútsena rátho yó ásat sasavān ||  
10.029.03a kás te máda indra rántyó bhūd dúro gíro abhy ógró ví dhāva |  
10.029.03c kád vāho arvāg úpa mā manīṣā á tvā śakyām upamām rádho ánnaiḥ ||  
10.029.04a kád u dyumnám indra tvāvato nṛñ káyā dhiyā karase kán na ágan |  
10.029.04c mitró ná satyá urugāya bhrtyā ánne samasya yád ásan manīṣāḥ ||  
10.029.05a préraya súro árthaṃ ná pāram̐ yé asya kāmam̐ janidhā iva gmán |  
10.029.05c gíraś ca yé te tuvijāta pūrvīr nára indra pratiśíkṣanty ánnaiḥ ||  
10.029.06a māt্রে nú te súmite indra pūrvī dyaúr majmánā pṛthivī kávyena |  
10.029.06c vārāya te ghr̥tāvantaḥ sutāsaḥ svādman bhavantu pītāye mádhūni ||  
10.029.07a á mádhvo asmā asicann ámatram̐ índrāya pūrṇam̐ sá hí satyárādhāḥ |  
10.029.07c sá vāvṛdhe várimann á pṛthivyā abhí krátvā náryaḥ paúm̐syaiś ca ||  
10.029.08a vy ànaḥ índraḥ pṛtanāḥ svójā ásmāi yatante sakhyāya pūrvīḥ |  
10.029.08c á smā ráthaṃ ná pṛtanāsu tiṣṭha yám bhadrāyā sumatyā codáyāse ||

10.030.01a prá devatrā bráhmaṇe gātúr etv apó áchā mánaso ná práyukti |  
10.030.01c mahím mitrásya váruṇasya dhāsím pṛthujráyase rīradhā suvṛktím ||  
10.030.02a ádhvaryavo havīṣmanto hí bhūtāchāpá itośatír usantaḥ |  
10.030.02c áva yás cáṣte aruṇāḥ suparṇás tám ásyadhvam ūrmím adyā suhastāḥ ||  
10.030.03a ádhvaryavo 'pá itā samudrām apām̐ nāpātaṃ havīṣā yajadhvam |  
10.030.03c sá vo dadad ūrmím adyā súpūtaṃ tásmai sómam̐ mádhumantaṃ sunota ||  
10.030.04a yó anidhmó dídayad apsv àntár yám̐ víprāsa ílate adhvaréṣu |  
10.030.04c ápām̐ napān mádhumatír apó dā yābhir índro vāvṛdhé vīryāya ||  
10.030.05a yābhiḥ sómo módate hárṣate ca kalyāñbhir yuvatíbhír ná máryaḥ |  
10.030.05c tá adhvaryo apó áchā párehi yád āsiñcā óṣadhībhiḥ punītāt ||  
10.030.06a evéd yūne yuvatáyo namanta yád īm usánn usatír éty ácha |  
10.030.06c sám̐ jānate mánasā sám̐ cikitre 'dhvaryávo dhiśāñāpás ca devīḥ ||  
10.030.07a yó vo vṛtābhyo ákr̥ṇod ulokám̐ yó vo mahyā abhísaster ámuñcat |  
10.030.07c tasmā índrāya mádhumantam̐ ūrmím̐ devamādanam̐ prá hiṇotanāpaḥ ||  
10.030.08a prásmāi hinota mádhumantam̐ ūrmím̐ gár̥bho yó vaḥ sindhavo mádhva útsaḥ |  
10.030.08c ghr̥tāpṛṣṭham̐ ídyam̐ adhvaréṣv ápo revatīḥ śr̥ṇutā hávam me ||  
10.030.09a tám̐ sindhavo matsarām̐ indrapānam̐ ūrmím̐ prá heta yá ubhé íyarti |  
10.030.09c madacyútam̐ auśānām̐ nabhojām̐ pári tritántum̐ vicárantam̐ útsam̐ ||  
10.030.10a ávár̥vatatír ádha nú dvidhārā goṣuyúdhó ná niyavām̐ cárantīḥ |  
10.030.10c íse iánitrīr bhúvanasva pátnīr apó vandasva savírdhah sávonīḥ ||

10.030.11a hinóta no adhvarám devayajyá hinóta bráhma sanáye dhánānām |  
 10.030.11c ṛtasya yóge ví śyadhvam ūdhaḥ śruṣṭivárīr bhūtanāsmábhyam āpaḥ ||  
 10.030.12a āpo revatiḥ kṣáyathā hí vásvaḥ krátuḥ ca bhadram bibhrthámṛtam ca |  
 10.030.12c rāyás ca sthá svapatyásya pátnīḥ sárasvatī tād grṇaté váyo dhāt ||  
 10.030.13a práti yád āpo ádrśram āyatīr ghr̥tām páyāmsi bíbhratīr mádhūni |  
 10.030.13c adhvaryúbhir mánasā samvidānā índrāya sómam sūśutam bhárantīḥ ||  
 10.030.14a émā agman revatīr jīvadhanyā ádhvaryavaḥ sādáyatā sakhāyaḥ |  
 10.030.14c ní barhīṣi dhattana somyāso 'pām nāptrā samvidānāsa enāḥ ||  
 10.030.15a āgmann āpa uśatīr barhír édám ny ádhvaré asadan devayántīḥ |  
 10.030.15c ádhvaryavaḥ sunuténdrāya sómam ábhūd u vaḥ suśákā devayajyá ||

10.031.01a ā no devānām úpa vetu śámso víśvebhis turaír ávase yájatrah |  
 10.031.01c tébhir vayám suśakhāyo bhavema táranto víśvā duritā syāma ||  
 10.031.02a pári cin márto dráviṇam mamanyād ṛtasya pathā námasā vivāset |  
 10.031.02c utá svéna krátunā sám vadeta śréyāmsam dáksam mánasā jagrbhyāt ||  
 10.031.03a ádhāyi dhītūr ásarḡram ámśās tūrthé ná dasmām úpa yanty ūmāḥ |  
 10.031.03c abhy ānaśma suvitásya śūśám návedaso amṛtānām abhūma ||  
 10.031.04a nítyas cākanyāt svápatir dāmūnā yásmā u devāḥ savitā jajāna |  
 10.031.04c bhágo vā góbhir aryamém anajyāt só asmai cāruś chadayad utá syāt ||  
 10.031.05a iyám sá bhūyā usásām iva kṣá yád dha kṣumántaḥ śávasā samāyan |  
 10.031.05c asyá stutīm jaritūr bhíkṣamāṇā ā naḥ śagmāsa úpa yantu vājāḥ ||  
 10.031.06a asyéđ eśá sumatīḥ paprathānābhavat pūrvyā bhūmanā gaúḥ |  
 10.031.06c asyá sánílā ásurasya yónau samāná ā bháraṇe bíbhramāṇāḥ ||  
 10.031.07a kíṃ svid vánaḥ ká u sá vṛkṣá āsa yáto dyāvāpṛthiví niṣṭatakṣúḥ |  
 10.031.07c samtasthāné ajáre itáūtī áhāni pūrvír usáso jaranta ||  
 10.031.08a náitāvad enā paró anyád asty ukṣá sá dyāvāpṛthiví bibharti |  
 10.031.08c tvácam pavíttram kṛṇuta svadhāvān yád īm sūryam ná haríto váhanti ||  
 10.031.09a stegó ná kṣám áty eti pṛthvīm míham ná vāto ví ha vāti bhūma |  
 10.031.09c mitró yátra váruṇo ajyámāno 'gnír váne ná vy ásrṣṭa sókam ||  
 10.031.10a starīr yát sūta sadyó ajyámānā vyáthir avyathīḥ kṛṇuta svágopā |  
 10.031.10c putró yát pūrvāḥ pitrór jániṣṭa śamyām gaúr jagāra yád dha pṛchān ||  
 10.031.11a utá káṇvam nṛśadaḥ putráḥ āhur utá śyāvó dhānam ádatta vājī |  
 10.031.11c prá kṛṣṇāya rúsad apinvatódhar ṛtām átra nákir asmā apīpet ||

10.032.01a prá sú gmántā dhiyasānāsya saksāni varébhīr varāṃ abhí śú prasídataḥ |  
 10.032.01c asmákam índra ubháyaḥ jujoṣati yát somyásyāndhaso búbodhati ||  
 10.032.02a vīndra yāsi divyāni rocanā ví pārvīvāni rájasā puruṣṭuta |  
 10.032.02c yé tvā váhanti múhur adhvarāṃ úpa té sú vanvantu vagvanāṃ arādhāsaḥ ||  
 10.032.03a tād ín me chantsad vápuṣo vápuṣṭaram putró yáj jánam pitrór adhīyati |  
 10.032.03c jāyá pátiḥ vahati vagnūnā sumát puṃsá íd bhadró vahatūḥ páriṣkṛtaḥ ||  
 10.032.04a tād ít sadhástham abhí cāru dīdhaya gāvo yác chāsan vahatūḥ ná dhenávaḥ |  
 10.032.04c mātā yán mántur yūthásya pūrvyābhí vānāsya saptádhatur íj jánaḥ ||

10.032.05a prá vó 'chā ririce devayúṣ padám éko rudrēbhir yāti turváṇiḥ |  
10.032.05c jarā vā yéṣv amṛteṣu dāvāne pári va ūmebhyaḥ siñcatā mádhu ||  
10.032.06a nidhīyāmānam ápagūlham apsú prá me devānām vratapā uvāca |  
10.032.06c índro vidvāṃ ánu hí tvā cacákṣa ténāhám agne ánuśiṣṭa āgām ||  
10.032.07a ákṣetravit kṣetravídaṃ hy áprāt sá praíti kṣetravídānuśiṣṭaḥ |  
10.032.07c etád vaí bhadrám anuśāsanasyotá srutīm vindaty añjasínām ||  
10.032.08a adyéḍ u práñīḍ ámamann imāhāpīvrto adhayan mātúr ūdhaḥ |  
10.032.08c ém enam āpa jarimā yúvānam áheḷan vásuḥ sumánā babhūva ||  
10.032.09a etāni bhadrā kalaśa kriyāma kúruśravaṇa dádato maghāni |  
10.032.09c dāná íd vo maghavānaḥ só astv ayām ca sómo hṛdí yám bíbharmi ||

10.033.01a prá mā yuyujre prayújo jánānām váhāmi sma pūśāṇam ántareṇa |  
10.033.01c víśve devāso ádha mām arakṣan duḥśāsura āgād íti ghōṣa āsīt ||  
10.033.02a sām mā tapanty abhítāḥ sapátnīr iva pársavaḥ |  
10.033.02c ní bād hate ámatir nagnátā jásur vér ná vevīyate matīḥ ||  
10.033.03a múṣo ná śiśná vy àdanti mādhyà stotāraṃ te śatakrato |  
10.033.03c sakṛt sú no maghavann indra mṛlayādḥā pitéva no bhava ||  
10.033.04a kuruśravaṇam āvr̥ṇi rájānaṃ trāsadasyavam |  
10.033.04c māmhiṣṭhaṃ vāghátām ṛṣiḥ ||  
10.033.05a yásya mā haríto ráthe tísro váhanti sādhu yá |  
10.033.05c stávai sahásradakṣiṇe ||  
10.033.06a yásya prásvādaso gíra upamáśravasah pitúḥ |  
10.033.06c kṣétram ná raṇvám ūcúṣe ||  
10.033.07a ádhi putropamaśravo nápn̄an̄a mitrātither ihi |  
10.033.07c pitúṣ te asmi vanditā ||  
10.033.08a yád íśīyāmṛtānām utá vā mártīyānām |  
10.033.08c jíved ín maghāvā máma ||  
10.033.09a ná devānām áti vratāṃ śatātmā caná jīvati |  
10.033.09c táthā yujá ví vāvṛte ||

10.034.01a právepā mā bṛható mādayanti pravātejā íriṇe várvṛtānāḥ |  
10.034.01c sómasyeva maujavatásya bhakśó vibhídako jágrvir máhyam achān ||  
10.034.02a ná mā mimetha ná jihīḷa eṣā śivā sákhībhya utá máhyam āsīt |  
10.034.02c akśasyāhám ekaparásya hetór ánuvratām āpa jāyām arodham ||  
10.034.03a dvéṣṭi śvaśrúr āpa jāyá ruṇaddhi ná nāthitó vindate marḍitāram |  
10.034.03c ásvasyeva járato vásnyasya nāhám vindāmi kitavásya bhógam ||  
10.034.04a anyé jāyām pári mṛsanty asya yásyāgr̥dhad védane vājy ákśāḥ |  
10.034.04c pitá mātá bhrátara enam āhur ná jānīmo náyatā baddhám etám ||  
10.034.05a yád ādídhye ná daviśāny ebhiḥ parāyádbhyó 'va híye sákhībhyaḥ |  
10.034.05c nyóptās ca babhrávo vācam ákrataṃ émíd eṣāṃ niṣkrtām jāriṇīva ||  
10.034.06a sabhām eti kitavāḥ pṛchāmāno jeṣyāmīti tanvā súśujānaḥ |  
10.034.06c akśāso asya ví tiranti kāmam pratidívne dádḥata á kṛtāni ||

10.034.07a akṣāsa íd añkuśino nitodino níkr̥tvānas tápanās tāpayiṣṇávaḥ |  
 10.034.07c kumārādeṣṇā jáyataḥ punarháno mádhvā sámpṛktāḥ kitavásya barháṇā ||  
 10.034.08a tripañcāsāḥ kr̥l̥ati vr̥tā eṣāṃ devā iva savitā satyádharma |  
 10.034.08c ugrásya cin manyáve nā namante rájā cid ebhyo náma ít kr̥noti ||  
 10.034.09a nīcā vartanta upári sphuranty ahastāso hástavantaṃ sahante |  
 10.034.09c divyā ángārā ír̥iṇe nyóptāḥ śītāḥ sánto hṛdayaṃ nír dahanti ||  
 10.034.10a jāyā tapyate kitavásya hīnā mātā putrásya cárataḥ kvà svit |  
 10.034.10c ṛṇāvā bíbhyad dhánam ichámāno 'nyéṣām ástam úpa náktam eti ||  
 10.034.11a stríyaṃ dr̥ṣṭvāya kitavaṃ tatāpānyéṣām jāyāṃ súkr̥taṃ ca yónim |  
 10.034.11c pūrvāhñé ásvān yuyujé hí babhrún só agnér ánte vṛṣalāḥ papāda ||  
 10.034.12a yó vaḥ senānír maható gaṇásya rájā vr̥tāsya prathamó babhūva |  
 10.034.12c tásmāi kr̥ṇomi ná dhánā ruṇadhmi dáśāhám prácis tād ṛtāṃ vadāmi ||  
 10.034.13a akṣair mā dīvyāḥ kr̥ṣím ít kr̥ṣasva vitté ramasva bahú mányamānaḥ |  
 10.034.13c táttra gāvāḥ kitava táttra jāyā tán me ví caṣṭe savitāyám aryāḥ ||  
 10.034.14a mitráṃ kr̥ṇudhvaṃ khálu mṛl̥atā no mā no ghoréṇa caratābhí dhr̥ṣṇú |  
 10.034.14c ní vo nú manyúr viśatām árātir anyó babhrūṇām prásitau nv àstu ||

10.035.01a ábudhram u tyā índravanto agnáyo jyótir bháranta uśaso vyóṣṭiṣu |  
 10.035.01c mahí dyāvāpṛthiví cetatām ápo 'dyā devānām áva á vṛṇīmahe ||  
 10.035.02a divāspṛthivyór áva á vṛṇīmahe mātṛṇ sīndhūn párvatāñ charyañvataḥ |  
 10.035.02c anāgāstvāṃ sūryam uśásam īmahe bhadrāṃ sómaḥ suvánó adyā kr̥notu naḥ ||  
 10.035.03a dyāvā no adyā pṛthiví ánāgaso mahí tráyetāṃ suvitāya mātárā |  
 10.035.03c uśā uchānty ápa bādhatām aghāṃ svasty àgnīm samidhānām īmahe ||  
 10.035.04a iyām na usrā prathamā sudevyāṃ revát sanībhyo revatī vy óchatu |  
 10.035.04c āré manyúṃ durvidátrasya dhīmahi svasty àgnīm samidhānām īmahe ||  
 10.035.05a prá yāḥ sísrate sūryasya raśmībhir jyótir bhárantir uśaso vyóṣṭiṣu |  
 10.035.05c bhadrā no adyā śrávase vy óchata svasty àgnīm samidhānām īmahe ||  
 10.035.06a anamīvā uśāsa á carantu na úd agnáyo jihatāṃ jyótiṣā bṛhát |  
 10.035.06c áyukṣātām ásvínā tūtujiṃ ráthaṃ svasty àgnīm samidhānām īmahe ||  
 10.035.07a śréṣṭhaṃ no adyā savitar váreṇyam bhāgām á suva sá hí ratnadhā ási |  
 10.035.07c rāyó jánitṛiṃ dhiśāṇām úpa bruve svasty àgnīm samidhānām īmahe ||  
 10.035.08a pípartu mā tát ṛtāsya pravācanaṃ devānām yán manuṣyā ámanmahi |  
 10.035.08c vísvā íd usrā spál úd eti sūryāḥ svasty àgnīm samidhānām īmahe ||  
 10.035.09a adveśó adyā barhíṣa stárīmaṇi grāvṇāṃ yóge mánmanaḥ sādha īmahe |  
 10.035.09c ādityānām śármaṇi sthā bhuraṇyasi svasty àgnīm samidhānām īmahe ||  
 10.035.10a á no barhíḥ sadhamāde bṛhád diví devāṃ ṭle sādáyā saptá hótṛṇ |  
 10.035.10c índram mitráṃ váruṇaṃ sātāye bhāgaṃ svasty àgnīm samidhānām īmahe ||  
 10.035.11a tá ādityā á gatā sarvātātaye vrdhé no yajñām avatā sajoṣasaḥ |  
 10.035.11c bṛhaspátim pūśāṇam ásvínā bhāgaṃ svasty àgnīm samidhānām īmahe ||  
 10.035.12a tán no devā yachata supravācanaṃ chardír ādityāḥ subhāraṃ nṛpāyayam |  
 10.035.12c páśve tokāya tánayāya jīvāse svasty àgnīm samidhānām īmahe ||  
 10.035.13a víśve adyā marúto víśva ūtí víśve bhavantv agnáyaḥ sámiddhāḥ |  
 10.035.13c víśve no devā ávasā gamantu víśvam astu dráviṇaṃ vājo asmé ||

10.035.14a yám devāsó 'vatha vājasātau yám trāyadhve yám pipṛthāty áṃhaḥ |  
10.035.14c yó vo gopīthé ná bhayāsya véda té syāma devāvītaye turāsaḥ ||

10.036.01a uṣāsānāktā bṛhatī supéśasā dyāvākṣāmā váruṇo mitró aryamā |  
10.036.01c índraṃ huve marútaḥ párvatām̃ apá ādityān dyāvāpṛthivī apáh svàḥ ||  
10.036.02a dyaús ca naḥ pṛthivī ca prácetasa ṛtāvarī rakṣatām áṃhaso riśáh |  
10.036.02c má durvidátrā níṛṛtir na īśata tát devānām ávo adyá vṛṇīmahe ||  
10.036.03a víśvasmān no áditih pātv áṃhaso mātā mitrásya váruṇasya revátaḥ |  
10.036.03c svàrvaj jyótir avṛkām naśimahi tát devānām ávo adyá vṛṇīmahe ||  
10.036.04a grāvā vādann ápa rákṣāmsi sedhatu duṣvápnyam níṛṛtiṃ víśvam atrīṇam |  
10.036.04c ādityám śárma marútām aśimahi tát devānām ávo adyá vṛṇīmahe ||  
10.036.05a éndro barhíḥ sídatu pínvatām ílā bṛhaspátih sāmabhir ṛkvó arcatu |  
10.036.05c supraketaṃ jīvāse mánma dhīmahi tát devānām ávo adyá vṛṇīmahe ||  
10.036.06a divispṛśam yajñám asmákam aśvinā jirádhvaram kṛṇutam sumnám iṣṭāye |  
10.036.06c prácinaraśmim āhutam ghṛtēna tát devānām ávo adyá vṛṇīmahe ||  
10.036.07a úpa hvaye suhávam mārutam gaṇám pávakám ṛṣvám sakhyāya śambhúvam |  
10.036.07c rāyás póśam sauśravasāya dhīmahi tát devānām ávo adyá vṛṇīmahe ||  
10.036.08a apám péruṃ jivádhanyam bharāmahe devāvyam suhávam adhvaraśríyam |  
10.036.08c suraśmim sómam indriyam yamīmahi tát devānām ávo adyá vṛṇīmahe ||  
10.036.09a sanéma tát susanítā sanítvabhir vayám jivá jiváputrá ánāgasah |  
10.036.09c brahmadvišo víśvag éno bharerata tát devānām ávo adyá vṛṇīmahe ||  
10.036.10a yé sthā mánor yajñíyās té śṛṇotana yád vo devā ímahe tát dadātana |  
10.036.10c jaitram krátum rayimád vīrávad yásas tát devānām ávo adyá vṛṇīmahe ||  
10.036.11a mahád adyá mahatām ā vṛṇīmahé 'vo devānām bṛhatām anarvāṇām |  
10.036.11c yáthā vásu vīrájātam náśāmahai tát devānām ávo adyá vṛṇīmahe ||  
10.036.12a mahó agnéḥ samidhānāsya śármaṇy ánāgā mitré váruṇe svastāye |  
10.036.12c śréṣṭhe syāma savitúḥ sávīmani tát devānām ávo adyá vṛṇīmahe ||  
10.036.13a yé savitúḥ satyāsavasya víśve mitrásya vraté váruṇasya deváh |  
10.036.13c té saúbhagam vīrávad gómad ápno dádhātana dráviṇam citráam asmé ||  
10.036.14a savitá paścātāt savitá purástāt savitóttarāttāt savitá dharāttāt |  
10.036.14c savitá naḥ suvatu sarvátātiṃ savitá no rāsataṃ dīrghám áyuh ||

10.037.01a námo mitrásya váruṇasya cákṣase mahó devāya tát ṛtām saparyata |  
10.037.01c dūredṛše devājātāya ketāve divás putráya sūryāya śamsata ||  
10.037.02a sá mā satyóktiḥ pári pátu víśvato dyāvā ca yátra tatánann áhāni ca |  
10.037.02c víśvam anyán ní víśate yád éjati víśvāhāpo víśvāhód eti sūryah ||  
10.037.03a ná te ádevah pradívo ní vāsate yád etaśébhiḥ patarái ratharyási |  
10.037.03c prácinam anyád ánu vartate rája úd anyéna jyótiṣā yāsi sūrya ||  
10.037.04a yéna sūrya jyótiṣā bádhasé támó jágac ca víśvam udiyārṣi bhānúnā |  
10.037.04c ténāsmád víśvām ánirām ánāhutim ápāmīvām ápa duṣvápnyam suva ||  
10.037.05a víśvasya hí préṣito rákṣasi vratám áhelayann uccárasī svadhā ánu |  
10.037.05c yád adyá tvā sūryopabrāvāmahai tam no devā ánu maṃsīrata krátum ||  
10.037.06a tám no dyāvāpṛthivī tán na ápa índrah śrnvantu marúto hávam vácah |

10.037.06c mǎ śúne bhūma sūryasya saṃdṛśi bhadraṃ jīvanto jaraṇām aśimahi ||  
 10.037.07a viśvāhā tvā sumānasaḥ sucākṣasaḥ prajāvanto anamīvā ānāgasah |  
 10.037.07c udyāntaṃ tvā mitramaho divé-dive jyóg jīvāḥ práti paśyema sūrya ||  
 10.037.08a máhi jyótir bíbhrataṃ tvā vicakṣaṇa bhāsvantaṃ cākṣuṣe-cakṣuṣe máyaḥ |  
 10.037.08c āróhantaṃ br̥hataḥ pájasas pári vayāṃ jīvāḥ práti paśyema sūrya ||  
 10.037.09a yásya te víśvā bhúvanāni ketúnā prá cérate ní ca viśānte aktúbhiḥ |  
 10.037.09c anāgāstvēna harikeśa sūryāhnāhnā no vásyasā-vasyasód ihi ||  
 10.037.10a śám no bhava cākṣasā śám no áhnā sám bhānúnā śám himā śám ghr̥ṇēna |  
 10.037.10c yáthā sám ádhvañ chám ásad duroṇé tát sūrya dráviṇaṃ dhehi citráṃ ||  
 10.037.11a asmákam devā ubháyāya jánmane sárma yachata dvipáde cátuṣpade |  
 10.037.11c adát píbad ūrjáyamānam áśitaṃ tát asmé śám yór arapó dadhātana ||  
 10.037.12a yád vo devās cakṛmá jihváyā gurú mánaso vā práyutī devahélanam |  
 10.037.12c árāvā yó no abhí duchunāyáte tásmin tát éno vasavo ní dhetana ||

10.038.01a asmín na indra pṛtsutaú yásasvati śímīvati krándasi práva sātāye |  
 10.038.01c yátra goṣātā dhr̥ṣitéṣu khādīṣu víśvak pátanti didyávo nṛṣāhye ||  
 10.038.02a sá naḥ kṣumántaṃ sádane vy ūr̥ṇuhi góar̥ṇasaṃ rayím indra śravāyyam |  
 10.038.02c syāma te jáyataḥ śakra medíno yáthā vayāṃ uśmási tát vaso kṛdhi ||  
 10.038.03a yó no dása áryo vā puruṣtutādeva indra yudháye cíketati |  
 10.038.03c asmābhiḥ te suśáhāḥ santu śátravas tváyā vayāṃ tán vanuyāma saṃgamé ||  
 10.038.04a yó dabhrébhir hávyo yás ca bhūribhir yó abhíke varivovín nṛṣāhye |  
 10.038.04c tám vikhādé sásnim adyá śrutám náram arvāñcam índram ávase karāmahe ||  
 10.038.05a svavṛjam hí tvām ahám indra śusrávānānudám vṛṣabha radhracódanam |  
 10.038.05c prá muñcasva pári kútsād ihá gahi kím u tvāvān muṣkáyor baddhá āsate ||

10.039.01a yó vām párijmā suvṛd aśvinā rátho doṣām uśāso hávyo havísmatā |  
 10.039.01c śaśvattamāsas tám u vām idám vayāṃ pitúr ná náma suhávaṃ havāmahe ||  
 10.039.02a codáyataṃ sūnṛtāḥ pínvataṃ dhíya út púraṃdhīr īrayataṃ tát uśmasi |  
 10.039.02c yaśásam bhāgám kṛṇutaṃ no aśvinā sómaṃ ná cārum maghávatsu nas kṛtam ||  
 10.039.03a amājúraś cid bhavatho yuvám bhāgo 'nāsós cid avitārāpamásya cit |  
 10.039.03c andhásya cin nāsatyā kṛśásya cid yuvám íd āhur bhiśájā rutásya cit ||  
 10.039.04a yuvám cyávānaṃ sanáyam yáthā rátham púnar yúvānaṃ caráthāya takṣathuḥ |  
 10.039.04c níṣ ṭaugryám ūhathur adbhyás pári víśvét tá vām sávaneṣu pravācyā ||  
 10.039.05a purāṇā vām vīryā prá bravā jáné 'tho hāsathur bhiśájā mayobhúvā |  
 10.039.05c tá vām nú návyāv ávase karāmahe 'yam nāsatyā śrad arír yáthā dádhat ||  
 10.039.06a iyám vām ahve śṛṇutám me aśvinā putráyeva pitārā máhyaṃ śikṣatam |  
 10.039.06c ánāpir ájñā asajātyāmatih purá tásyā abhísaster áva spṛtam ||  
 10.039.07a yuvám ráthēna vimadāya śundhyúvaṃ ny ūhathuḥ purumitrásya yóṣaṇām |  
 10.039.07c yuvám hávaṃ vadhrimatyā agachataṃ yuvám súṣutim cakrathuḥ púraṃdhaye ||  
 10.039.08a yuvám víprasya jaraṇām upeyúsaḥ púnaḥ kalér akṛṇutaṃ yúvad váyaḥ |  
 10.039.08c yuvám vándanam ṛśyadād úd ūpathur yuvám sadyó víspálām étave kṛthaḥ ||  
 10.039.09a yuvám ha rebháṃ vṛṣaṇā gūhā hitám úd airayatam mamṛvāmsam aśvinā |  
 10.039.09c yuvám r̥h̥sam utá tantám átrava ómanvantaṃ cakrathuḥ santáavadhrave ||

10.039.10a yuvám śvetám pedáve 'śvináśvaṃ navábhīr vājair navatī ca vājīnam |  
 10.039.10c carkṛtyaṃ dadathur drāvayátsakham bhágaṃ ná nṛbhyo hávyam mayobhúvam ||  
 10.039.11a ná táṃ rājānāv adite kútas caná námho aśnoti duritáṃ nákir bhayám |  
 10.039.11c yám aśvinā suhavā rudravartanī puroratháṃ kṛṇutháḥ pátnyā sahá ||  
 10.039.12a á téna yātam mánaso jávīyasā rátham yám vām ṛbhávaś cakrúr aśvinā |  
 10.039.12c yásya yóge duhitá jáyate divá ubhé áhanī sudíne vivásvataḥ ||  
 10.039.13a tá vartír yātam jayúśā ví párvatam ápinvatam śayáve dhenúm aśvinā |  
 10.039.13c vīkasya cid vártikām antár āsyād yuvám śácībhir grasitám amuñcatam ||  
 10.039.14a etám vām stómam aśvināv akarmātakṣāma bhṛgavo ná rátham |  
 10.039.14c ny àmrkṣāma yóṣaṇām ná márye nítyam ná sūnúm tánayam dádhanāḥ ||

10.040.01a rátham yántam kúha kó ha vām narā práti dyumántam suvitāya bhūṣati |  
 10.040.01c prātaryāvānaṃ vibhvám visé-vise vástor-vastor váhamānaṃ dhiyá sámī ||  
 10.040.02a kúha svid doṣá kúha vástor aśvinā kúhābhipitvám karataḥ kúhoṣatuḥ |  
 10.040.02c kó vām śayutrā vidháveva deváram máryam ná yóśā kṛṇute sadhástha á ||  
 10.040.03a prātár jarethe jaraṇéva kápayā vástor-vastor yajatá gachatho grhám |  
 10.040.03c kásya dhvasrá bhavathaḥ kásya vā narā rājaputréva sávanāva gachathaḥ ||  
 10.040.04a yuvám mrgéva vāraṇá mrganyávo doṣá vástor havíṣā ní hvayāmahe |  
 10.040.04c yuvám hótrām ṛtuthá júhvate naréṣam jánāya vahathaḥ śubhas patī ||  
 10.040.05a yuvám ha ghóśā páry aśvinā yatī rájña ūce duhitá pṛché vām narā |  
 10.040.05c bhūtám me áhna utá bhūtam aktávé 'śvāvate rathíne śaktam árvate ||  
 10.040.06a yuvám kaví ṣṭhaḥ páry aśvinā rátham víso ná kútso jaritúr naśāyathaḥ |  
 10.040.06c yuvór ha mákṣā páry aśvinā mádhv āsá bharata niṣkṛtám ná yóṣaṇā ||  
 10.040.07a yuvám ha bhujyúm yuvám aśvinā vásam yuvám śinjāram usánām úpārathuḥ |  
 10.040.07c yuvó rárāvā pári sakhyám āsate yuvór ahám ávasā sumnám á cake ||  
 10.040.08a yuvám ha kṛśám yuvám aśvinā śayúm yuvám vidhántam vidhávām uruṣyathaḥ |  
 10.040.08c yuvám sanībhya stanáyantam aśvināpa vrajám ūṛṇuthaḥ saptásyam ||  
 10.040.09a jániṣṭa yóśā patáyat kanīnakó ví cāruhan vírúdho daṃsánā ánu |  
 10.040.09c āsmāi rīyante nivanéva síndhavo 'smá áhne bhavati tát patitvanám ||  
 10.040.10a jívam rudanti ví mayante adhvaré dīrghám ánu prásitim dīdhiyur nárah |  
 10.040.10c vāmám pitṛbhyo yá idám sameriré máyaḥ pátibhyo jánayaḥ pariśvāje ||  
 10.040.11a ná tásya vidma tát u śú prá vocata yúvā ha yád yuvatyāḥ kṣéti yóniṣu |  
 10.040.11c priyósriyasya vṛṣabhásya retíno grhám gamemāśvinā tát uśmasi ||  
 10.040.12a á vām agan sumatír vājīnīvasū ny aśvinā hrtsú kāmā ayamsata |  
 10.040.12c ábhūtam gopá mithuná śubhas patī priyá aryamṇó dúryāñ aśīmahi ||  
 10.040.13a tá mandasáná mánuṣo duroṇá á dhattám rayím sahávīram vacasyáve |  
 10.040.13c kṛtám tīrthám suprapāṇám śubhas patī sthāṇúm pathesṭhám ápa durmatím hatam ||  
 10.040.14a kvà svid adyá katamāsv aśvinā vikṣú dasrá mādayete śubhás patī |  
 10.040.14c ká īm ní yeme katamásya jagmatur víprasya vā yájamānasya vā grhám ||

10.041.01a samānám u tyám puruhūtám ukthyám rátham tricakráṃ sávanā gánigmatam |  
 10.041.01c párijmānaṃ vidathyám suvrktībhir vayám vyóṣṭā uśáso havāmahe ||

10.041.02a prātaryújaṃ nāsatyādhi tiṣṭhathaḥ prātaryāvāṇaṃ madhuvāhanaṃ rátham |  
10.041.02c víso yéna gáchatho yájvarīr narā kīrés cid yajñāṃ hótṛmantam aśvinā ||  
10.041.03a adhvaryúṃ vā mádhupāṇiṃ suhástyam agnídhaṃ vā dhṛtádakṣaṃ dāmūnasam |  
10.041.03c víprasya vā yát sávanāni gáchatho 'ta ā yātam madhupéyam aśvinā ||

10.042.01a ásteva sú prataráṃ láyam ásyān bhūṣann iva prá bharā stómam asmaí |  
10.042.01c vácā viprás tarata vácam aryó ní rāmaya jaritaḥ sóma índram ||  
10.042.02a dóhena gám úpa síkṣā sákhāyam prá bodhaya jaritar jarám índram |  
10.042.02c kósam ná pūrṇāṃ vásunā nyṛṣtam ā cyāvaya maghadéyāya sūram ||  
10.042.03a kím aṅgá tvā maghavan bhojám āhuḥ śíśīhí mā śíśayám tvā śṛṇomi |  
10.042.03c ápnasvatī máma dhír astu śakra vasuvídān bhágam indrá bharā naḥ ||  
10.042.04a tvám jánā mamasatyésv indra samtasthāná ví hvayante samíké |  
10.042.04c átrā yújaṃ kṛṇute yó havíṣmān násunvatā sakhyám vaṣṭi sūraḥ ||  
10.042.05a dhánaṃ ná syandrám bahulám yó asmaí tīvrán sómāṃ āsunóti práyasvān |  
10.042.05c tásmāi śátrūn sutúkān prátár áhno ní sváṣṭrān yuváti hánti vṛtrám ||  
10.042.06a yásmin vayám dadhimá śámsam índre yáḥ śíśráya maghávā kāmam asmé |  
10.042.06c ārac cit sán bhayatām asya sátrur ny āsmai dyumnā jányā namantām ||  
10.042.07a ārac chátrum ápa bādhasva dūrám ugró yáḥ sámbaḥ puruhūta téna |  
10.042.07c asmé dhehi yávamad gómad indra kṛdhí dhíyam jaritré vájaratnām ||  
10.042.08a prá yám antár vṛsasavāso ágman tīvrāḥ sómā bahulántāsa índram |  
10.042.08c náha dāmānam maghávā ní yamsan ní sunvaté vahati bhūri vāmám ||  
10.042.09a utá prahám atidívyā jayāti kṛtām yác chvaghní vicinóti kalé |  
10.042.09c yó devákāmo ná dhánā ruṇaddhi sám ít táṃ rāyā srjati svadhāvān ||  
10.042.10a góbbhiḥ ṭaremāmatim durévām yávena kṣúdham puruhūta vísvām |  
10.042.10c vayám rájabhiḥ prathamā dhánāny asmákēna vṛjánēnā jayema ||  
10.042.11a bṛhaspátir naḥ pári pātu paścād utóttarasmād ádharād aghāyóḥ |  
10.042.11c índraḥ purástād utá madhyató naḥ sákhā sákhibhyo várivaḥ kṛṇotu ||

10.043.01a áchā ma índram matáyaḥ svarvídaḥ sadhrícīr vísvā usatír anūṣata |  
10.043.01c pári śvajante jánayo yáthā pátim máryam ná sundhyúṃ maghávānam utáye ||  
10.043.02a ná ghā tvadríg ápa veti me mánas tvé ít kāmam puruhūta śísraya |  
10.043.02c rájeva dasma ní ṣadó 'dhi barhíṣy asmín sú sóme 'vapānam astu te ||  
10.043.03a viṣūvrd índro ámater utá kṣudháḥ sá íd rāyó maghávā vásva ísate |  
10.043.03c tásyéd imé pravaṇé saptá síndhavo váyo vardhanti vṛṣabhásya śuṣmíṇaḥ ||  
10.043.04a váyo ná vṛkṣám supalāsám āsadan sómāsa índram mandínaś camūsádaḥ |  
10.043.04c praíṣām ánīkam śávasā dávidyutad vidát svār mánave jyótir áryam ||  
10.043.05a kṛtām ná śvaghní ví cinoti dévane samvārgam yán maghávā sūryam jáyat |  
10.043.05c ná tát te anyó ánu vīryam śakan ná purāṇó maghavan nóta nūtanah ||  
10.043.06a vísam-vísam maghávā páry aśāyata jánānām dhénā avacákaśad víṣā |  
10.043.06c yásyāha śakráḥ sávaneṣu ráṇyati sá tīvraíḥ sómaiḥ sahate pṛtanyatáḥ ||  
10.043.07a ápo ná síndhum abhí yát samákṣaran sómāsa índram kulyā iva hradám |  
10.043.07c várdhanti víprā máho asya sādane yávam ná vṛṣṭír divyéna dánunā ||

10.043.08a vṛṣā ná kruddhāḥ patayad rájassv á yó aryápatnīr ákṛṇod imā apāḥ |  
10.043.08c sá sunvaté maghāvā jīrádānavé 'vindaj jyótir mánave havíṣmate ||  
10.043.09a új jāyatām paraśúr jyótiṣā sahá bhūyá ṛtásya sudúghā purānavát |  
10.043.09c ví rocatām aruṣó bhānúnā śúciḥ svār ná śukráṃ śúśucīta sátpatiḥ ||  
10.043.10a góbbhiṣ ṭaremāmatim durévam yávena kṣúdham puruhūta víśvām |  
10.043.10c vayám rájabhiḥ prathamā dhánāny asmákēna vrjānenā jayema ||  
10.043.11a bṛhaspátir naḥ pári pātu paścād utóttarasmād ádharād aghāyóḥ |  
10.043.11c índraḥ purástād utá madhyató naḥ sákhā sákhibhyo várivaḥ kṛṇotu ||

10.044.01a á yātv índraḥ svápatir mādāya yó dhármaṇā tūtujānás túviṣmān |  
10.044.01c pratvaksāṇó áti víśvā sáhāmsy apāreṇa mahatá vṛṣṇyena ||  
10.044.02a suṣṭhāmā ráthāḥ suyámā hárī te mimyákṣa vājro nṛpate gábhastau |  
10.044.02c śíbham rájan supáthā yāhy arvān várdhāma te papúṣo vṛṣṇyāni ||  
10.044.03a éndravāho nṛpátim vājrabāhum ugrám ugrásas taviśása enam |  
10.044.03c prátvakṣasam vṛṣabhām satyáśuṣmam ém asmatrá sadhamādo vahantu ||  
10.044.04a evá pátim droṇasācam sácetasam ūrjá skambhām dharúṇa á vṛṣāyase |  
10.044.04c ójah kṛṣva sám grbhāya tvé ápy áso yáthā kenipānām inó vṛdhé ||  
10.044.05a gámann asmé vásūny á hí śámsiṣam svāśiṣam bháram á yāhi somínah |  
10.044.05c tvám īśiṣe sásmínn á satsi barhíṣy anādhṛṣyá táva pātrāṇi dhármaṇā ||  
10.044.06a pṛthak práyan prathamā deváhūtayó 'kṛṇvata śravasyāni duṣṭārā |  
10.044.06c ná yé śekúr yajñíyām návam ārúham īrmaívá té ny àviśanta képayah ||  
10.044.07a evaívāpāg ápare santu dūḍhyó 'śvā yéśam duryúja āyuyujré |  
10.044.07c itthá yé prág úpare sánti dāvāne purūṇi yátra vayúnāni bhójanā ||  
10.044.08a girīmīr ájrān réjamānām ādhārayad dyaúḥ krandad antárikṣāni kopayat |  
10.044.08c samícīné dhiśāṇe ví śkabhāyati vṛṣṇaḥ pītvá máda ukthāni śamsati ||  
10.044.09a imám bibharmi súkṛtam te ankuśam yénārujāsi maghavañ chaphārújah |  
10.044.09c asmín sú te sāvane astv okyām sutá iṣṭaú maghavan bodhy ābhagaḥ ||  
10.044.10a góbbhiṣ ṭaremāmatim durévam yávena kṣúdham puruhūta víśvām |  
10.044.10c vayám rájabhiḥ prathamā dhánāny asmákēna vrjānenā jayema ||  
10.044.11a bṛhaspátir naḥ pári pātu paścād utóttarasmād ádharād aghāyóḥ |  
10.044.11c índraḥ purástād utá madhyató naḥ sákhā sákhibhyo várivaḥ kṛṇotu ||

10.045.01a divás pári prathamām jajñe agnír asmád dvitíyam pári jātávedāḥ |  
10.045.01c ṛtíyam apsú nṛmāṇā ájasram índhāna enam jarate svādhíḥ ||  
10.045.02a vidmá te agne tredhá trayāni vidmá te dhāma víbhṛtā purutrā |  
10.045.02c vidmá te nāma paramām gúhā yád vidmá tám útsam yáta ājagántha ||  
10.045.03a samudré tvā nṛmāṇā apsv antár nṛcákṣā īdhe divó agna údhan |  
10.045.03c ṛtíye tvā rájasi tasthivāmsam apām upásthe mahiṣá avardhan ||  
10.045.04a ákrandad agní stanáyann iva dyaúḥ kṣāmā rérihad vīrúdhāḥ samañján |  
10.045.04c sadyó jajñānó ví hím iddhó ákhyad á ródasī bhānúnā bhāty antáh ||  
10.045.05a śrīṇām udāro dharúṇo rayīṇām manīśāṇām prárpaṇaḥ sómagopāḥ |  
10.045.05c vásuh sūnúh sáhaso apsú ráiā ví bhātv ágera usásām idhānāḥ ||

10.045.06a víśvasya ketúr bhúvanasya gárbha á ródasī apr̥ṇāj jáyamānaḥ |  
 10.045.06c vīlúm cid ádrim abhinat parāyāñ jánā yád agnīm áyajanta páñca ||  
 10.045.07a usík pāvako aratīḥ sumedhā márteṣv agnír amṛto ní dhāyi |  
 10.045.07c íyarti dhūmám aruṣám bháribhrad úc chukréṇa śociśā dyām ínakṣan ||  
 10.045.08a dṛśāno rukmá urviyā vy àdyaud durmárṣam áyuh śriyé rucānaḥ |  
 10.045.08c agnír amṛto abhavad váyobhir yád enaṃ dyaúr janáyat surétāḥ ||  
 10.045.09a yás te adyá kṛṇávad bhadraśoce 'pūpām deva ghṛtávantam agne |  
 10.045.09c prá tám naya pratarām vásyo áchābhí sumnām devábhaktam yaviṣṭha ||  
 10.045.10a ā tám bhaja sauśravaséṣv agna ukthá-uktha ā bhaja śasyámāne |  
 10.045.10c priyāḥ sūrye priyó agnā bhavāty új jāténa bhinádad új jánitvaiḥ ||  
 10.045.11a tvām agne yájamānā ánu dyūn víśvā vásu dadhire váryāni |  
 10.045.11c tváyā sahá dráviṇam ichámānā vrajām gómantam usíjo ví vavruḥ ||  
 10.045.12a ástāvy agnír narām susévo vaiśvānarā řṣibhiḥ sómagopāḥ |  
 10.045.12c adveśé dyāvāpṛthiví huvema dévā dhattá rayím asmé suvīram ||

10.046.01a prá hótā jātó mahān nabhovín nṛśadvā sīdad apām upásthe |  
 10.046.01c dádhir yó dhāyi sá te váyāmsi yantā vásūni vidhaté tanūpāḥ ||  
 10.046.02a imām vidhānto apām sadhásthe paśúm ná naṣtām padaír ánu gman |  
 10.046.02c gúhā cátantam usíjo námobhir ichānto dhírā bhṛgavo 'vindan ||  
 10.046.03a imām tritó bhūry avindad ichán vaibhūvasó mūrdhāny ághnyāyāḥ |  
 10.046.03c sá sévṛdho jātā ā harmyéṣu nābhir yúvā bhavati rocanásya ||  
 10.046.04a mandrām hótāram usíjo námobhiḥ práñcam yajñām netāram adhvarāñam |  
 10.046.04c viśám akr̥ṇvann aratím pāvakām havyvāham dádható mānuṣeṣu ||  
 10.046.05a prá bhūr jáyantam mahām vipodhām mūrā ámūram purām darmāñam |  
 10.046.05c náyanto gárbham vanām dhíyam dhur híriśmaśruṃ nárvañam dhánarcam ||  
 10.046.06a ní pastyāsu tritá stabhūyán párivīto yónau sīdad antāḥ |  
 10.046.06c átaḥ samgṛbhyā viśám dāmūnā vídharmañāyantraír iyate nṛn ||  
 10.046.07a asyájārāso damām aritrā arcáddhūmāso agnáyaḥ pāvakāḥ |  
 10.046.07c śvitícáyaḥ śvātrāso bhurañyávo vanarśado vāyávo ná sómāḥ ||  
 10.046.08a prá jihváyā bharate vépo agnīḥ prá vayúnāni cétasā pṛthivyāḥ |  
 10.046.08c tám āyávaḥ śucáyantam pāvakām mandrām hótāram dadhire yájiṣṭham ||  
 10.046.09a dyāvā yám agnīm pṛthiví jániṣtām ápas tváṣtā bhṛgavo yám sáhobhiḥ |  
 10.046.09c īlényam prathamám mātariśvā devās tataḥsur mánave yájatram ||  
 10.046.10a yám tvā devā dadhire havyvāham puruspṛho mānuṣāso yájatram |  
 10.046.10c sá yámann agne stuvaté váyo dhāḥ prá devayán yaśasaḥ sám hí pūrvīḥ ||

10.047.01a jagṛbhmā te dáksīnam indra hástam vasūyávo vasupate vásūnām |  
 10.047.01c vidmā hí tvā gópatim sūra gónām asmábhyam citrām víṣaṇam rayím dāḥ ||  
 10.047.02a svāyudhām svávasam sunīthām cátuḥsamudram dharūnam rayiñām |  
 10.047.02c carkṛtyam śamsyam bhūrivāram asmábhyam citrām víṣaṇam rayím dāḥ ||  
 10.047.03a subráhmānam devávantam bṛhántam urúm gabhírām pṛthúbudhnam indra |  
 10.047.03c śrutārṣim ugrām abhimātiśāham asmábhyam citrām víṣaṇam rayím dāḥ ||

10.047.04a sanádvājam vípravīraṃ tárutraṃ dhanaspṛtaṃ śūsuvāmsaṃ sudákṣaṃ |  
 10.047.04c dasyuhānaṃ pūrbhīdaṃ indra satyāṃ asmábhyaṃ citráṃ vṛṣaṇaṃ rayiṃ dāḥ ||  
 10.047.05a ásvāvantaṃ rathínaṃ vīrávantaṃ sahasrīnaṃ sátínaṃ vājam indra |  
 10.047.05c bhadrávrātaṃ vípravīraṃ svaraśāṃ asmábhyaṃ citráṃ vṛṣaṇaṃ rayiṃ dāḥ ||  
 10.047.06a prá saptágum ṛtádhitim sumedhām bṛhaspátim matír áchā jigāti |  
 10.047.06c yá āngirasó námasopasádyo 'smábhyaṃ citráṃ vṛṣaṇaṃ rayiṃ dāḥ ||  
 10.047.07a vánīvāno máma dūtāsa índraṃ stómās caranti sumatír iyānāḥ |  
 10.047.07c hr̥dispṛśo mánasā vacyámānā asmábhyaṃ citráṃ vṛṣaṇaṃ rayiṃ dāḥ ||  
 10.047.08a yát tvā yāmi daddhí tán na indra bṛhántaṃ kṣáyam ásamaṃ jánānām |  
 10.047.08c abhí tát dyāvāpṛthiví gr̥ṇītām asmábhyaṃ citráṃ vṛṣaṇaṃ rayiṃ dāḥ ||

10.048.01a ahám bhuvam vásunaḥ pūrvyās pátir ahám dhánāni sám jayāmi śásvataḥ |  
 10.048.01c mām havante pitāraṃ ná jantávo 'hám dāsúṣe ví bhajāmi bhójanam ||  
 10.048.02a ahám índro ródho vákṣo átharvaṇas tritáya gá ajanayam áher ádhi |  
 10.048.02c ahám dásyubhyaḥ pári nṛmṇám á dade gotrá śíkṣan dadhīcé mātariśvane ||  
 10.048.03a máhyaṃ tváṣṭā vājraṃ atakṣad āyasám máyi devāso 'vṛjann ápi krátum |  
 10.048.03c māmānikam sūryasyeva duṣṭāraṃ mām áryanti kṛtēna kártvena ca ||  
 10.048.04a ahám etám gavyáyam ásvyam paśúm puriśīnaṃ sáyakenā hiranyáyam |  
 10.048.04c purú sahasrā ní śiśāmi dāsúṣe yán mā sómāsa ukthíno ámandiṣuḥ ||  
 10.048.05a ahám índro ná párā jigya íd dhánaṃ ná mṛtyávé 'va tasthe kádā caná |  
 10.048.05c sómam ín mā sunvānto yācatā vásu ná me pūravaḥ sakhyé riśāthana ||  
 10.048.06a ahám etāñ chāsvasato dvā-dvéndraṃ yé vājraṃ yudháyé 'kṛṇvata |  
 10.048.06c āhváyamānāñ áva hánmanāhanaṃ dṛḥhā vādann ánamasyur namasvínāḥ ||  
 10.048.07a abhīdám ékam éko asmi niṣṣāl abhí dvā kím u tráyaḥ karanti |  
 10.048.07c khále ná parśān práti hanmi bhūri kím mā nindanti śátravo 'nindrāḥ ||  
 10.048.08a ahám guṅgúbhyo atithigvám íškaram íṣam ná vṛtratúraṃ vikṣú dhārayam |  
 10.048.08c yát parṇayaghná utá vā karañjahé práhám mahé vṛtrahátye ásuśravi ||  
 10.048.09a prá me námī sāpyá íṣe bhujé bhūd gávām éṣe sakhyá kṛṇuta dvitā |  
 10.048.09c didyúm yád asya samithéṣu maṃháyam ád íd enaṃ sámśyam ukthyām karam ||  
 10.048.10a prá némasmin dadṛṣe sómo antár gopā némam āvír asthá kṛṇoti |  
 10.048.10c sá tigmásr̥ṅgam vṛṣabhám yúyutsan druhás tasthau bahulé baddhó antáh ||  
 10.048.11a ādityānām vásūnām rudríyānām devó devānām ná mināmi dhāma |  
 10.048.11c té mā bhadráya śávase tataksur áparājitam ástrtam áṣāḥham ||

10.049.01a ahám dām gr̥ṇaté pūrvyam vásv ahám bráhma kṛṇavam máhyaṃ várdhanam |  
 10.049.01c ahám bhuvam yájamānasya coditáyajvanaḥ sākṣi vísvasmin bhāre ||  
 10.049.02a mām dhur índraṃ náma devātā divás ca gmás cāpām ca jantávaḥ |  
 10.049.02c ahám hārī vṛṣaṇā vívratā raghú ahám vājraṃ śávase dhr̥ṣṇv á dade ||  
 10.049.03a ahám átkam kaváye śiśnathaṃ háthair ahám kútsam āvam ābhír útībhiḥ |  
 10.049.03c ahám súṣṇasya śnáthitā vādhar yamaṃ ná yó rará áryam náma dásyave ||  
 10.049.04a ahám pitéva vetasūm̐r abhiṣṭaye túgraṃ kútsāya smádibham ca randhayam |  
 10.049.04c ahám bhuvam yájamānasya rājāni prá yád bhāre tújaye ná priyádhṛṣe ||

10.049.05a ahám randhayam mṛgayam śrutárvaṇe yán májhiṭa vayúnā canánuṣák |  
 10.049.05c ahám veśám namráṃ áyáve 'karam ahám sávyāya páḍgr̥bhim arandhayam ||  
 10.049.06a ahám sá yó návavāstvam br̥hádhratham sám vṛtréva dāsam vṛtrahárujam |  
 10.049.06c yád vardháyantam pratháyantam ānuṣág dūré pāré rájaso rocanākaram ||  
 10.049.07a ahám sūryasya pári yāmy āsúbhiḥ praítaśébhīr váhamāna ójasā |  
 10.049.07c yán mā sāvó mánuṣa āha nirñija řdhak kṛṣe dāsam kṛtvyaṃ háthaiḥ ||  
 10.049.08a ahám saptahā náhuṣo náhuṣtaraḥ práśrāvayaṃ śávasā turvásaṃ yádum |  
 10.049.08c ahám ny ānyám sáhasā sáhas karam náva vrádhato navatím ca vakṣayam ||  
 10.049.09a ahám saptá sraváto dhārayaṃ vṛṣā dravitnvāḥ pṛthivyām sīrá ádhi |  
 10.049.09c ahám árṇāmsi ví tirāmi sukrátur yudhá vidam mánave gātúm iṣṭáye ||  
 10.049.10a ahám tát āsu dhārayaṃ yád āsu ná devás caná tváṣṭádhārayad rúsat |  
 10.049.10c spārhám gávām údhassu vakṣāṇāsv á mádhor mádhu śvātryaṃ sómam āsíram ||  
 10.049.11a evá devám índro vivye nṛṇ prá cyautnéna magháva satyárádhāḥ |  
 10.049.11c vísvét tá te harivaḥ śacīvo 'bhí turásah svayaśo gr̥ṇanti ||

10.050.01a prá vo mahé mándamānāyāndhasó 'rcā vísvānarāya vísvābhúve |  
 10.050.01c índrasya yásya súmakham sáho máhi śrávo nṛmṇám ca ródasī saparyátaḥ ||  
 10.050.02a só cin nú sákhyā nárya iná stutás car̥kṛtya índro mávate náre |  
 10.050.02c vísvāsu dhūrṣú vājakṛtyeṣu satpate vṛtré vāpsv àbhí sūra mandase ||  
 10.050.03a ké té nára indra yé ta iṣe yé te sumnám sadhanyām íyakṣān |  
 10.050.03c ké te vājyāsuryāya hinvire ké apsu svásūrvárāsu paúmsye ||  
 10.050.04a bhúvas tvám indra bráhmaṇā mahān bhúvo víśveṣu sávanēṣu yajñíyah |  
 10.050.04c bhúvo nṛmṣ cyautnó vísvasmin bhāre jyēṣṭhas ca mántro vísvacarṣaṇe ||  
 10.050.05a ávā nú kam jyāyān yajñávanaso mahím ta ómātrām kṛṣṭáyo viduḥ |  
 10.050.05c áso nú kam ajáro várdhās ca vísvéd etá sávanā tūtumá kṛṣe ||  
 10.050.06a etá vísvā sávanā tūtumá kṛṣe svayám sūno sahaso yāni dadhiśé |  
 10.050.06c várāya te pātraṃ dhārmaṇe tánā yajñó mántro bráhmódyataṃ vácaḥ ||  
 10.050.07a yé te vipra brahmakṛtaḥ suté sácā vásūnām ca vásunaś ca dāvāne |  
 10.050.07c prá té sumnásya mánasā pathá bhuvan máde sutásya somyásyāndhasah ||

10.051.01a mahát tát úlbaṃ stháviraṃ tát āsīd yénāviṣṭitaḥ pravivésithāpāḥ |  
 10.051.01c vísvā apaśyad bahudhá te agne jātavedas tanvò devá ékaḥ ||  
 10.051.02a kó mā dadarśa katamáḥ sá devó yó me tanvò bahudhá paryápaśyat |  
 10.051.02c kvāha mitrāvaruṇā kṣiyanty agnér vísvāḥ samídho devayānīḥ ||  
 10.051.03a aíchāma tvā bahudhá jātavedaḥ práviṣṭam agne apsv óśadhīṣu |  
 10.051.03c tám tvā yamó acikec citrabhāno daśāntaruṣyād atirócāmānam ||  
 10.051.04a hotrád ahám varuṇa bíbhyad āyaṃ néd evá mā yunājann átra devāḥ |  
 10.051.04c tásya me tanvò bahudhá níviṣṭā etám ártham ná ciketāhám agnīḥ ||  
 10.051.05a éhi mánur devayúr yajñákāmo 'raṃkṛtyā támasi kṣeṣy agne |  
 10.051.05c sugān patháh kṛṇuhi devayānān váha havyāni sumanasyámānaḥ ||  
 10.051.06a agnēḥ pūrve bhrátaro ártham etám rathívádhvānam ánv ávarīvuḥ |  
 10.051.06c tásmād bhiyá varuṇa dūrám āyaṃ gauró ná kṣepnór avije jyāyāḥ ||

10.051.07a kurmás ta áyur ajáram yád agne yáthā yuktó jātavedo ná ríṣyāḥ |  
10.051.07c áthā vahāsi sumanasyámāno bhāgám devébhyo havíṣaḥ sujāta ||  
10.051.08a prayājān me anuyājāms ca kévalān ūrjasvantaḥ havíṣo datta bhāgám |  
10.051.08c ghṛtām cāpām púruṣaḥ caúṣadhīnām agnés ca dīrghām áyur astu devāḥ ||  
10.051.09a táva prayājā anuyājás ca kévala ūrjasvanto havíṣaḥ santu bhāgāḥ |  
10.051.09c távagne yajñò 'yám astu sárvas túbhyaḥ namantām pradíśas cátasraḥ ||

10.052.01a víṣve devāḥ śāstāna mā yáthehá hótā vṛtó manávai yán niśádyā |  
10.052.01c prá me brūta bhāgadhéyaḥ yáthā vo yéna pathā havýám ā vo váhāni ||  
10.052.02a ahám hótā ny āsīdam yájīyān víṣve devā marúto mā junanti |  
10.052.02c áhar-ahar ásvinādhvaryavaḥ vām brahmā samíd bhavati sáhutir vām ||  
10.052.03a ayám yó hótā kíṛ u sá yamáśya kám ápy ūhe yát samañjānti devāḥ |  
10.052.03c áhar-ahar jāyate māsí-māsy áthā devā dadhire havýavāham ||  
10.052.04a máḥ devā dadhire havýavāham ápamluktam bahú kṛchrā cārantam |  
10.052.04c agnír vidvān yajñám naḥ kalpayāti páñcayāmaḥ trivṛtaḥ saptátantum ||  
10.052.05a ā vo yakṣy amṛtatvám suvīraḥ yáthā vo devā várivaḥ kārāni |  
10.052.05c ā bāhvór vājram índrasya dheyām áthemā víśvāḥ pṛtanā jayāti ||  
10.052.06a trīni śatā trī sahasrāṇy agníḥ trimśac ca devā náva cāsaparyan |  
10.052.06c aúkṣan ghṛtaír ástrīnan barhír asmā ād íd dhótāraḥ ny āsādayanta ||

10.053.01a yám aíchāma mánasā sò 'yám āgād yajñásya vidvān páruṣas cikivān |  
10.053.01c sá no yakṣad devátātā yájīyān ní hí śátsad ántaraḥ pūrvo asmát ||  
10.053.02a árādhi hótā niśádā yájīyān abhí práyāmsi súdhitāni hí khyát |  
10.053.02c yājāmahai yajñīyān hanta devāḥ īlāmahā ídyāḥ ájyena ||  
10.053.03a sādhvīm akar devāvītiḥ no adyá yajñásya jihvām avidāma gúhyām |  
10.053.03c sá áyur āgāt surabhír vásāno bhadrām akar deváhūtiḥ no adyá ||  
10.053.04a tád adyá vācāḥ prathamām masīya yénāsurāḥ abhí devā ásāma |  
10.053.04c ūrjāda utá yajñīyāsaḥ páñca janā máma hotráḥ juṣadhvam ||  
10.053.05a páñca janā máma hotráḥ juṣantām gójātā utá yé yajñīyāsaḥ |  
10.053.05c pṛthiví naḥ pāṛthivāt pātṽ amhaso 'ntárikṣam divyāt pātṽ asmān ||  
10.053.06a tántuḥ tanvān rájaso bhānūm ánvi ihi jyótiṣmataḥ pathó rakṣa dhiyā kṛtān |  
10.053.06c anulbaṇám vayata jóguvām ápo mánur bhava janáyā daívyam jānam ||  
10.053.07a akṣānáho nahyatanotá somyā íṣkṛnudhvaḥ raśaná ótá piṁśata |  
10.053.07c aṣṭāvandhuraḥ vahatābhíto rátham yéna devāso ánayann abhí priyám ||  
10.053.08a áśmanvatī rīyate sám rabhadhvaḥ út tiṣṭhata prá taratā sakhāyaḥ |  
10.053.08c átrā jahāma yé ásann ásevāḥ śivān vayám út tarembhí vājān ||  
10.053.09a tvāṣṭā māyā ved apāsām apástamo bíbhrat pātrā devapānāni sámntamā |  
10.053.09c śísīte nūnám paraśúm svāyasám yéna vṛścād étašo bráhmaṇas pátih ||  
10.053.10a sató nūnám kavayaḥ sám śísīta vāśībhir yābhir amṛtāya tákṣatha |  
10.053.10c vidvāmsaḥ padā gúhyāni kartana yéna devāso amṛtatvám ānaśúḥ ||  
10.053.11a gárbhe yóṣām ádadhur vatsám āsāny apīcyena mánasotá jihvāyā |  
10.053.11c sá víśvāhā sumánā योग्या abhí siṣāsánir vanate kārā íj jítim ||

10.054.01a tām sú te kīrtim maghavan mahitvā yāt tvā bhīte ródasī áhvayetām |  
 10.054.01c právo devāñ átiro dásam ójah prajāyai tvasyai yád ásikṣa indra ||  
 10.054.02a yád ácaras tanvā vāvṛdhāno bālānīndra prabruvāno jāneṣu |  
 10.054.02c māyét sá te yāni yuddhāny āhūr nādyá śátruṃ nanú purá vivitse ||  
 10.054.03a ká u nú te mahimānaḥ samasyāsmát pūrva řṣayó 'ntam āpuḥ |  
 10.054.03c yán mātaraṃ ca pitāraṃ ca sākám ájanayathās tanvāḥ svāyāḥ ||  
 10.054.04a catvāri te asuryāni nāmādābhyāni mahiśasya santi |  
 10.054.04c tvám aṅgá tāni vísvāni vitse yébhīḥ kármāni maghavañ cakārtha ||  
 10.054.05a tvám vísvā dadhiṣe kévalāni yāny āvir yá ca gúhā vásūni |  
 10.054.05c kāmam ín me maghavan má ví tārīs tvám ājñatā tvám indrāsi datā ||  
 10.054.06a yó ádadhāj jyótiṣi jyótir antár yó ásrjan mádhunā sám mádhūni |  
 10.054.06c ádha priyám sūśám índraya mánma brahmakṛto bṛhádúkthād avāci ||

10.055.01a dūre tán nāma gúhyam parācaír yāt tvā bhīte áhvayetām vayodhaí |  
 10.055.01c úd astabhñāḥ pṛthivīm dyām abhīke bhrátuḥ putrān maghavan titviśānāḥ ||  
 10.055.02a mahát tán nāma gúhyam puruṣpṛg yéna bhūtām janáyo yéna bhávyam |  
 10.055.02c pratnām jātām jyótir yád asya priyám priyāḥ sám avisanta páñca ||  
 10.055.03a á ródasī aprñād otá mádhyaṃ páñca devāñ ṛtuśāḥ saptá-sapta |  
 10.055.03c cástrimśatā purudhá ví caṣṭe sárūpeṇa jyótiṣā vívratena ||  
 10.055.04a yád uṣa aúchaḥ prathamā vibhānām ájanayo yéna puṣṭāsya puṣṭám |  
 10.055.04c yāt te jāmitvám ávaram párasya mahán mahatyā asuratvám ékam ||  
 10.055.05a vidhúm dadrānām sámame bahūnām yúvānaṃ sántam palitó jagāra |  
 10.055.05c devāsya paśya kávyam mahitvādyā mamāra sá hyāḥ sám āna ||  
 10.055.06a śákmanā śákó aruṇāḥ suparñá á yó mahāḥ sūraḥ sanād ānīlaḥ |  
 10.055.06c yác cikéta satyám ít tán ná móghaṃ vásu spārhám utá jétotá datā ||  
 10.055.07a aibhir dade vṛṣṇyā paúmsyāni yébhīr aúkṣad vṛtrahátyāya vajrī |  
 10.055.07c yé kármānaḥ kriyāmāṇasya mahná rtekarmám udájāyanta devāḥ ||  
 10.055.08a yujá kármāni janáyan vísvaújā aśastihá vísvámanās turāṣāt |  
 10.055.08c pītví sómasya divá á vṛdhānāḥ súro nír yudhādhamad dásyūn ||

10.056.01a idám ta ékam pará ū ta ékam tṛtíyena jyótiṣā sám víśasva |  
 10.056.01c samvéśane tanvāś cārur edhi priyó devānām paramé janítre ||  
 10.056.02a tanūṣ te vājin tanvām náyantī vāmám asmábhyaṃ dhātu śárma túbhyam |  
 10.056.02c áhruto mahó dharuṇāya devān divīva jyótiḥ svám á mimiyāḥ ||  
 10.056.03a vājy āsi vājinenā suvenīḥ suvitá stómaṃ suvitó dívam gāḥ |  
 10.056.03c suvitó dhárma prathamānu satyā suvitó devān suvitó 'nu pátma ||  
 10.056.04a mahimná eṣām pitāraś canésire devá devésv adadhur ápi krátum |  
 10.056.04c sám avivyacur utá yāny átviṣur aíšām tanūṣu ní vivíṣuḥ púnaḥ ||  
 10.056.05a sáhobhir vísvam pári cakramū rájah pūrvā dhāmāny ámitā mímānāḥ |  
 10.056.05c tanūṣu vísvā bhúvanā ní yemire práśārayanta purudhá prajā ánu ||  
 10.056.06a dvídhá sūnávó 'suram svarvídam ásthāpayanta tṛtíyena kármanā |

10.056.06c svām prajām pitāraḥ pītryaṃ sāha āvareṣv adadhus tāntum ātatam ||  
10.056.07a nāvā nā kṣódaḥ pradīsaḥ pṛthivyāḥ svastībhir āti durgāṇi vísvā |  
10.056.07c svām prajām bṛhádruktho mahitvāvareṣv adadhād ā páreṣu ||

10.057.01a mǎ prá gāma pathó vayám mǎ yajñád indra somínaḥ |  
10.057.01c mǎntá sthur no árātayaḥ ||  
10.057.02a yó yajñásya prasádhanaś tántur devéṣv ātataḥ |  
10.057.02c tám āhutaṃ naśīmahi ||  
10.057.03a máno nv ā huvāmahe nārāśamséna sómena |  
10.057.03c piṭṛñám ca mánmabhiḥ ||  
10.057.04a ā ta etu mánaḥ púnaḥ krátve dáksāya jīváse |  
10.057.04c jyók ca sūryaṃ drśé ||  
10.057.05a púnar naḥ pitaro máno dádatu daívyo jánaḥ |  
10.057.05c jīvám vrátam sacemahi ||  
10.057.06a vayám soma vraté táva mánaś tanūṣu bíbhrataḥ |  
10.057.06c prajāvantaḥ sacemahi ||

10.058.01a yát te yamám vaivasvatám máno jagāma dūrakám |  
10.058.01c tát ta ā vartayāmasīhá kṣáyāya jīváse ||  
10.058.02a yát te dívam yát pṛthivím máno jagāma dūrakám |  
10.058.02c tát ta ā vartayāmasīhá kṣáyāya jīváse ||  
10.058.03a yát te bhūmiṃ cáturbhṛṣṭim máno jagāma dūrakám |  
10.058.03c tát ta ā vartayāmasīhá kṣáyāya jīváse ||  
10.058.04a yát te cátasraḥ pradīso máno jagāma dūrakám |  
10.058.04c tát ta ā vartayāmasīhá kṣáyāya jīváse ||  
10.058.05a yát te samudrám arṇavám máno jagāma dūrakám |  
10.058.05c tát ta ā vartayāmasīhá kṣáyāya jīváse ||  
10.058.06a yát te márīcīḥ praváto máno jagāma dūrakám |  
10.058.06c tát ta ā vartayāmasīhá kṣáyāya jīváse ||  
10.058.07a yát te apó yád óśadhīr máno jagāma dūrakám |  
10.058.07c tát ta ā vartayāmasīhá kṣáyāya jīváse ||  
10.058.08a yát te sūryaṃ yád uśásam máno jagāma dūrakám |  
10.058.08c tát ta ā vartayāmasīhá kṣáyāya jīváse ||  
10.058.09a yát te párvatān bṛható máno jagāma dūrakám |  
10.058.09c tát ta ā vartayāmasīhá kṣáyāya jīváse ||  
10.058.10a yát te vísvam idám jágan máno jagāma dūrakám |  
10.058.10c tát ta ā vartayāmasīhá kṣáyāya jīváse ||  
10.058.11a yát te párāḥ parāváto máno jagāma dūrakám |  
10.058.11c tát ta ā vartayāmasīhá kṣáyāya jīváse ||  
10.058.12a yát te bhūtám ca bhávyam ca máno jagāma dūrakám |  
10.058.12c tát ta ā vartayāmasīhá kṣáyāya jīváse ||

- 10.059.01a prá tary áyuh pratarám návīya sthātāreva krátumatā ráthasya |  
 10.059.01c ádha cyávāna út tavīty ártham parātarám sú nírṛtir jihītām ||  
 10.059.02a sāmān nú rāyē nidhimān nv ānnaṃ kārāmahe sú purudhá śrāvāmsi |  
 10.059.02c tá no víśvāni jaritā mamattu parātarám sú nírṛtir jihītām ||  
 10.059.03a abhí šv àryáh paúmsyair bhavema dyaúr ná bhūmim giráyo nájrañ |  
 10.059.03c tá no víśvāni jaritā ciketa parātarám sú nírṛtir jihītām ||  
 10.059.04a mó sú naḥ soma mṛtyáve párá dāḥ pásyema nú sūryam uccárantam |  
 10.059.04c dyúbhir hitó jarimā sū no astu parātarám sú nírṛtir jihītām ||  
 10.059.05a ásunīte máno asmāsu dhāraya jīvātave sú prá tirā na áyuh |  
 10.059.05c rārandhí naḥ sūryasya samḍíśi ghṛténa tvám tanvaṃ vardhayasva ||  
 10.059.06a ásunīte púnar asmāsu cákṣuḥ púnaḥ prāṇám ihá no dhehi bhógam |  
 10.059.06c jyók pásyema sūryam uccárantam ánumate mṛláyā naḥ svastí ||  
 10.059.07a púnar no ásum pṛthiví dadātu púnar dyaúr deví púnar antárikṣam |  
 10.059.07c púnar naḥ sómas tanvaṃ dadātu púnaḥ pūṣā pathyām yá svastíḥ ||  
 10.059.08a śám ródasī subándhave yahví ṛtasya mātārā |  
 10.059.08c bháratām ápa yád rápo dyaúḥ pṛthivi kṣamā rápo mó śu te kíṃ canāmamat ||  
 10.059.09a áva dvaké áva trikā divás caranti bheṣajá |  
 10.059.09c kṣamā carīṣṇv èkakám bháratām ápa yád rápo dyaúḥ pṛthivi kṣamā rápo mó  
 sú te kíṃ canāmamat ||  
 10.059.10a sám indreraya gām anaḍvāhaṃ yá ávihad uśínárānyā ánaḥ |  
 10.059.10c bháratām ápa yád rápo dyaúḥ pṛthivi kṣamā rápo mó śu te kíṃ canāmamat ||

- 10.060.01a á jánaṃ tveṣāsamḍṛśam máhīnānām úpastutam |  
 10.060.01c áganma bíbhtrato námaḥ ||  
 10.060.02a ásamātim nitósanaṃ tveṣám niyayínaṃ rátham |  
 10.060.02c bhajérathasya sátpatim ||  
 10.060.03a yó jánān mahiṣám̐ ivātitaṣṭhau pávīravān |  
 10.060.03c utāpavīravān yudhá ||  
 10.060.04a yásyekṣvākúr úpa vraté revān marāyy éd hate |  
 10.060.04c divīva páñca kṛṣṭáyah ||  
 10.060.05a índra kṣatrāsamātiṣu ráthapṛṣṭheṣu dhāraya |  
 10.060.05c divīva sūryam ḍṛśé ||  
 10.060.06a agástyasya nádbhyaḥ sáptī yunakṣi róhitā |  
 10.060.06c pañín ny àkramīr abhí víśvān rájann arādhásah ||  
 10.060.07a ayám mātáyám pitáyám jīvātur āgamat |  
 10.060.07c idám táva prasárpaṇam súbandhav éhi nír ihi ||  
 10.060.08a yáthā yugám varatráyā náhyanti dharúnāya kám |  
 10.060.08c evá dādhāra te máno jīvātave ná mṛtyáve 'tho ariṣṭátātaye ||  
 10.060.09a yátheyám pṛthiví mahí dādhāremān vānaspātīn |  
 10.060.09c evá dādhāra te máno jīvātave ná mṛtyáve 'tho ariṣṭátātaye ||  
 10.060.10a yamād ahám vaivasvatāt subándhor mána ábharam |  
 10.060.10c jīvātave ná mṛtyáve 'tho ariṣṭátātaye ||  
 10.060.11a nyàg vātó 'va vāti nyàk tapati sūryah |

10.060.11c nīcīnam aghnyā duhe nyàg bhavatu te rápah ||  
10.060.12a ayám me hásto bhágavān ayám me bhágavattarah |  
10.060.12c ayám me viśvábheṣajo 'yám śivābhimarśanaḥ ||

10.061.01a idám itthā raúdraṃ gūrtāvacaḥ bráhma krátvā śácyaṃ antár ājaú |  
10.061.01c krāṇā yád asya pitārā maṃhaneṣṭhāḥ pársat pakthé áhann ā saptá hótṛn ||  
10.061.02a sá íd dānāya dābhyāya vanvāñ cyāvānaḥ súdair amimīta védim |  
10.061.02c túrvayāno gūrtāvacaṣṭamaḥ kṣódo ná réta itāūti siñcat ||  
10.061.03a máno ná yéṣu hávaneṣu tigamāṃ vípah śácyaḥ vanuthó drávantā |  
10.061.03c ā yáḥ śaryābhis tuvinṛmṇó asyāśrīṇītādīṣaṃ gābhastau ||  
10.061.04a kṛṣṇā yád goṣv aruṇīṣu sídad divó nápātāśvinā huve vām |  
10.061.04c vītām me yajñām ā gatam me ánnaṃ vavanvāṃsā nésam ásmṛtadrū ||  
10.061.05a práthiṣṭa yásya vīrākarmam iṣṇád ánuṣṭhitam nú náryo ápauhat |  
10.061.05c púnas tát ā vṛhati yát kanāyā duhitúr ā ánubhṛtam anarvā ||  
10.061.06a madhyā yát kártvam ábhavad abhīke kámaṃ kṛṇvāné pitári yuvatyām |  
10.061.06c manānág réto jahatur viyántā sánau níṣiktaṃ sukṛtásya yónau ||  
10.061.07a pitā yát svām duhitāram adhiṣkán kṣmayā rétaḥ saṃjagmāno ní ṣiñcat |  
10.061.07c svādhyò 'janayan bráhma devā vāstoṣ pátiṃ vratapām nír atakṣan ||  
10.061.08a sá īm vīṣā ná phénam asyad ājaú smád ā páraid ápa dabhrácatāḥ |  
10.061.08c sárat padá ná dáksīṇā parāvṛñ ná tá nú me pṛśanyò jagṛbhre ||  
10.061.09a makṣú ná váhniḥ prajāyā upabdí agnīm ná nagná úpa sídad údhaḥ |  
10.061.09c sánitedhmām sánitotá vājam sá dhartā jajñe sáhasā yavīyút ||  
10.061.10a makṣú kanāyāḥ sakhyām návagvā ṛtām vādanta ṛtáyuktim agman |  
10.061.10c dvibárhaso yá úpa gopám āgur adakṣīṇāso ácyutā duduḥṣan ||  
10.061.11a makṣú kanāyāḥ sakhyām návīyo rádho ná réta ṛtām ít turaṇyan |  
10.061.11c súci yát te rékṇa áyajanta sabardúghāyāḥ páya usríyāyāḥ ||  
10.061.12a paśvā yát paścā víyuta budhántéti bravīti vaktári rárāṇaḥ |  
10.061.12c vásor vasutvá kārāvo 'nehā vísvaṃ viveṣṭi dráviṇam úpa kṣú ||  
10.061.13a tát ín nv àsya pariśádvāno agman purú sádanto nārśadám bibhitsan |  
10.061.13c ví súṣṇasya sámgrathitam anarvā vidát puruprajātásya gúhā yát ||  
10.061.14a bhárgo ha námotá yásya devāḥ svàr ná yé triṣadhassthé niṣedúḥ |  
10.061.14c agnír ha námotá jātávedāḥ śrudhí no hotar ṛtásya hótādhruk ||  
10.061.15a utá tyá me raúdrāv arcimántā násatyāv indra gūrtáye yájadhyai |  
10.061.15c manuṣvád vṛktábarhiṣe rárāṇā mandú hitáprayasā vikṣú yájyū ||  
10.061.16a ayám stutó rájā vandi vedhā apás ca vípras tarati svásetuḥ |  
10.061.16c sá kakṣīvantam rejayat só agnīm nemím ná cakrám árvato raghudrú ||  
10.061.17a sá dvibándhur vaitaraṇó yáṣṭā sabardhúm dhenúm asvām duhádhyai |  
10.061.17c sám yán mitráváruṇā vṛñjá ukthair jyéṣṭhebhír aryamáṇam várūthaiḥ ||  
10.061.18a tádbandhuḥ sūrír diví te dhiyamdhā nābhānédiṣṭho rapati prá vénan |  
10.061.18c sá no nābhiḥ paramāsyā vā ghāhām tát paścā katithás cid āsa ||  
10.061.19a iyám me nābhir ihá me sadhástham imé me devā ayám asmi sárvaḥ |  
10.061.19c dvijá áha prathamajā ṛtásyedám dhenúr aduhaj jáyamānā ||  
10.061.20a ádhāsu mandró aratír vibhāvāva syati dvivartanír vaneṣṭ |  
10.061.20c ūrdhvā vac chrénir ná śísur dán maksú sthirám sévrdhám sūta mātā ||

10.061.21a ádhā gāva úpamātiṃ kanāyā ānu śvāntāsya kāsya cit páreyuḥ |  
 10.061.21c śrudhí tvam̐ sudravīno nas tvam̐ yāḷ āsvaghnāsya vāvṛdhe sūnṛtābhiḥ ||  
 10.061.22a ádha tvam̐ indra viddhy āsmān mahó rāyē nṛpate vājrabāhuḥ |  
 10.061.22c rákṣā ca no maghónaḥ pāhí sūrīm anehásas te harivo abhíṣtau ||  
 10.061.23a ádha yád rājānā gáviṣṭau sárat saranyúḥ kārāve jaranyúḥ |  
 10.061.23c vípraḥ préṣṭhaḥ sá hy eṣām babhúva párā ca vákṣad utá paṛṣad enān ||  
 10.061.24a ádhā nv āsya jényasya puṣṭau vṛthā rébhanta īmahe tát ū nú |  
 10.061.24c saranyúr asya sūnúr áśvo vípraś cāsi śrávasaś ca sātau ||  
 10.061.25a yuvór yádi sakhyāyāsmé śárdhāya stómaṃ jujuse námasvān |  
 10.061.25c viśvátra yásminn ā girāḥ samīcīḥ pūrvíva gātúr dāsat sūnṛtāyai ||  
 10.061.26a sá gṛṇānó adbhir devāvān íti subāndhur námasā sūktaḥ |  
 10.061.26c vārdhad ukthaír vácobhir ā hí nūnām vy ádhvaiti páyasa usríyāyāḥ ||  
 10.061.27a tá ū śu no mahó yajatrā bhūtá devāsa utáye sajósāḥ |  
 10.061.27c yé vājāṃ ānayatā viyānto yé sthā nicetáro ámūrāḥ ||

10.062.01a yé yajñéna dáksīṇayā sámaktā índrasya sakhyám amṛtatvám ānaśá |  
 10.062.01c tébhyo bhadram̐ aṅgirasō vo astu práti gṛbhñīta mānavám sumedhasaḥ ||  
 10.062.02a yá udājan pitáro gomáyaṃ vásv ṛténābhīndan parivatsaré valám |  
 10.062.02c dīrghāyutvám aṅgirasō vo astu práti gṛbhñīta mānavám sumedhasaḥ ||  
 10.062.03a yá ṛténa sūryam̐ ārohayan divy áprathayan pṛthivím mātáram̐ ví |  
 10.062.03c suprajāstvám aṅgirasō vo astu práti gṛbhñīta mānavám sumedhasaḥ ||  
 10.062.04a ayám nābhā vadati valgú vo gṛhé dévaputrā ṛṣayas tác chṛnotana |  
 10.062.04c subrahmanyám aṅgirasō vo astu práti gṛbhñīta mānavám sumedhasaḥ ||  
 10.062.05a vírūpāsa íd ṛṣayas tá íd gambhīrávepasaḥ |  
 10.062.05c té aṅgirasāḥ sūnávas té agnēḥ pári jajñire ||  
 10.062.06a yé agnēḥ pári jajñiré vírūpāso divás pári |  
 10.062.06c návagvo nú dásagvo aṅgirastamo sácā devéṣu mamhate ||  
 10.062.07a índreṇa yujá nīḥ srjanta vāgháto vrajám gómantam̐ aśvīnam |  
 10.062.07c sahásram me dádato aṣṭakarnyāḥ śrávo devéṣv akrata ||  
 10.062.08a prá nūnām̐ jāyatām̐ ayám mánus tókmeva rohatu |  
 10.062.08c yāḥ sahásram̐ satāśvam̐ sadyó dānāya mām̐hate ||  
 10.062.09a ná tám̐ aśnoti kás caná divá iva sānv ārabham |  
 10.062.09c sāvarṇyāsya dáksīṇā ví síndhur iva paprathe ||  
 10.062.10a utá dāsā parivīṣe smáddiṣṭī góparīṇasā |  
 10.062.10c yádus turvās ca mām̐ahe ||  
 10.062.11a sahasradā grāmañír má ṛṣan mánuḥ sūryeṇāsya yátamānaitu dáksīṇā |  
 10.062.11c sāvārṇer devāḥ prá tirantv āyur yásminn āśrāntā āsanāma vājam ||

10.063.01a parāváto yé dídhīṣanta āpyam̐ mánuprītāso jānimā vivásvataḥ |  
 10.063.01c yayāter yé nahuṣyāsya barhīṣi devā āsate té ádhi bruvantu naḥ ||  
 10.063.02a víśvā hí vo namasyāni vándyā nāmāni devā utá yajñíyāni vaḥ |  
 10.063.02c yé sthā jātā áditer adbhyás pári yé pṛthivyās té ma ihá śrutā hávam ||

10.063.03a yébhyo mātá mádhumat pínvate páyah pīyūṣaṃ dyaúr áditir ádrībarhāḥ |  
 10.063.03c ukthásuṣmān vṛṣabharān svápnasas táṃ ádityāṃ ánu madā svastáye ||  
 10.063.04a nṛcákṣaso ániṣanto arháṇā bṛhád devāso amṛtatvám ānaśuḥ |  
 10.063.04c jyotírathā áhimāyā ánāgaso divó varṣmāṇaṃ vasate svastáye ||  
 10.063.05a samrájo yé suvṛdho yajñám āyayúr áparihvṛtā dadhiré diví kṣáyam |  
 10.063.05c táṃ á vivāsa námasā suvṛktībhir mahó ádityāṃ áditim svastáye ||  
 10.063.06a kó va stómaṃ rādhati yám jújoṣatha víśve devāso manuṣo yáti ṣṭhána |  
 10.063.06c kó vo 'dhvarám tuvijātā áraṃ karad yó naḥ pársad áty áṃhaḥ svastáye ||  
 10.063.07a yébhyo hótrām prathamām áyejé mánuḥ sámiddhāgnir mánasā saptá hótrbhiḥ |  
 10.063.07c tá ádityā ábhayaṃ sárma yachata sugā naḥ karta supáthā svastáye ||  
 10.063.08a yá ísire bhúvanasya prácetaso víśvasya sthātúr jágataś ca mántavaḥ |  
 10.063.08c té naḥ kṛtád ákṛtád énasas páry adyá devāsaḥ pipṛtā svastáye ||  
 10.063.09a bháreṣv índraṃ suhávaṃ havāmahe 'mhomúcaṃ sukṛtaṃ daívyaṃ jánam |  
 10.063.09c agnīm mitráṃ váruṇaṃ sātáye bhágaṃ dyāvāpṛthiví marútaḥ svastáye ||  
 10.063.10a sutrámaṇaṃ pṛthivīm dyám anehásaṃ suśármāṇaṃ áditim supráñitim |  
 10.063.10c daívīm nāvam svaritrám ánāgasam ásravantīm á ruhemā svastáye ||  
 10.063.11a víśve yajatrā ádhi vocatotáye tráyadhvaṃ no durévāyā abhihrútaḥ |  
 10.063.11c satyáyā vo deváhūtyā huvema śṛṇvató devā ávase svastáye ||  
 10.063.12a ápāmivām ápa víśvām ánāhutim ápārātim durvidátrām aghāyatáḥ |  
 10.063.12c āré devā dvéšo asmád yuyotanorú naḥ sárma yachatā svastáye ||  
 10.063.13a áriṣṭaḥ sá mártó víśva edhate prá prajābhir jāyate dhármaṇas pári |  
 10.063.13c yám ádityāso náyathā sunítībhir áti víśvāni duritá svastáye ||  
 10.063.14a yám devāso 'vatha vājasātau yám súrasātā maruto hité dháne |  
 10.063.14c prātaryāvāṇaṃ rátham indra sānasím áriṣyantam á ruhemā svastáye ||  
 10.063.15a svastí naḥ pathyāsu dhánvasu svasty āpsú vṛjáne svārvati |  
 10.063.15c svastí naḥ putrakṛthéṣu yóniṣu svastí ráyé maruto dadhātana ||  
 10.063.16a svastír íd dhí prápathe śrésṭhā rékṇasvaty abhí yā vāmám éti |  
 10.063.16c sá no amá só áraṇe ní pātu svāveśá bhavatu devágopā ||  
 10.063.17a evá platéh sūnúr avīvṛdhad vo víśva ádityā adite manīṣí |  
 10.063.17c íśānāso náro ámartyenástāvi jáno divyó gáyena ||

10.064.01a kathá devānāṃ katamáśya yāmani sumántu náma śṛṇvatām manāmahe |  
 10.064.01c kó mṛlāti katamó no máyas karat katamá ūtí abhy á vavartati ||  
 10.064.02a kratūyánti krátavo hr̥tsú dhītáyo vénanti venāḥ patáyanty á díśaḥ |  
 10.064.02c ná marđitá vidyate anyá ebhyo devéṣu me ádhi kāmā ayamsata ||  
 10.064.03a nārā vā śámsam pūṣāṇam ágohyam agnīm devéddham abhy ārcase girá |  
 10.064.03c sūryāmāsā candrámasā yamám diví tritám vátam uśasam aktúm aśvínā ||  
 10.064.04a kathá kavís tuvírāvān káyā girá bṛhaspátir vāvṛdhate suvṛktībhiḥ |  
 10.064.04c ajá ékapāt suhávebhir řkvabhir áhiḥ śṛnotu budhnyò hávīmani ||  
 10.064.05a dáksasya vādite jánmani vraté rájánā mitráváruṇā vivāsasi |  
 10.064.05c átúrtapanthāḥ pururátho aryamá saptáhotā víśurūpeṣu jánmasu ||  
 10.064.06a té no árvanto havanaśrúto hávaṃ víśve śṛṇvantu vājíno mitádravaḥ |  
 10.064.06c sahasrasá medhásātāv iva tmánā mahó yé dhánaṃ samithéṣu jabhriré ||

10.064.07a prá vo vāyúṃ rathayújam púramdhim stómaiḥ kṛṇudhvaṃ sakhyāya pūṣāṇam |  
 10.064.07c té hí devásya savitúḥ sāvīmani krátuṃ sácante sacítaḥ sácetasah ||  
 10.064.08a trīḥ saptá sasrá nadyò mahīr apó vānaspátīn párvatām agnīm útāye |  
 10.064.08c kṛṣānum ástīn tiṣyāṃ sadhástha á rudrām rudréṣu rudríyaṃ havāmahe ||  
 10.064.09a sárasvatī saráyuh sīndhur ūrmībhir mahó mahīr ávasā yantu vākṣaṇīḥ |  
 10.064.09c devīr āpo mātārah sūdayitnvò ghṛtávat páyo mádhuman no arcata ||  
 10.064.10a utá mātá bṛhaddivá śṛṇotu nas tváṣtā devébhir jánibhiḥ pitá vácaḥ |  
 10.064.10c ṛbhukṣā vājo ráthaspátir bhágo raṇvāḥ śáṃsah śásamānásya pātu nah ||  
 10.064.11a raṇvāḥ sámḍṛṣtau pitumām iva kṣáyo bhadrá rudrāṇām marútām úpastutiḥ |  
 10.064.11c góbbhiḥ śyāma yaśaso jáneṣv á sádā devāsa īlayā sacemahi ||  
 10.064.12a yām me dhíyam māruta índra devā ádadāta varuṇa mitra yūyām |  
 10.064.12c tām pīpayata páyaseva dhenúṃ kuvíd gíro ádhi ráthe váhātha ||  
 10.064.13a kuvíd ángá práti yáthā cid asyá nah sajātyāsya maruto búbodhatha |  
 10.064.13c nābhā yātra prathamám samnásāmahe tátra jāmitvám áditir dadhātu nah ||  
 10.064.14a té hí dyāvāpṛthiví mātārā mahí deví devān jānmanā yajñīye itāḥ |  
 10.064.14c ubhé bibhṛta ubháyaṃ bhārīmabhiḥ purú rétāmsi pitṛbhiś ca sīncataḥ ||  
 10.064.15a ví śā hótrā vísvam aśnoti vāryam bṛhaspátir arāmatih pánīyasī |  
 10.064.15c grāvā yātra madhuśúd ucyáte bṛhád ávīvaśanta matībhir manīśīṇah ||  
 10.064.16a evā kavís tuvīrāvām ṛtajñā draviṇasyúr draviṇasaś cakānāḥ |  
 10.064.16c ukthébhir átra matībhiś ca vípró 'pīpayad gáyo divyāni jánma ||  
 10.064.17a evā platéh sūnúr avīvr̥dhad vo vísva ādityā adite manīśī |  
 10.064.17c īśānāso náro ámartyenāstāvi jáno divyó gáyena ||

10.065.01a agnīr índro váruṇo mitró aryamā vāyúḥ pūṣā sárasvatī sajóṣasah |  
 10.065.01c ādityā víṣṇur marútaḥ svār bṛhát sómo rudró áditir bráhmaṇas pátiḥ ||  
 10.065.02a indrāgnī vṛtrahátyeṣu sátpatī mithó hinvānā tanvā sámokasā |  
 10.065.02c antárikṣam máhy á paprur ójasā sómo ghṛtaśrīr mahimānam īráyan ||  
 10.065.03a téṣām hí mahnā mahatām anarvāṇām stómām íyarmy ṛtajñā ṛtāvṛdhām |  
 10.065.03c yé apsavám arṇavám citrārādhasas té no rāsantām maháye sumitryāḥ ||  
 10.065.04a svāṇaram antárikṣāni rocanā dyāvābhúmī pṛthivīm skambhur ójasā |  
 10.065.04c pṛkṣā iva maháyantaḥ surātáyo devā stavante mánuṣāya sūrāyah ||  
 10.065.05a mitráya śikṣa váruṇāya dāsúṣe yá samrājā mánasā ná prayúchataḥ |  
 10.065.05c yáyor dhāma dhármaṇā rócate bṛhád yáyor ubhé ródasī nádhasī vṛtau ||  
 10.065.06a yá gaúr vartaním paryéti niṣkṛtám páyo dúhānā vratanír avārataḥ |  
 10.065.06c sá prabruvāṇā váruṇāya dāsúṣe devébhyo dāsad dhaviśā vivásvate ||  
 10.065.07a divákṣaso agnijihvá ṛtāvṛdha ṛtásya yónim vimṛśanta āsate |  
 10.065.07c dyām skabhitvy àpá á cakrur ójasā yajñām janitvī tanvī ní māmṛjuh ||  
 10.065.08a parikṣítā pitārā pūrvajāvarī ṛtásya yónā kṣayataḥ sámokasā |  
 10.065.08c dyāvāpṛthiví váruṇāya sávrate ghṛtávat páyo mahiśāya pinvataḥ ||  
 10.065.09a parjányāvātā vṛṣabhā purīṣīnendravāyú váruṇo mitró aryamā |  
 10.065.09c devām ādityām áditim havāmahe yé pāṛthivāso divyāso apsú yé ||  
 10.065.10a tváṣtāram vāyúṃ ṛbhavo yá óhate daívyā hótārā uśásam svastāye |  
 10.065.10c bṛhaspátim vṛtrakhādám sumedhásam indriyám sómam dhanasā u īmahe ||

10.065.11a bráhma gám ásvaṃ janáyanta óṣadhīr vānaspátīn pṛthivīm párvatām̐ apáh |  
 10.065.11c sūryaṃ diví roháyantaḥ sudánava áryā vratā visrjānto ádhi kṣámi ||  
 10.065.12a bhujyúm aṃhasaḥ pipṛtho nír asvinā śyāvam putráṃ vadhrimatyā ajinvatam |  
 10.065.12c kamadyúvaṃ vimadāyohathur yuvám viṣṇāpvam̐ vísvakāyāva sṛjathaḥ ||  
 10.065.13a pāvīravī tanyatúr ékapād ajó divó dhartā síndhur ápaḥ samudríyaḥ |  
 10.065.13c víśve devāsaḥ śṛṇavan vácāṃsi me sárasvatī sahá dhībhīḥ púraṃdhyā ||  
 10.065.14a víśve devāḥ sahá dhībhīḥ púraṃdhyā mánor yájatrá amṛtā ṛtajñāḥ |  
 10.065.14c rātiśāco abhiśācaḥ svarvídaḥ svār gíro bráhma sūktám juṣerata ||  
 10.065.15a devān vásiṣṭho amṛtān vavande yé vísvā bhúvanābhí pratasthúḥ |  
 10.065.15c té no rāsantām urugāyám adyá yūyám pāta svastībhiḥ sádā naḥ ||

10.066.01a devān huve bṛhácchravasaḥ svastāye jyotiṣkr̥to adhvarásya prácetasah |  
 10.066.01c yé vāvṛdhúḥ pratarám vísvávedasa índrajyeṣṭhāso amṛtā ṛtāvṛdhah ||  
 10.066.02a índraprasūtā váruṇapraśiṣṭā yé sūryasya jyótiṣo bhāgám ānaśúḥ |  
 10.066.02c marúdgane vṛjáne mánma dhīmahi mághone yajñám janayanta sūrāyaḥ ||  
 10.066.03a índro vásubhiḥ pári pātu no gāyam ādityaír no áditiḥ sárma yachatu |  
 10.066.03c rudró rudrēbhir devó mṛlayāti nas tvástā no gnābhiḥ suvitāya jinvatu ||  
 10.066.04a áditir dyāvāpṛthiví ṛtám mahád índravíṣṇū marútaḥ svār bṛhát |  
 10.066.04c devām̐ ādityām̐ ávase havāmahe vásūn rudrān savitāraṃ sudāṃsasam ||  
 10.066.05a sárasvān dhībhír váruṇo dhṛtāvratāḥ pūṣā viṣṇur mahimā vāyúr asvínā |  
 10.066.05c brahmakṛto amṛtā vísvávedasaḥ sárma no yaṃsan trivárūtham aṃhasaḥ ||  
 10.066.06a vṛṣā yajñó vṛṣaṇaḥ santu yajñíyā vṛṣaṇo devā vṛṣaṇo haviṣkṛtaḥ |  
 10.066.06c vṛṣaṇā dyāvāpṛthiví ṛtāvārī vṛṣā parjányo vṛṣaṇo vṛṣastúbhaḥ ||  
 10.066.07a agníśomā vṛṣaṇā vājasātaye purupraśastā vṛṣaṇā úpa bruve |  
 10.066.07c yāv ījiré vṛṣaṇo devayajyáyā tá naḥ sárma trivárūtham ví yaṃsataḥ ||  
 10.066.08a dhṛtāvratāḥ kṣatríyā yajñaniṣkr̥to bṛhaddivā adhvarāṇām abhiśríyaḥ |  
 10.066.08c agníhotāra ṛtasāpo adruho 'pó asrjann ánu vṛtratūrye ||  
 10.066.09a dyāvāpṛthiví janayann abhí vratāpa óṣadhīr vanínāni yajñíyā |  
 10.066.09c antárikṣam svār ā paprur ūtāye vásam devāsas tanvì ní māmṛjuh ||  
 10.066.10a dhartāro divá ṛbhávaḥ suhástā vātāparjanya mahiśásya tanyatóḥ |  
 10.066.10c āpa óṣadhīḥ prá tirantu no gíro bhāgo rātír vājino yantu me hávam ||  
 10.066.11a samudráḥ síndhū rájo antárikṣam ajá ékapāt tanayitnúr arṇaváh |  
 10.066.11c áhir budhnyàḥ śṛṇavad vácāṃsi me víśve devāsa utá sūrāyo máma ||  
 10.066.12a syāma vo mánavo devāvītaye práñcam no yajñám prá ṇayata sādhuayá |  
 10.066.12c ádityā rúdrā vásavaḥ súdánava imā bráhma śasyámānāni jinvata ||  
 10.066.13a daívyā hótārā prathamā puróhita ṛtāsya pánthām ánv emi sādhuayá |  
 10.066.13c kṣétrasya pátim prátiveśam ímahe vísvān devām̐ amṛtām̐ áprayuchataḥ ||  
 10.066.14a vásiṣṭhāsaḥ pitṛvād vácam akrata devām̐ īlānā ṛṣivát svastāye |  
 10.066.14c pṛitā iva jñātáyaḥ kāmam étyāsmé devāsó 'va dhūnutā vásu ||  
 10.066.15a devān vásiṣṭho amṛtān vavande yé vísvā bhúvanābhí pratasthúḥ |  
 10.066.15c té no rāsantām urugāyám adyá yūyám pāta svastībhiḥ sádā naḥ ||

10.067.01a imām dhíyaṃ saptásīrṣṇīm pitā na ṛtāprajātām bṛhatīm avindat |  
 10.067.01c turívam svii ianavad vísváianvo 'vásva ukthám índrāva éámsan ||

10.067.01c varjyañ svaj janyaśā viśvajanyaś yasya akṣaram itarāya sañjītam ||  
 10.067.02a ṛtām śāmsanta ṛjū dīdhyānā divās putrāso āsurasya vīrāḥ |  
 10.067.02c vípram padām āngirasō dādhanā yajñāsya dhāma prathamām mananta ||  
 10.067.03a haṃsaír iva sákhībhīr vāvadadbhīr aśmanmāyāni nāhanā vyāsyan |  
 10.067.03c bṛhaspátir abhikánikradad gā utá prástaud úc ca vidvāñ agāyat ||  
 10.067.04a avó dvābhyām pará ékayā gā gúhā tīṣṭhantīr ánṛtasya sétau |  
 10.067.04c bṛhaspátis támasi jyótir ichánan úd usrá ākar ví hí tísrá āvaḥ ||  
 10.067.05a vibhídya púram śayáthem ápācīm nís trīṇi sākām udadhér akṛntat |  
 10.067.05c bṛhaspátir uśasam sūryam gām arkām viveda stanáyann iva dyaúḥ ||  
 10.067.06a índro valám rakṣítāram dúghānām karēneva ví cakartā ráveṇa |  
 10.067.06c svédāñjibhīr āsīram ichámānó 'rodayat pañím á gā amuṣṇāt ||  
 10.067.07a sá īm satyébhiḥ sákhībhīḥ śucádbhīr gódhāyasaṃ ví dhanasaír adardaḥ |  
 10.067.07c bráhmaṇas pátir vīṣabhir varāhair gharmásvedebhir dráviṇam vy ānat ||  
 10.067.08a té satyéna mánasā gópatim gā iyānāsa iṣaṇayanta dhībhīḥ |  
 10.067.08c bṛhaspátir mithóavadyapebhīr úd usríyā asṛjata svayúgbhīḥ ||  
 10.067.09a tám vardháyanto matībhiḥ śivābhīḥ simhām iva nānadatam sadhásthe |  
 10.067.09c bṛhaspátim vīṣaṇam sūrasātau bhāre-bhare ānu madema jiṣṇúm ||  
 10.067.10a yadā vājam āsanad vísvárūpam á dyām áruksad úttarāṇi sádma |  
 10.067.10c bṛhaspátim vīṣaṇam vardháyanto nānā sánto bíbhtrato jyótir āsā ||  
 10.067.11a satyām āsīṣam kṛṇutā vayodhaí kīrīm cid dhy ávatha svébhīr évaiḥ |  
 10.067.11c paścā mīrdho ápa bhavantu vísvās tād rodasī śṛṇutam vísvaminvé ||  
 10.067.12a índro mahnā mahatō arṇavāsya ví mūrdhānam abhinad arbudāsya |  
 10.067.12c áhann áhim áriṇāt saptá síndhūn devaír dyāvāpṛthivī právatam naḥ ||

10.068.01a udaprúto ná váyo rákṣamāṇā vāvadato abhríyasyeva ghóṣāḥ |  
 10.068.01c giribhrájo nórmaýo mádanto bṛhaspátim abhy àrkā anāvan ||  
 10.068.02a sám góbhīr āngirasō náksamāṇo bhāga ivéd aryamāṇam nināya |  
 10.068.02c jáne mitró ná dámpatī anakti bṛhaspate vājáyāsūñm ivājaú ||  
 10.068.03a sādhvaryā atithínīr iṣirá spārhāḥ suvárṇā anavadyárūpāḥ |  
 10.068.03c bṛhaspátīḥ párvatebhyo vitúryā nír gā ūpe yávam iva sthivībhyāḥ ||  
 10.068.04a āpruśayán mádhuna ṛtāsya yónim avakṣipānn arká ulkām iva dyóḥ |  
 10.068.04c bṛhaspátir uddhárann ásmāno gā bhūmyā udnéva ví tvácām bibheda ||  
 10.068.05a ápa jyótiṣā támō antárikṣād udnāḥ śípālam iva vāta ājat |  
 10.068.05c bṛhaspátir anumíśyā valásyābhrām iva vāta á cakra á gāḥ ||  
 10.068.06a yadā valásya pīyato jásum bhéd bṛhaspátir agnitápobhir arkaíḥ |  
 10.068.06c dadbhír ná jihvá párvīṣtam ádad āvír nidhīm akṛnod usríyāñam ||  
 10.068.07a bṛhaspátir ámata hí tyád āsām náma svaríṇām sádane gúhā yát |  
 10.068.07c āṇḍéva bhittvá śakunāsya gárbbham úd usríyāḥ párvatasya tmánājat ||  
 10.068.08a ásnāpinaddham mádhu páry apaśyan mátsyam ná dīná udáni kṣiyántam |  
 10.068.08c nís táj jabhāra camasām ná vṛkṣād bṛhaspátir viravéṇā vikṛtya ||  
 10.068.09a sóśām avindat sá svāḥ só agníṃ só arkéṇa ví babādhe támāmsi |  
 10.068.09c bṛhaspátir góvapuṣo valásya nír majjánam ná párvaṇo jabhāra ||  
 10.068.10a himéva parṇā muṣitā vánāni bṛhaspátinākṛpayad való gāḥ |  
 10.068.10c anānukṛtyām apunás cakāra yāt sūryāmāsā mithá uccárātaḥ ||

10.068.11a abhí śyāvám ná kṛśanebhir ásvam náksatrebhiḥ pitáro dyám apimśan |  
10.068.11c rátryam támo ádadhur jyótir áhan bṛhaspátir bhinád ádriṃ vidád gāḥ ||  
10.068.12a idám akarma námo abhriyāya yāḥ pūrvír ánv ānónavīti |  
10.068.12c bṛhaspátih sá hí góbhiḥ só ásvaih sá vīrebhiḥ sá nṛbhir no váyo dhāt ||

10.069.01a bhadrá agnér vadhryaśvásyā samdīśo vāmī práñītiḥ surāṇā úpetayah |  
10.069.01c yád im sumitrá víśo ágra indháte ghṛténāhuto jarate dávidyutat ||  
10.069.02a ghṛtám agnér vadhryaśvásyā vārdhanam ghṛtám ánnam ghṛtám v asya médanam |  
10.069.02c ghṛténāhuta urviyá ví paprathe sūrya iva rocate sarpírāsutiḥ ||  
10.069.03a yát te mánur yád ánīkam sumitrāḥ samīdhé agne tát idám návīyah |  
10.069.03c sá revác choca sá gíro juśasva sá vājam darśi sá ihá śrávo dhāḥ ||  
10.069.04a yám tvā pūrvam īlitó vadhryaśváḥ samīdhé agne sá idám juśasva |  
10.069.04c sá na stipá utá bhavā tanūpá dātrām rakśasva yád idám te asmé ||  
10.069.05a bhávā dyumnī vādhryaśvotá gopá má tvā tārid abhímātir jánānam |  
10.069.05c śúra iva dhṛṣṇús cyávanah sumitrāḥ prá nú vocam vādhryaśvasya náma ||  
10.069.06a sám ajryā parvatyā vásūni dāsā vṛtrāny áryā jigetha |  
10.069.06c śúra iva dhṛṣṇús cyávano jánānam tvám agne pṛtanāyūmr abhí śyāḥ ||  
10.069.07a dīrghátantur bṛhádúkṣāyám agníḥ sahásrastarīḥ śatánītha řbhvā |  
10.069.07c dyumán dyumátsu nṛbhir mṛjyámānah sumitréśu dīdayo devayátsu ||  
10.069.08a tvé dhenúḥ sudúghā jātavedo 'saścáteva samanā sabardhúk |  
10.069.08c tvám nṛbhir dáksīṇāvadbhir agne sumitrébhir idhyase devayádbhiḥ ||  
10.069.09a devás cit te amṛtā jātavedo mahimānam vādhryaśva prá vocan |  
10.069.09c yát sampṛcham mānuṣīr víśa áyan tvám nṛbhir ajayas tvāvṛdhebhiḥ ||  
10.069.10a pitéva putráam abibhar upásthe tvám agne vadhryaśváḥ saparyán |  
10.069.10c juśāṇó asya samídham yaviṣṭhotá pūrvāṃ avanor vrádhataś cit ||  
10.069.11a śásvad agnír vadhryaśvásyā śátrūn nṛbhir jigāya sutásomavadbhiḥ |  
10.069.11c sámānam cid adahas citrabhāno 'va vrádhantam abhinad vṛdhás cit ||  
10.069.12a ayám agnír vadhryaśvásyā vṛtrahá sanakát préddho námasopavākyāḥ |  
10.069.12c sá no ájāmīmr utá vā víjāmīn abhí tiṣṭha śárdhato vādhryaśva ||

10.070.01a imám me agne samídham juśasvelás padé práti haryā ghṛtácīm |  
10.070.01c vārśman pṛthivyāḥ sudinatvé áhnām ūrdhvó bhava sukrato devayajyā ||  
10.070.02a á devānām agrayāvehá yātu nárāsámso viśvārūpebhir ásvaih |  
10.070.02c ṛtásya pathá námasā miyéddho devébhyo devátamaḥ suśūdat ||  
10.070.03a śaśvattamám īlate dūtyāya havīśmanto manuṣyāso agním |  
10.070.03c váhiṣṭhair ásvaih suvṛtā ráthenā deván vakṣi ní śadehá hótā ||  
10.070.04a ví prathatām devájūṣtam tiraścā dīrghām drāghmā surabhí bhūtv asmé |  
10.070.04c áhelatā mánasā deva barhir índrajyeṣṭhām usató yakṣi deván ||  
10.070.05a divó vā sānu sprśatā váriyah pṛthivyā vā mátrayā ví śrayadhvam |  
10.070.05c usátīr dvāro mahinā mahádbhir devám rátham rathayúr dhārayadhvam ||  
10.070.06a devī divó duhitārā suśilpé uśāsānaktā sadatām ní yónau |  
10.070.06c á vām devāsa usatī usánta uraú sīdantu subhage upásthe ||  
10.070.07a ūrdhvó grāvā brhád agníḥ sámiddhah priyá dhāmāny áditer upásthe |

10.070.07c puróhitāv ṛtvijā yajñé asmín vidúṣṭarā dráviṇam á yajethām ||  
10.070.08a tísro devīr barhír idam̐ várīya á sídata cakṛmá vaḥ syonám |  
10.070.08c manuṣvād yajñām súdhitā havīṃṣīlā devī ghṛtápadī juṣanta ||  
10.070.09a déva tvaṣṭar yád dha cārutvám ānaḍ yád ángirasām ábhavaḥ sacābhūḥ |  
10.070.09c sá devānām pátha úpa prá vidvám̐ usán yakṣi dravinodaḥ surátnaḥ ||  
10.070.10a vānaspate raśanáyā niyúyā devānām pátha úpa vakṣi vidvān |  
10.070.10c svádāti deváḥ kṛṇávad dhavīṃṣy ávatām dyāvāpṛthiví hávam me ||  
10.070.11a ágne vaha váruṇam̐ iṣṭáye na índram̐ divó marúto antárikṣāt |  
10.070.11c sídantu barhír víśva á yájatṛāḥ svāhā devā amṛtā mādayantām ||

10.071.01a bṛhaspate prathamám vácó ágram̐ yát praírata nāmadhéyam̐ dádhānāḥ |  
10.071.01c yád eṣām̐ śréṣṭham̐ yád aripṛám̐ ásit̐ preṇá tád eṣām̐ níhitam̐ gúhāvīḥ ||  
10.071.02a sáktum̐ iva títaünā punánto yátra dhírā mánasā vácam̐ ákrata |  
10.071.02c átrā sákhāyaḥ sakhyāni jānate bhadráśam̐ lakṣmír̐ níhitádhi vácí ||  
10.071.03a yajñéna vácāḥ padavíyam̐ āyan tām̐ án̐v avindann̐ iṣiṣu práviṣṭām̐ |  
10.071.03c tām̐ ābhṛtyā vy ádadhuḥ purutrā tām̐ saptá rebhā abhí sám̐ navante ||  
10.071.04a utá tvaḥ páśyan ná dadarśa vácam̐ utá tvaḥ śṛṇvān ná śṛṇoty enām̐ |  
10.071.04c utó tvasmai tanvām̐ ví sasre jāyéva pátya usatí suvāsāḥ ||  
10.071.05a utá tvam̐ sakhyé sthirápītam̐ āhur̐ nainam̐ hinvanty ápi vājineṣu |  
10.071.05c ádhenvā carati māyáyaiśá vácam̐ śuśruvám̐ aphaḷām̐ apuṣpām̐ ||  
10.071.06a yás tityāja sacivídām̐ sákhāyam̐ ná tásya vācy ápi bhāgó asti |  
10.071.06c yád im̐ śṛṇóty álakam̐ śṛṇoti nahí pravéda sukṛtásya pánthām̐ ||  
10.071.07a akṣaṇvántaḥ kárṇavantaḥ sákhāyo manojavéṣv̐ ásamā babhūvuḥ |  
10.071.07c ādaghnāsa upakakṣāsa u tve hradá iva snátvā u tve dadṛṣre ||  
10.071.08a hṛdā taṣṭéṣu mánaso javéṣu yád brāhmaṇāḥ sam̐yájante sákhāyaḥ |  
10.071.08c átrāha tvam̐ ví jahur̐ vedyābhir̐ óhabrahmāṇo ví caranty u tve ||  
10.071.09a imé yé nārvān ná parás cáranti ná brāhmaṇāso ná sutékarāsaḥ |  
10.071.09c tá eté vácam̐ abhipádyā pāpáyā sirís̐ tántram̐ tanvate áprajajñayaḥ ||  
10.071.10a sárve nandanti yaśásāgatena sabhāsāhéna sákhya sákhāyaḥ |  
10.071.10c kilbiṣaspṛt̐ pituśāṇir̐ hy eṣām̐ áram̐ hitó bhávati vājīnāya ||  
10.071.11a ṛcām̐ tvaḥ pōṣam̐ āste pupuṣvān̐ gāyatrām̐ tvo gāyati sákvarīṣu |  
10.071.11c brahmá tvo vádati jātavidyām̐ yajñásya mātṛam̐ ví mimīta u tvaḥ ||

10.072.01a devānām̐ nú vayām̐ jānā prá vocāma vipanyáyā |  
10.072.01c ukthéṣu śasyámāneṣu yāḥ páśyād̐ úttare yugé ||  
10.072.02a brāhmaṇas̐ pátir̐ etá sám̐ karmāra ivādhamat |  
10.072.02c devānām̐ pūrvyé yugé 'sataḥ sád̐ ajāyata ||  
10.072.03a devānām̐ yugé prathamé 'sataḥ sád̐ ajāyata |  
10.072.03c tád̐ áśā án̐v ajāyanta tád̐ uttānápadas̐ pári ||  
10.072.04a bhūr̐ jajña uttānápado bhuvá áśā ajāyanta |  
10.072.04c áditer̐ dáḁṣo ajāyata dáḁṣād̐ v̐ áditih̐ pári ||  
10.072.05a áditir̐ hy ájaniṣṭa dáḁṣa yá duhitá táva |

10.072.05c tām devā án̄v ajāyanta bhadrá amṛtabandhavaḥ ||  
10.072.06a yád devā adáḥ salilé súsamṛabdḥā átīṣṭhata |  
10.072.06c átrā vo nr̥tyatām iva tīvró reṇúr ápāyata ||  
10.072.07a yád devā yátayo yathā bhúvanāny ápinvata |  
10.072.07c átrā samudrá ā gūlḥám ā sūryam ajabhartana ||  
10.072.08a aṣṭáu putráso áditer yé jātās tanvās pári |  
10.072.08c devāñ̄ úpa praít saptábhiḥ párá mārtaṇḍám āsyat ||  
10.072.09a saptábhiḥ putraír áditir úpa praít pūrvyám yugám |  
10.072.09c prajāyai mr̥tyáve tvat púnar mārtaṇḍám ābharat ||

10.073.01a jániṣṭhā ugráḥ sáhase turāya mandrá ójiṣṭho bahulābhimānaḥ |  
10.073.01c ávardhann índram marútas cid átra mātá yád vīram dadhánad dhániṣṭhā ||  
10.073.02a druhó níṣattā pṛsaní cid évaiḥ purú sám̄sena vāvṛdhuṣ ṭá índram |  
10.073.02c abhívṛteva tá mahāpadéna dhvāntāt prapitvād úd aranta gárbhāḥ ||  
10.073.03a ṛṣvā te pādā prá yáj jīgāsy ávardhan vājā utá yé cid átra |  
10.073.03c tvám indra sālāvṛkán sahasram āsán dadhiṣe aśvínā vavṛtyāḥ ||  
10.073.04a samanā túṛṇir úpa yāsi yajñám ā nāsatyā sakhyāya vakṣi |  
10.073.04c vasāvyām indra dhārayaḥ sahasrāśvínā śūra dadatur maghāni ||  
10.073.05a mándamāna ṛtād ádhi prajāyai sákhibhir índra iṣirébhir ártham |  
10.073.05c ābhir hí māyā úpa dāsyaum āgān míhaḥ prá tamrá avapat támāmsi ||  
10.073.06a sánāmānā cid dhvasayo ny āsmā ávāhann índra uśāso yáthānaḥ |  
10.073.06c ṛṣvair agachaḥ sákhibhir níkamaiḥ sákám pratiṣṭhā hṛdyā jaghantha ||  
10.073.07a tvám jaghantha námucim makhasyaum dāsam kṛṇvāná ṛṣaye vímāyam |  
10.073.07c tvám cakartha mánave syonān pathó devatrāñ̄jaseva yānān ||  
10.073.08a tvám etāni papriṣe ví námésāna indra dadhiṣe gābhastau |  
10.073.08c ánu tvā devāḥ sávasā madanty upáribudhnān vanínaś cakartha ||  
10.073.09a cakram yád asyāpsv ā níṣattam utó tát asmai mádhv íc cachadyāt |  
10.073.09c pṛthivyām átīṣitam yád údhaḥ páyo góṣv ádadhā óṣadhīṣu ||  
10.073.10a áśvād iyāyēti yád vādanty ójaso jātám utá manya enam |  
10.073.10c manyór iyāya harmyéṣu tasthau yátaḥ prajāñ̄ná índro asya veda ||  
10.073.11a váyaḥ suparñā úpa sedur índram priyámedhā ṛṣayo nádhamānāḥ |  
10.073.11c ápa dhvāntám ūṛṇuhí pūrdhí cákṣur mumugdhy āsmān nidháyeva baddhān ||

10.074.01a vásūnām vā carkṛṣa íyakṣan dhiyā vā yajñair vā ródasyoḥ |  
10.074.01c árvanto vā yé rayimántaḥ sātaú vanúm vā yé suśrúṇam suśrúto dhúḥ ||  
10.074.02a háva eṣām ásuro nakṣata dyām śravasyatá mánasā niṁsata kṣām |  
10.074.02c cákṣāñā yátra suvitāya devā dyaúr ná vārebhiḥ kṛṇāvanta svaíḥ ||  
10.074.03a iyám eṣām amṛtānām gñ̄ḥ sarvátātā yé kṛpāṇanta rátnam |  
10.074.03c dhíyam ca yajñám ca sádhantas té no dhantu vasavyām ásāmi ||  
10.074.04a ā tát ta indráyavaḥ panantābhí yá ūrvām gómantaḥ títṛtsān |  
10.074.04c sakṛtsvam̄ yé puruputrām mahím sahasradhārām bṛhatīm dúduksan ||  
10.074.05a śácīva índram ávase kṛṇudhvam ánānataḥ damáyantam pṛtanyūn |  
10.074.05c rbhuksānam maghāvānam suvrktím bhártā vó váiram nārvam duruksúḥ ||

10.074.06a yád vāvāna purutāmam purāśālī ā vṛtrahéndro námāny aprāḥ |  
10.074.06c āceti prāsahas pātis tūviṣmān yád īm uśmāsi kārtave kárat tát ||

10.075.01a prá sú va āpo mahimānam uttamām kārúr vocāti sádane vivásvataḥ |  
10.075.01c prá saptá-sapta tredhā hí cakramúḥ prá sṛtvarīṇām áti síndhur ójasā ||  
10.075.02a prá te 'radad váruṇo yātave patháḥ síndho yád vājāṃ abhy ádravas tvám |  
10.075.02c bhūmyā ádhi pravátā yāsi sānunā yád eṣām ágram jágatām irajyāsi ||  
10.075.03a diví svanó yatate bhūmyopáry anantām súṣmam úd iyarti bhānūnā |  
10.075.03c abhrád iva prá stanayanti vṛṣṭáyāḥ síndhur yád éti vṛṣabhó ná róruvat ||  
10.075.04a abhí tvā síndho síśum ín ná mātáro vāśrā arṣanti páyaseva dhenávaḥ |  
10.075.04c rájeva yúdhvā nayasi tvám ít sícau yád āsām ágram pravátām ínakṣasi ||  
10.075.05a imám me gaṅge yamune sarasvati śútudri stómam sacatā páruṣṇy ā |  
10.075.05c asiknyā marudvṛdhe vitástayārjīkiye śṛṇuhy ā suśómayā ||  
10.075.06a tṛṣṭāmāyā prathamām yátave sajúḥ susártvā rasáyā śvetyā tyā |  
10.075.06c tvám síndho kúbhayā gomatīm krúmum mehatnvā sarátham yābhir íyase ||  
10.075.07a íjity éni rúsati mahitvā pári jráyāmsi bharate rájāmsi |  
10.075.07c ádabdhā síndhur apásām apástamāśvā ná citrá vápuṣiva darśatā ||  
10.075.08a svásvā síndhuḥ suráthā suvāsā hiraṇyáyī súkṛtā vājínīvatī |  
10.075.08c ūrṇavatī yuvatīḥ silámāvaty utádhi vaste subhágā madhuvṛdham ||  
10.075.09a sukhām rátham yuyuje síndhur aśvínam téna vājam saniṣad asmín ājaú |  
10.075.09c mahān hy āsya mahimā panasyáté 'dabdhasya sváyaśaso virapśínaḥ ||

10.076.01a ā va rñjasa ūrjām vyóṣṭiṣv índram marúto ródasī anaktana |  
10.076.01c ubhé yáthā no áhanī sacābhúvā sádaḥ-sado varivasyāta udbhídā ||  
10.076.02a tát u śréṣṭham sávanam sunotanātyo ná hástayato ádriḥ sotári |  
10.076.02c vidád dhy àryó abhíbhūti paúmṣyam mahó rāyé cit tarute yád árvataḥ ||  
10.076.03a tát íd dhy āsya sávanam vivér apó yáthā purā mánave gātúm áśret |  
10.076.03c góarṇasi tvāṣṭré áśvanirñiji prém adhvaréṣv adhvarāṃ aśíśrayuḥ ||  
10.076.04a ápa hata rakśaso bhaṅgurāvata skabhāyāta níṛṛtiṃ sédhatāmatim |  
10.076.04c ā no rayím sárvavīram sunotana devāvyām bharata ślókam adrayaḥ ||  
10.076.05a divás cid ā vó 'mavattarebhyo vibhvānā cid āsvàpastarebhyaḥ |  
10.076.05c vāyós cid ā sómarabhastarebhyo 'gnés cid arca pitukṛttarebhyaḥ ||  
10.076.06a bhurántu no yaśásaḥ sótv ándhaso grāvāṇo vácā divítā divítmatā |  
10.076.06c náro yátra duhaté kāmym mádhv āghoṣáyanto abhíto mithastúraḥ ||  
10.076.07a sunvánti sómam rathirāso ádrayo nír asya rásam gavíṣo duhanti té |  
10.076.07c duhánty ūdhar upasécanāya kām náro havýā ná marjayanta āsábhiḥ ||  
10.076.08a eté naraḥ svápaso abhūtana yá índrāya sunuthá sómam adrayaḥ |  
10.076.08c vāmām-vāmam vo divyāya dhāmne vásu-vasu vaḥ párthivāya sunvaté ||

10.077.01a abhraprúṣo ná vácā pruṣā vásu havísmanto ná yajñā vijānúsah |  
10.077.01c sumárutam ná brahmānam arháse gaṇám astoṣy eṣām ná śobháse ||

10.077.02a śriyé máryāso añjīṃr akr̥vata sumārutam ná pūrvīr āti kṣāpaḥ |  
 10.077.02c divás putrása étā ná yetira ādityāsas té akrā ná vāvṛdhuḥ ||  
 10.077.03a prá yé divāḥ pṛthivyā ná barhāṇā tmānā riricré abhrān ná sūryaḥ |  
 10.077.03c pājasvanto ná vīrāḥ panasyāvo risādaso ná máryā abhidyavaḥ ||  
 10.077.04a yuṣmākam budhné apām ná yāmani vithuryāti ná mahī śratharyāti |  
 10.077.04c viśvápsur yajñó arvāg ayām sú vaḥ práyasvanto ná satrāca ā gata ||  
 10.077.05a yūyām dhūrsú prayújo ná raśmíbhīr jyótiṣmanto ná bhāsā vyóṣṭiṣu |  
 10.077.05c śyenāso ná svāyāśaso risādasaḥ pravāso ná prásitāsaḥ pariprúṣaḥ ||  
 10.077.06a prá yád váhadhve marutaḥ parākād yūyām mahāḥ saṃváraṇasya vásvaḥ |  
 10.077.06c vidānāso vasavo rádhyasyārāc cid dvéṣaḥ sanutár yuyota ||  
 10.077.07a yá udrci yajñé adhvaraṣṭhā marúdbhyo ná mānuṣo dádaśat |  
 10.077.07c revát sá váyo dadhate suvīram sá devānām ápi gopīthé astu ||  
 10.077.08a té hí yajñéṣu yajñíyāsa ūmā ādityéna námna śámbhaviṣṭhāḥ |  
 10.077.08c té no 'vantu rathatūr manīṣām mahás ca yāmann adhvaré cakānāḥ ||

10.078.01a víprāso ná mánmabhiḥ svādhyò devāvyò ná yajñāiḥ svāpnasaḥ |  
 10.078.01c rájāno ná citrāḥ susaṃdrśaḥ kṣitīnām ná máryā arepāsaḥ ||  
 10.078.02a agnīr ná yé bhrājasā rukmāvākṣaso vātāso ná svayújaḥ sadyāūtayaḥ |  
 10.078.02c prajñātáro ná jyéṣṭhāḥ sunītayaḥ suśármāṇo ná sómā ṛtām yaté ||  
 10.078.03a vātāso ná yé dhúnayo jigatnávo 'gnīnām ná jihvá virokīṇaḥ |  
 10.078.03c vārmaṇvanto ná yodhāḥ sīmīvantāḥ pitṛṇām ná sámśaḥ surātayaḥ ||  
 10.078.04a ráthānām ná ye 'rāḥ sánābhayo jigīvāṃso ná sūrā abhidyavaḥ |  
 10.078.04c vareyāvo ná máryā ghr̥taprúṣo 'bhisvartáro arkām ná suṣṭúbhaḥ ||  
 10.078.05a áśvāso ná yé jyéṣṭhāsa āśávo didhiśávo ná rathyāḥ sudānavaḥ |  
 10.078.05c ápo ná nimnaír udábhīr jigatnávo viśvárūpā ángiraso ná sámabhiḥ ||  
 10.078.06a grāvāṇo ná sūrāyaḥ síndhumātara ādardirāso ádrayo ná viśvāhā |  
 10.078.06c śísūlā ná krīlāyaḥ sumātáro mahāgrāmó ná yāmann utá tviṣā ||  
 10.078.07a uśásam ná ketávo 'dhvaraśríyaḥ śubhamyāvo nāñjībhir vy ásvitan |  
 10.078.07c síndhavo ná yayíyo bhrājadr̥ṣṭayaḥ parāváto ná yójanāni mamire ||  
 10.078.08a subhāgān no devāḥ kṛṇutā surātnān asmān stotṛn maruto vāvṛdhānāḥ |  
 10.078.08c ádhi stotrāsyā sakhyāsyā gāta sanād dhī vo ratnadhéyāni sánti ||

10.079.01a ápaśyam asya maható mahitvām ámartyasya mártýāsu vikṣú |  
 10.079.01c nānā hánū víbhr̥te sám bharete ásinvatī bāpsatī bhūry attāḥ ||  
 10.079.02a gūhā śíro níhitam ṛdhag akṣí ásinvann atti jihváyā vānāni |  
 10.079.02c átrāny asmai paḍbhīḥ sám bharanty uttānāhastā námasādhi vikṣú ||  
 10.079.03a prá mātúḥ pratarām gūhyam ichán kumāró ná vīrúdhāḥ sarpad urvīḥ |  
 10.079.03c sasām ná pakvām avidac chucántam ririhvāṃsam ripá upásthe antāḥ ||  
 10.079.04a tát vām ṛtām rodasī prá bravīmi jáyamāno mātārā gārbho atti |  
 10.079.04c nāhām devāsya mártýāś ciketāgnīr ángá vícetāḥ sá prácetāḥ ||  
 10.079.05a yó asmā ánnaṃ ṛṣv ādádhaty ājyair ghr̥taír juhóti púṣyati |  
 10.079.05c tásmāi sahasram akṣābhīr ví cakṣé 'gne viśvātaḥ pratyāññ asi tvám ||  
 10.079.06a kím devéṣu tvāia énaś cakarthāgne pṛchāmi nú tvám ávidvān |

10.079.06c ákrīlan krīlan hárir áttave 'dán ví parvaśás cakarta gám ivāsīh ||  
10.079.07a víśūco áśvān yuyuje vanejá řjītibhī raśanābhir grbhītān |  
10.079.07c cakṣadé mitró vásubhiḥ sújātaḥ sám āṇḍhe párvabhir vāvṛdhānāḥ ||

10.080.01a agníḥ sáptim vājambharāṃ dadāty agnír vīrāṃ śrútyaṃ karmaniṣṭhām |  
10.080.01c agní ródasī ví carat samañjánān agnír nārīm vīrákuṣim púraṃdhim ||  
10.080.02a agnéṛ ápnasaḥ samíd astu bhadrāgnír mahí ródasī á viveśa |  
10.080.02c agnír ékaṃ codayat samátsv agnír vṛtrāṇi dayate purūṇi ||  
10.080.03a agnír ha tyám járataḥ kárṇam āvāgnír adbhyó nír adahaj járūtham |  
10.080.03c agnír átriṃ gharma uruśyad antár agnír nṛmédham prajāyāsṛjat sám ||  
10.080.04a agnír dād dráviṇaṃ vīrápeśā agnír řṣim yāḥ saháśrā sanóti |  
10.080.04c agnír diví havýám á tatānāgnér dhāmāni víbhṛtā purutrā ||  
10.080.05a agním ukthair řṣayo ví hvayante 'gnīm náro yāmani bādhitāsaḥ |  
10.080.05c agním váyo antárikṣe pátanto 'gníḥ saháśrā pári yāti gónām ||  
10.080.06a agním víśa īlate mánuṣīṛ yá agním mánuṣo náhuṣo ví jātāḥ |  
10.080.06c agnír gāndharvīm pathyām ṛtasyāgnér gavyūtir ghṛtā á niśattā ||  
10.080.07a agnáye bráhma řbhávas tataḥśur agním mahām avocāmā suvṛktím |  
10.080.07c ágne práva jaritāraṃ yaviṣṭhāgne máhi dráviṇam á yajasva ||

10.081.01a yá imá víśvā bhúvanāni júhvat řṣir hótā ny ásīdat pitā naḥ |  
10.081.01c sá áśíśā dráviṇam ichámānaḥ prathamachád ávarāṃ á viveśa ||  
10.081.02a kíṃ svid āsīd adhiṣṭhānam ārámbhaṇaṃ katamát svit kathāsīt |  
10.081.02c yáto bhúmim janáyan víśvákarmā ví dyām aúrṇon mahinā víśvacakṣāḥ ||  
10.081.03a víśvátaścakṣur utá víśvátomukho víśvátobāhur utá víśvátaspāt |  
10.081.03c sám bāhúbhyaṃ dhāmati sám pátatrair dyāvābhúmī janáyan devá ékaḥ ||  
10.081.04a kíṃ svid vánaṃ ká u sá vṛkśā āsa yáto dyāvāpṛthiví niśtataḥśúḥ |  
10.081.04c mánīṣiṇo mánasā pṛchátéd u tát yád adhyátiṣṭhad bhúvanāni dhāráyan ||  
10.081.05a yá te dhāmāni paramāṇi yāvamā yá madhyamā víśvakarmann utémā |  
10.081.05c śíḥṣā sākhibhyo havíṣi svadhāvaḥ svayām yajasva tanvaṃ vṛdhānāḥ ||  
10.081.06a víśvakarman havíśā vāvṛdhānāḥ svayām yajasva pṛthivīm utá dyām |  
10.081.06c múhyantv anyé abhító jánāsa ihásmākam maghāvā sūrír astu ||  
10.081.07a vácās pátim víśvákarmāṇam ūtáye manojúvaṃ vāje adyā huvema |  
10.081.07c sá no víśvāni hávanāni jośad víśváśambhūr ávase sādúkarmā ||

10.082.01a cákṣuṣaḥ pitā mánasā hí dhīro ghṛtām ene ajanan nánnamāne |  
10.082.01c yadéd ántá ádadṛhanta pūrva ád íd dyāvāpṛthiví aprathetām ||  
10.082.02a víśvákarmā vímanā ád víhāyā dhātá vidhātá paramótá samḍṛk |  
10.082.02c téśām iṣṭāni sám iśā madanti yátrā saptarśín pará ékam āhúḥ ||  
10.082.03a yó naḥ pitā janitā yó vidhātá dhāmāni véda bhúvanāni víśvā |  
10.082.03c yó devānāṃ nāmadhā éka evá táṃ sampraśnām bhúvanā yanty anyā ||  
10.082.04a tá áyajanta dráviṇaṃ sám asmā řṣayaḥ pūrve jaritāro ná bhūnā |  
10.082.04c asūrte sūrte ráiasī nisatté vé bhūtāni samákrnavann imāni ||

10.082.05c asante sante rajasi mṣate ye śrutam samakṣyam imam ||

10.082.05a paró divá pará ená pṛthivyá paró devébhīr ásurair yád ásti |

10.082.05c kām svid gárbham prathamám dadhra ápo yátra deváḥ samápaśyanta víśve ||

10.082.06a tám íd gárbham prathamám dadhra ápo yátra deváḥ samágachanta víśve |

10.082.06c ajásya nábhāv ádhy ékam árpitam yásmin víśvāni bhúvanāni tasthúḥ ||

10.082.07a ná tám vidātha yá imá jajānānyád yuṣmākam ántaram babhūva |

10.082.07c nīhāreṇa prāvṛtā jalpyā cāsutrpa ukthaśásas caranti ||

10.083.01a yás te manyó 'vidhad vajra sāyaka sāha ójaḥ puśyati víśvam ānuśák |

10.083.01c sāhyāma dāsam áryam tváyā yujá sáhaskṛtena sáhasā sáhasvatā ||

10.083.02a manyúr índro manyúr evāsa devó manyúr hótā váruṇo jātávedāḥ |

10.083.02c manyúm vísa īlate mānuṣīr yāḥ pāhí no manyo tápasā sajóśāḥ ||

10.083.03a abhīhi manyo tavásas távīyān tápasā yujá ví jahi śátrūn |

10.083.03c amitrahá vṛtrahá dasyuhá ca víśvā vásūny á bharā tvám naḥ ||

10.083.04a tvám hí manyo abhībhūtyojāḥ svayambhūr bhāmo abhimātiśāhāḥ |

10.083.04c víśvācarṣaṇīḥ sáhuriḥ sáhāvān asmāsv ójaḥ pṛtanāsu dhehi ||

10.083.05a abhāgāḥ sánn ápa páreto asmi táva krátvā taviśásya pracetaḥ |

10.083.05c tám tvā manyo akratúr jihīlāhám svá tanúr baladéyāya méhi ||

10.083.06a ayám te asmy úpa méhy arvān prācīnāḥ sahure víśvadhāyāḥ |

10.083.06c mányo vajrinn abhí mām á vavṛtsva hánāva dásyūmṛ utá bodhy āpéḥ ||

10.083.07a abhí préhi dakṣiṇató bhavā mé 'dhā vṛtrāṇi jaṅghanāva bhūri |

10.083.07c juhómi te dharūnam mádhvo ágram ubhá upāmsú prathamá pibāva ||

10.084.01a tváyā manyo sarátham ārujánto hársamāṇāso dhr̥ṣitá marutvaḥ |

10.084.01c tigmeśava áyudhā samśísānā abhí prá yantu náro agnírūpāḥ ||

10.084.02a agnír iva manyo tviśitāḥ sahasva senānīr naḥ sahure hūtá edhi |

10.084.02c hatvāya śátrūn ví bhajasva véda ójo mímāno ví mīdho nudasva ||

10.084.03a sáhasva manyo abhímātim asmé ruján mṛṇán pramṛṇán préhi śátrūn |

10.084.03c ugrám te pájo nanv á rurudhre vaśí vásam nayasa ekaja tvám ||

10.084.04a éko bahūnām asi manyav īlitó vísam-vísam yudháye sám śísādhi |

10.084.04c ákr̥ttaruk tváyā yujá vayám dyumántam ghóṣam vijayāya kṛṇmahe ||

10.084.05a vijeśakṛd índra ivānavabravó 'smākam manyo adhipā bhavehá |

10.084.05c priyám te náma sahure gr̥ṇīmasi vidmá tám útsam yáta ābabhūtha ||

10.084.06a ábhūtyā sahajá vajra sāyaka sāho bibharṣy abhibhūta úttaram |

10.084.06c krátvā no manyo sahá medy edhi mahādhanásya puruhūta samśíji ||

10.084.07a sámśṛṣtam dhānam ubháyaḥ samākṛtam asmábhyaḥ dattām váruṇas ca manyúḥ |

10.084.07c bhíyaḥ dádhānā hṛdayeṣu śátravaḥ párājitāso ápa ní layantām ||

10.085.01a satyénottabhitā bhūmīḥ sūryeṇóttabhitā dyaúḥ |

10.085.01c ṛténādityás tiṣṭhanti diví sómo ádhi śritāḥ ||

10.085.02a sómenādityá balínaḥ sómena pṛthiví mahí |

10.085.02c átho náksatrāṇām eśám upásthe sóma áhitaḥ ||

- 10.085.03a sómam manyate papiván yát sampimṣánty oṣadhim |  
10.085.03c sómaṃ yám brahmāṇo vidúr ná tásyāsnāti kás caná ||  
10.085.04a āchádvidhānair gupitó bārhataiḥ soma rakṣitáḥ |  
10.085.04c grāvṇām íc chrṇvān tiṣṭhasi ná te asnāti pārhivah ||  
10.085.05a yát tvā deva prapíbanti táta á pyāyase púnaḥ |  
10.085.05c vāyúḥ sómasya rakṣitá sámānām mása ákr̥tiḥ ||  
10.085.06a raibhy āsīd anudéyī nārāśamsī nyócanī |  
10.085.06c sūryāyā bhadrám íd vāso gāthayaiti páriṣkr̥tam ||  
10.085.07a cīttir ā upabārhaṇaṃ cáksur ā abhyañjanam |  
10.085.07c dyaúr bhūmiḥ kósa āsīd yád áyāt sūryá pátim ||  
10.085.08a stómā āsan pratidháyaḥ kuríraṃ chānda opaśáḥ |  
10.085.08c sūryāyā asvínā varágnír āsīt purogaváh ||  
10.085.09a sómo vadhūyúr abhavad asvínāstām ubhá vará |  
10.085.09c sūryám yát pátye sám̐santīm mánasā savitādadāt ||  
10.085.10a máno asyā ána āsīd dyaúr āsīd utá chadīḥ |  
10.085.10c śukráv anaḍvāhāv āstām yád áyāt sūryá gr̥hám ||  
10.085.11a r̥ksāmābhyaṃ abhíhitau gávau te sámānāv itaḥ |  
10.085.11c śrótraṃ te cakré āstām diví pánthās carācārāḥ ||  
10.085.12a súcī te cakré yātyā vyānó ákṣa āhataḥ |  
10.085.12c áno manasmáyaṃ sūryārohat prayatí pátim ||  
10.085.13a sūryāyā vahatúḥ prágat savitá yám avās̐jat |  
10.085.13c aghāsu hanyante gávó 'r̥junyoḥ páry uhyate ||  
10.085.14a yád asvínā p̥rchāmānāv áyātaṃ tricakréna vahatúm sūryāyāḥ |  
10.085.14c víśve devá ánu tát vām ajānan putráḥ pitárāv av̥ṇīta pūśá ||  
10.085.15a yád áyātaṃ śubhas patī vareyám sūryám úpa |  
10.085.15c kvaíkam cakráṃ vām āsīt kvā deṣṭrāya tasthathuḥ ||  
10.085.16a dvé te cakré sūrye brahmāṇa ṛtuthá viduḥ |  
10.085.16c áthaikam cakráṃ yád gúhā tát addhātaya íd viduḥ ||  
10.085.17a sūryāyai devébhyo mitráya váruṇāya ca |  
10.085.17c yé bhūtásya prácetasa idám tébhyo 'karam námaḥ ||  
10.085.18a pūrvāparám carato māyáyaitaú śísú kr̥ṭiantau pári yāto adhvarám |  
10.085.18c víśvāny anyó bhúvanābhicāṣṭa ṛtūṃ anyó vidádhaj jāyate púnaḥ ||  
10.085.19a návo-navo bhavati jāyamāno 'hnām ketúr uśásām ety ágram |  
10.085.19c bhāgám devébhyo ví dadhāty āyán prá candrámās tirate dīrghám áyuḥ ||  
10.085.20a sukim̐sukám śalmalím víśvárūpaṃ híraṇyavarnaṃ suv̐tām sucakráṃ |  
10.085.20c á roha sūrye am̐rtasya lokám syonám pátye vahatúm k̥ṇuṣva ||  
10.085.21a úd īr̥svātaḥ pátivatī hy èṣá víśvāvasuṃ námāsā g̥r̥bhír īle |  
10.085.21c anyám icha pit̥ṣádāṃ vyāktām sá te bhāgó janúṣā tásya viddhi ||  
10.085.22a úd īr̥svāto víśvāvaso námaseḷā mahe tvā |  
10.085.22c anyám icha prapharvyām sám jāyám pátyā sr̥ja ||  
10.085.23a an̐r̥kṣarā r̥jávaḥ santu pánthā yébhīḥ sákhāyo yánti no vareyám |  
10.085.23c sám aryamā sám bhāgo no ninīyāt sám jāspatyám suyámam astu devāḥ ||  
10.085.24a prá tvā muñcāmi váruṇasya páśād yéna tvābadhnāt savitá suśévaḥ |  
10.085.24c ṛtásya yónau sukrtásya loké 'riṣṭām tvā sahá pátyā dadhāmi ||  
10.085.25a nr̥tó muñcāmi námūtāḥ subaddhām am̐rtas karam |

- 10.085.25c yátheyám indra mīḍhvaḥ suputrā subhágāsati ||
- 10.085.26a pūṣā tvetó nayatu hastagīhyāśvínā tvā prá vahatāṃ ráthena |
- 10.085.26c grhān gacha grhāpatnī yáthāso vaśínī tvám vidátham á vadāsi ||
- 10.085.27a ihá priyám prajáyā te sám ṛdhyatām asmín grhé gārhapatyāya jāgrhi |
- 10.085.27c enā pátyā tanvām sám sṛjasvādhā jívri vidátham á vadāthaḥ ||
- 10.085.28a nīlalohitám bhavati kṛtyāsaktír vy àjyate |
- 10.085.28c édhante asyā jñātáyaḥ pátir bandhéṣu badhyate ||
- 10.085.29a párá dehi sámulyām brahmábhyo ví bhajā vásu |
- 10.085.29c kṛtyaíśá padvátī bhūtvý á jáyá visate pátim ||
- 10.085.30a aśrírā tanūr bhavati rúsatī pāpáyāmuyá |
- 10.085.30c pátir yád vadhvò vāsasā svám áṅgam abhidhítsate ||
- 10.085.31a yé vadhvās candráṃ vahatúm yákṣmā yánti jánād ánu |
- 10.085.31c púnas tán yajñíyā devá náyantú yáta ágatāḥ ||
- 10.085.32a má vidan paripanthíno yá āsídanti dámpatī |
- 10.085.32c sugébhír durgám átítām ápa drāntv árātayaḥ ||
- 10.085.33a sumaṅgalír iyám vadhūr imám saméta páśyata |
- 10.085.33c saúbhāgyam asyai dattvāyáthāstam ví páretana ||
- 10.085.34a tṛṣṭám etát kátukam etád apāsthávad viśávan naítád áttave |
- 10.085.34c sūryám yó brahmá vidyát sá íd vādhūyam arhati ||
- 10.085.35a āśásanam viśásanam átho adhivikártanam |
- 10.085.35c sūryāyāḥ paśya rūpāni táni brahmá tú śundhati ||
- 10.085.36a grbhñāmi te saubhagatvāya hástam máyā pátyā jarádaṣṭir yáthāsaḥ |
- 10.085.36c bhágo aryamá savitá púramdhir máhyam tvādur gārhapatyāya devāḥ ||
- 10.085.37a tám pūṣaṅ chivátamām érayasva yáśyām bíjam manuṣyà vápanti |
- 10.085.37c yá na ūrú usatí viśráyāte yáśyām usántaḥ prahárāma sépam ||
- 10.085.38a túbhyam ágre páry avahan sūryám vahatúnā sahá |
- 10.085.38c púnaḥ pátibhyo jāyám dá agne prajáyā sahá ||
- 10.085.39a púnaḥ pátinīm agnír adād áyuṣā sahá várcasā |
- 10.085.39c đirghāyur asyā yáḥ pátir jívātī śarádaḥ śatám ||
- 10.085.40a sómaḥ prathamó vivide gandharvó vivida úttaraḥ |
- 10.085.40c tṛtíyo agniś te pátis turíyas te manuṣyajāḥ ||
- 10.085.41a sómo dadad gandharvāya gandharvó dadad agnáye |
- 10.085.41c rayím ca putráṃś cādād agnír máhyam átho imám ||
- 10.085.42a ihaívá stam má ví yauṣṭam vísvam áyur vy áśnutam |
- 10.085.42c kṛlāntau putraír náptṛbhír módamānau své grhé ||
- 10.085.43a á naḥ prajám janayatu prajāpatir ājarasāya sám anaktv aryamá |
- 10.085.43c ádurmaṅgalīḥ patilokám á viśa sám no bhava dvipáde sám cátuṣpade ||
- 10.085.44a ághoracakṣur ápatighny edhi śivá paśúbhyaḥ sumánāḥ suvárcāḥ |
- 10.085.44c vírasūr devákāmā syoná sám no bhava dvipáde sám cátuṣpade ||
- 10.085.45a imám tvám indra mīḍhvaḥ suputrám subhágām kṛṇu |
- 10.085.45c dásāśyām putrán á dhehi pátim ekādaśám kṛdhi ||
- 10.085.46a samrājñī śváśure bhava samrājñī śvaśrvām bhava |
- 10.085.46c nánāndari samrājñī bhava samrājñī ádhi devíṣu ||
- 10.085.47a sám añjantu víśve devāḥ sám ápo hṛdayāni nau |

10.085.47c sám mātariśvā sám dhātā sám u deṣṭrī dadhātu nau ||

- 10.086.01a ví hí sótor ásr̥kṣata néndraṃ devám amaṃsata |  
10.086.01c yátrāmadad vṛṣākāpir aryāḥ puṣṭéṣu mátsakhā víśvasmād índra úttaraḥ ||  
10.086.02a párā hīndra dhāvasi vṛṣākaper áti vyáthiḥ |  
10.086.02c nó áha prá vindasy anyátra sómapītaye víśvasmād índra úttaraḥ ||  
10.086.03a kím ayám tvám vṛṣākāpís cakāra hárito mṛgáḥ |  
10.086.03c yásmā irasyásíd u nv áryó vā puṣṭimád vásu víśvasmād índra úttaraḥ ||  
10.086.04a yám imám tvám vṛṣākāpim priyám indrábhiráḥsasi |  
10.086.04c śvā nv àsya jambhiṣad ápi kárṇe varāhayúr víśvasmād índra úttaraḥ ||  
10.086.05a priyā taṣṭāni me kapír vyáktā vy àdūduṣat |  
10.086.05c śíro nv àsya ráviṣaṃ ná sugám duṣkr̥te bhuvam víśvasmād índra úttaraḥ ||  
10.086.06a ná mát strī subhasáttarā ná suyásutarā bhuvat |  
10.086.06c ná mát prátiyavīyasī ná sákthy údyamīyasī víśvasmād índra úttaraḥ ||  
10.086.07a uvé amba sulābhike yáthevāngá bhaviṣyáti |  
10.086.07c bhasán me amba sákthi me śíro me vīva hr̥ṣyati víśvasmād índra úttaraḥ ||  
10.086.08a kím subāho svaṅgure pṛthušto pṛthujāghane |  
10.086.08c kím sūrapatni nas tvám abhy àmīṣi vṛṣākāpim víśvasmād índra úttaraḥ ||  
10.086.09a avírām iva mām ayám śarārur abhí manyate |  
10.086.09c utāhám asmi vīrīṇīndrapatnī marútsakhā víśvasmād índra úttaraḥ ||  
10.086.10a saṃhotráṃ sma purā nārī sámanam vāva gachati |  
10.086.10c vedhā rtāsya vīrīṇīndrapatnī mahīyate víśvasmād índra úttaraḥ ||  
10.086.11a indráṇīm ású nārīṣu subhágām ahám áśravam |  
10.086.11c nahy àsyā aparám caná jarásā mārāte pátir víśvasmād índra úttaraḥ ||  
10.086.12a nāhám indráṇi rāraṇa sákhyur vṛṣākaper ṛté |  
10.086.12c yásyedám ápyam havíḥ priyám devéṣu gáchati víśvasmād índra úttaraḥ ||  
10.086.13a vṛṣākāpāyi révati súputra ād u súsnuṣe |  
10.086.13c ghásat ta índra ukṣāṇaḥ priyám kácitkarám havír víśvasmād índra úttaraḥ ||  
10.086.14a ukṣṇó hí me páñcadaśa sākám pácanti viṃśatím |  
10.086.14c utāhám admi pīva íd ubhá kuksī pṛṇanti me víśvasmād índra úttaraḥ ||  
10.086.15a vṛṣabhó ná tigmásr̥ṅgo 'ntár yūthéṣu róruvat |  
10.086.15c manthás ta índra sám hṛdé yám te sunóti bhāvayúr víśvasmād índra úttaraḥ ||  
10.086.16a ná sése yásya rámbate 'ntará sakthyà kápṛt |  
10.086.16c séd īse yásya romaśám niṣedúṣo vijīr̥mbhate víśvasmād índra úttaraḥ ||  
10.086.17a ná sése yásya romaśám niṣedúṣo vijīr̥mbhate |  
10.086.17c séd īse yásya rámbate 'ntará sakthyà kápṛd víśvasmād índra úttaraḥ ||  
10.086.18a ayám índra vṛṣākāpiḥ párasvantam hatám vidat |  
10.086.18c asím sūnám návam carúm ād édhasyāna ácitam víśvasmād índra úttaraḥ ||  
10.086.19a ayám emi vicākaśad vicinván dásam áryam |  
10.086.19c pībāmi pākasútvano 'bhí dhīram acākaśam víśvasmād índra úttaraḥ ||  
10.086.20a dhánva ca yát kṛntátram ca káti svit tá ví yójanā |  
10.086.20c nédīyaso vṛṣākāpé 'stam éhi gṛhām úpa víśvasmād índra úttaraḥ ||  
10.086.21a púnar éhi vṛṣākāpe suvitā kalpayāvahai |  
10.086.21c vá esá svānanámśanó 'stam ési nathā nínar víśvasmād índra úttaraḥ ||

10.086.22a yád údañco vṛṣākape grhám indrájagantana |  
 10.086.22c kvà syá pulvaghó mṛgáḥ kám agañ janayópano vísvasmād índra úttaraḥ ||  
 10.086.23a pársur ha náma mānaví sākām sasūva vimśatím |  
 10.086.23c bhadrám bhala tyásyā abhūd yásyā udáram ámayad vísvasmād índra úttaraḥ ||

10.087.01a rakṣohāṇam vājínam á jigharmi mitráṃ práthiṣṭham úpa yāmi śárma |  
 10.087.01c śísāno agníḥ krátubhiḥ sámiddhaḥ sá no dívā sá riśáḥ pātu náktam ||  
 10.087.02a áyodaṃṣtro arcíṣā yātudhānān úpa sprśa jātavedaḥ sámiddhaḥ |  
 10.087.02c á jihváyā mūradevān rabhasva kravyádo vṛktvy ápi dhatsvāsán ||  
 10.087.03a ubhóbhayāvinn úpa dhehi dáṃṣṭrā himsráḥ śísānó 'varam páraṃ ca |  
 10.087.03c utántárikṣe pári yāhi rájañ jámbhaiḥ sám dhehy abhí yātudhānān ||  
 10.087.04a yajñair íṣūḥ saṃnámamāno agne vácā śalyáñ aśánibhir dihānāḥ |  
 10.087.04c tábhir vidhya hṛdaye yātudhānān pratícó bāhūn práti bhandhy eṣām ||  
 10.087.05a ágne tvácam yātudhānasya bhindhi himsrásánir hárasā hantv enam |  
 10.087.05c prá párvāni jātavedaḥ śṛñīhi kravyāt kraviṣṇúr ví cinotu vṛkṇám ||  
 10.087.06a yátredānīm pásyasi jātavedas tīṣṭhantam agna utá vā cárantam |  
 10.087.06c yád vāntárikṣe pathíbhiḥ pátantam tám ástā vidhya śárvā śísānaḥ ||  
 10.087.07a utálabdham sprṇuhi jātaveda ālebhānād ṛṣṭíbhir yātudhānāt |  
 10.087.07c ágne púrvo ní jahi sósucāna āmādaḥ kṣvínkās tám adantv éniḥ ||  
 10.087.08a ihá prá brūhi yatamáḥ só agne yó yātudhāno yá idám kṛṇóti |  
 10.087.08c tám á rabhasva samídḥā yaviṣṭha nṛcákṣasaś cákṣuṣe randhayainam ||  
 10.087.09a tīkṣṇénagne cákṣuṣā rakṣa yajñám práñcam vásubhyaḥ prá ṇaya pracetaḥ |  
 10.087.09c himsrám rákṣāṃsy abhí sósucānam má tvā dabhan yātudhānā nṛcákṣaḥ ||  
 10.087.10a nṛcákṣā rákṣaḥ pári paśya vikṣú tásya tríṇi práti śṛñīhy ágrā |  
 10.087.10c tásyāgne pṛṣṭír hárasā śṛñīhi tredhá múlam yātudhānasya vṛsca ||  
 10.087.11a trír yātudhānaḥ prásitim ta etv ṛtám yó agne ánṛtena hánti |  
 10.087.11c tám arcíṣā sphūrjáyāñ jātavedaḥ samakṣám enam grṇaté ní vṛndhi ||  
 10.087.12a tád agne cákṣuḥ práti dhehi rebhé śaphārújam yéna pásyasi yātudhānam |  
 10.087.12c atharvaváj jyótiṣā daívyena satyám dhūrvantam acítam ny òṣa ||  
 10.087.13a yád agne adyá mithunā śápato yád vácás ṛṣṭám janáyanta rebhāḥ |  
 10.087.13c manyór mánasaḥ śaravyā jāyate yá táyā vidhya hṛdaye yātudhānān ||  
 10.087.14a párā śṛñīhi tásasā yātudhānān párāgne rákṣo hárasā śṛñīhi |  
 10.087.14c párārcíṣā mūradevāñ chṛñīhi párāsutṛpo abhí sósucānaḥ ||  
 10.087.15a párādyá devā vṛjinám śṛñantu pratyág enam śapáthā yantu ṛṣṭāḥ |  
 10.087.15c vácāstenam śárava ṛchantu márman vísvasyaitu prásitim yātudhānaḥ ||  
 10.087.16a yáh paúruṣeṇa kravíṣā samañkté yó ásvyena paśúnā yātudhānaḥ |  
 10.087.16c yó aghnyáya bháрати kṣírám agne téṣām śírṣāni hárasāpi vṛsca ||  
 10.087.17a saṃvatsarīṇam páya usríyāyās tásya máśíd yātudhāno nṛcákṣaḥ |  
 10.087.17c pīyūṣam agne yatamás títṛpsāt tám pratyāñcam arcíṣā vidhya márman ||  
 10.087.18a viśám gávām yātudhānāḥ pibantv á vṛscyantām áditaye durévāḥ |  
 10.087.18c párainān deváh savitá dadātu párā bhāgám ósadhīnām jayantām ||  
 10.087.19a sanād agne mṛṇasi yātudhānān ná tvā rákṣāṃsi pṛtanāsu jigyuḥ |  
 10.087.19c ánu daha sahá mūrān kravyádo má te hetyá mukṣata daívyāyāḥ ||

10.087.20a tvám no agne adharād údaktāt tvám paścād utá rakṣā purástāt |  
 10.087.20c práti té te ajárāsaś tápiṣṭhā aghásamsam śósucato dahantu ||  
 10.087.21a paścāt purástād adharād údaktāt kavīḥ kāvyaena pári páhi rájan |  
 10.087.21c sákhe sákḥāyam ajáro jarimñé 'gne mártāñ ámarthyas tvám nah ||  
 10.087.22a pári tvāgne púram vayám vípram sahasya dhīmahi |  
 10.087.22c dhṛśádvarṇam divé-dive hantāram bhaṅgurāvātām ||  
 10.087.23a viśeṇa bhaṅgurāvataḥ práti śma rakśáso daha |  
 10.087.23c ágne tigména śociśā tápuragrābhir ṛṣṭíbhiḥ ||  
 10.087.24a práty agne mithunā daha yātudhānā kimídínā |  
 10.087.24c sám tvā śísāmi jāgrhy ádabdham vipra mánmabhiḥ ||  
 10.087.25a práty agne hárasā háraḥ śṛñihí viśvátaḥ práti |  
 10.087.25c yātudhānasya rakśáso bálam ví ruja víryām ||

10.088.01a havíṣ pāntam ajáram svarvīdi divispṛśy āhutam júṣtam agnaú |  
 10.088.01c táśya bhármaṇe bhúvanāya devā dhármaṇe kām svadháyā paprathanta ||  
 10.088.02a gīṛṇám bhúvanam támasāpagūlham āvīḥ svàr abhavaj jāté agnaú |  
 10.088.02c táśya devāḥ pṛthiví dyaúr utāpó raṇayann óśadhīḥ sakhyé asya ||  
 10.088.03a devébhīr nv ṣṣitó yajñíyebhir agnīm stośāny ajáram bṛhántam |  
 10.088.03c yó bhānúnā pṛthivīm dyām utémám ātatāna ródasī antárikṣam ||  
 10.088.04a yó hótāsīt prathamó devājuṣto yám samāñjann ájyenā vṛṇānāḥ |  
 10.088.04c sá patatrītvarām sthā jágad yác chvātrám agnír akrṇoj jātávedāḥ ||  
 10.088.05a yáj jātavedo bhúvanasya mūrdhān ātiṣṭho agne sahá rocanéna |  
 10.088.05c tám tvāhema matíbhir gīrbhír ukthaīḥ sá yajñíyo abhavo rodasiṣṛāḥ ||  
 10.088.06a mūrdhā bhuvó bhavati náktam agnís tátaḥ sūryo jāyate prátár udyán |  
 10.088.06c māyām ū tú yajñíyānām etām ápo yát túṛñis cárati prajānán ||  
 10.088.07a dṛśéno yó mahinā sámiddhó 'rocata divíyonir vibhāvā |  
 10.088.07c tásminn agnaú sūktavākéna devā havír víśva ájuhavirus tanūpāḥ ||  
 10.088.08a sūktavākám prathamám ād íd agnīm ād íd dhavír ajanayanta devāḥ |  
 10.088.08c sá eṣām yajñó abhavat tanūpās tám dyaúr veda tám pṛthiví tám āpaḥ ||  
 10.088.09a yám devāsó 'janayantāgnīm yásminn ájuhavur bhúvanāni víśvā |  
 10.088.09c só arcíśā pṛthivīm dyām utémám ṛjūyámāno atapan mahitvá ||  
 10.088.10a stómēna hí diví devāso agnīm ájijanañ chákṭibhī rodasiṣṛām |  
 10.088.10c tám ū akrṇvan tredhā bhuvé kām sá óśadhīḥ pacati viśvárūpāḥ ||  
 10.088.11a yadéd enam ádadhur yajñíyāso diví devāḥ sūryam āditeyám |  
 10.088.11c yadā cariṣṇú mithunāv ábhūtām ād ít prápaśyan bhúvanāni víśvā ||  
 10.088.12a víśvasmā agnīm bhúvanāya devā vaiśvānarām ketúm áhnām akrṇvan |  
 10.088.12c ā yás tatānośáso vibhātír ápo ūṛnoti támo arcíśā yán ||  
 10.088.13a vaiśvānarām kaváyo yajñíyāso 'gnīm devā ajanayann ajuryám |  
 10.088.13c náḥsatram pratnám áminac cariṣṇú yakśásyādhyakṣam taviśám bṛhántam ||  
 10.088.14a vaiśvānarām víśvāhā dīdivāmsam mántrair agnīm kavím áchā vadāmaḥ |  
 10.088.14c yó mahinnā paribabhūvorví utāvástād utá devāḥ parástāt ||  
 10.088.15a dvé srutí aśṇavam pitṛṇām ahám devānām utá mártyanām |  
 10.088.15c tábhyām idám víśvam éjat sám eti yád antarā pitáram mātáram ca ||  
 10.088.16a dvé samīcí bibhrtaś cárantam śīrsató iātām mánasā vímrstam |

10.088.16c sá pratyāñ vísvā bhūvanāni tasthāv āprayuchan tarāñir bhrājamānaḥ ||  
 10.088.17a yātrā vādete ávaraḥ páraś ca yajñanyòḥ kataró nau ví veda |  
 10.088.17c ā śekur ít sadhamādam sákhāyo náksanta yajñām ká idām ví vocat ||  
 10.088.18a káty agnáyaḥ káti sūryāsaḥ káty uśāsaḥ káty u svid āpaḥ |  
 10.088.18c nópaspíjaṃ vaḥ pitaro vadāmi pṛchāmi vaḥ kavayo vidmāne kām ||  
 10.088.19a yāvanmātrām uśāso ná prátikaṃ suparnyò vásate mātariśvaḥ |  
 10.088.19c távad dadhāty úpa yajñām āyān brāhmaṇó hótur ávaro niśīdan ||

10.089.01a índram stavā nṛtamam yásya mahnā vibabādhé rocanā ví jmó ántān |  
 10.089.01c ā yāḥ papraú carṣañīdhīd várobhiḥ prá síndhubhyo riricāno mahitvá ||  
 10.089.02a sá sūryaḥ páry urú várāmsy éndro vavṛtyād ráthyeva cakrá |  
 10.089.02c átīṣṭhantam apasyām ná sárgam kṛṣṇā támāmsi tvíśyā jaghána ||  
 10.089.03a samānām asmā ánapāvṛd arca kṣmayā divó ásamam bráhma návyam |  
 10.089.03c ví yāḥ pṛṣṭhēva jánimāny aryá índraś cikāya ná sákhāyam īśé ||  
 10.089.04a índrāya gíro ániśitasargā apāḥ prérayam ságarasya budhnāt |  
 10.089.04c yó ákṣeneva cakríyā sácībhir víśvak tastāmbha pṛthivīm utá dyām ||  
 10.089.05a āpāntamanyus tṛpālāprabharmā dhúniḥ símīvāñ chárumāñ rjīśī |  
 10.089.05c sómo vísvāny atasā vánāni nārvāg índram pratimānāni debhuḥ ||  
 10.089.06a ná yásya dyāvāpṛthiví ná dhánva nāntárikṣam nádrayaḥ sómo akṣāḥ |  
 10.089.06c yád asya manyúr adhinīyāmānaḥ śṛṇāti vīlú rujāti sthirāni ||  
 10.089.07a jaghána vṛtrām svádhitir váneva rurója púro áradan ná síndhūn |  
 10.089.07c bibhēda girīm návam ín ná kumbhām ā gā índro akrṇuta svayúgbhiḥ ||  
 10.089.08a tvām ha tyád ṛṇayā indra dhíro 'sír ná párva vṛjinā śṛṇāsi |  
 10.089.08c prá yé mitrásya váruṇasya dhāma yújaṃ ná jánā minānti mitráam ||  
 10.089.09a prá yé mitráam prāryamāṇam durévāḥ prá samgíraḥ prá váruṇam minānti |  
 10.089.09c ny àmitreṣu vadhām indra túmram vṛṣan vṛṣāṇam aruśām śísīhi ||  
 10.089.10a índro divá índra īse pṛthivyā índro apām índra ít párvatānām |  
 10.089.10c índro vṛdhām índra ín médhirāṇām índraḥ kṣéme yóge hávya índraḥ ||  
 10.089.11a práktúbhya índraḥ prá vṛdhó áhabhyaḥ prántárikṣāt prá samudrásya dhāsēḥ |  
 10.089.11c prá vātasya práthasaḥ prá jmó ántāt prá síndhubhyo ririce prá kṣitibhyaḥ ||  
 10.089.12a prá śósucatyā uśāso ná ketúr asinvā te vartatām indra hetīḥ |  
 10.089.12c áśmeva vidhya divá ā srjānás tápiṣṭhena héśasā dróghamitrān ||  
 10.089.13a ánv áha māsā ánv íd vánāny ánv óṣadhīr ánu párvatāsaḥ |  
 10.089.13c ánv índram ródasī vāvasāné ánv āpo ajihata jáyamānam ||  
 10.089.14a kārhi svit sá ta indra cetyāsad aghásya yád bhinádo rákṣa éṣat |  
 10.089.14c mitrakrúvo yác chāsane ná gāvaḥ pṛthivyā āpṛg amuyā sáyante ||  
 10.089.15a śatrúyānto abhí yé nas tatasré máhi vrādhanta ogaṇāsa indra |  
 10.089.15c andhénāmítrās támasā sacantām sujyotíšo aktávas tám abhí syuḥ ||  
 10.089.16a purūṇi hí tvā sávanā jánānām bráhmāni mándan grṇatām řṣīṇām |  
 10.089.16c imām āghośann ávasā sáhūtiṃ tiró vísvām árcato yāhy arvān ||  
 10.089.17a evá te vayām indra bhuñjatínām vidyāma sumatínām návānām |  
 10.089.17c vidyāma vástor ávasā grṇānto viśvāmitrā utá ta indra nūnām ||  
 10.089.18a śunām huvema maghāvānam índram asmín bhāre nṛtamam vājasātau |

10.089.18c śrñvántam ugrám ūtāye samātsu ghnántam vṛtrāṇi samjítam dhánānām ||

- 10.090.01a saháśraśīrṣā púruṣaḥ sahasrākṣāḥ saháśrapāt |  
10.090.01c sá bhūmim viśváto vṛtvāty atīṣṭhad daśāṅgulám ||  
10.090.02a púruṣa evédám sárvaṃ yád bhūtám yác ca bhávyam |  
10.090.02c utámṛtatvásyésāno yád ānnenātiróhati ||  
10.090.03a etāvān asya mahimāto jyāyāṃś ca púruṣaḥ |  
10.090.03c pádo 'sya víśvā bhūtāni tripād asyāmṛtam diví ||  
10.090.04a tripād ūrdhvá úd ait púruṣaḥ pádo 'syehābhavat púnaḥ |  
10.090.04c táto viṣvañ vy àkrāmat sāśanānaśané abhí ||  
10.090.05a tásmād virāḷ ajāyata virājo ádhi púruṣaḥ |  
10.090.05c sá jātó áty aricyata paścād bhūmim átho puráh ||  
10.090.06a yát púruṣeṇa havísā devā yajñám átanvata |  
10.090.06c vasantó asyāsīd ájyaṃ grīṣmā idhmāḥ śarād dhavíḥ ||  
10.090.07a táṃ yajñám barhīṣi praúkṣan púruṣaṃ jātám agratāḥ |  
10.090.07c téna devā ayajanta sādhyā ṛṣayaś ca yé ||  
10.090.08a tásmād yajñāt sarvahútaḥ sámabhṛtam pṛṣadājyám |  
10.090.08c paśún tāmś cakre vāyavyān āraṇyān grāmyāś ca yé ||  
10.090.09a tásmād yajñāt sarvahúta ṛcaḥ sāmāni jajñire |  
10.090.09c chándāṃsi jajñire tásmād yájus tásmād ajāyata ||  
10.090.10a tásmād ásvā ajāyanta yé ké cobhayádataḥ |  
10.090.10c gāvo ha jajñire tásmāt tásmāj jātā ajāvayaḥ ||  
10.090.11a yát púruṣaṃ vy ádadhuḥ katidhā vy àkalpayan |  
10.090.11c múkhaṃ kím asya kaú bāhú ká ūrú pádā ucyete ||  
10.090.12a brāhmaṇò 'sya múkham āsīd bāhú rājanyaḥ kṛtāḥ |  
10.090.12c ūrú tát asya yád vaiśyaḥ padbhyām sūdró ajāyata ||  
10.090.13a candráma mánaso jātás cākṣoḥ sūryo ajāyata |  
10.090.13c múkhād índraś cāgnís ca praṇād vāyúr ajāyata ||  
10.090.14a nābhya āsīd antárikṣaṃ śīrṣṇó dyaúḥ sám avartata |  
10.090.14c padbhyām bhūmir díśaḥ śrótrāt táthā lokāñ akalpayan ||  
10.090.15a saptāsyāsan paridháyas triḥ saptá samídhaḥ kṛtāḥ |  
10.090.15c devā yád yajñám tanvānā ábadhnan púruṣaṃ paśúm ||  
10.090.16a yajñéna yajñám ayajanta devās táni dhármāṇi prathamāny āsan |  
10.090.16c té ha nákam mahimānaḥ sacanta yátra púrve sādhyāḥ sánti devāḥ ||

- 10.091.01a sám jāgrvadbhir járamāṇa idhyate dáme dāmūnā iśáyann iḷás padé |  
10.091.01c víśvasya hótā havišo váreṇyo vibhúr vibhāvā suśákhā sakhīyaté ||  
10.091.02a sá darśataśrír átithir grhé-grhe váne-vane śísriye takvavír iva |  
10.091.02c jánaṃ-janaṃ jányo náti manyate víśa á kṣeti víśyo víśaṃ-víśam ||  
10.091.03a sudákṣo dáksaiḥ krátunāsi sukrátur ágne kavíḥ kāvyaenāsi viśvavít |  
10.091.03c vásur vásūnām kṣayasi tvám éka íd dyāvā ca yāni pṛthiví ca púsyataḥ ||  
10.091.04a prajānānn agne táva yónim ṛtvíyam iḷāyās padé ghṛtávantam āsadaḥ |  
10.091.04c á te cikitra usásām ivétavo 'repásah sūrvasveva raśmāvah ||

10.091.05a táva śríyo varṣyāsyeva vidyútaś citráś cikitra uśásam ná ketávaḥ |  
 10.091.05c yád ośadhīr abhírṣṭo vānāni ca pári svayám cinuṣé ánnam āsyè ||  
 10.091.06a tám ośadhīr dadhire gárbbham ṛtvíyam tám āpo agnīm janayanta mātārah |  
 10.091.06c tám ít samānám vanínaś ca vīrúdhō 'ntárvatīs ca súvate ca viśvāhā ||  
 10.091.07a vātōpadhūta iṣitó vāsāṃ ānu ṛṣú yád ánnā véviṣad vitīṣṭhase |  
 10.091.07c ā te yatante rathyò yáthā pṛthak chárdhāṃsy agne ajárāni dhákṣataḥ ||  
 10.091.08a medhākārām vidáthasya prasáadhanam agnīm hótāram paribhūtamam matím |  
 10.091.08c tám id árbbhe havíṣy ā samānám ít tám ín mahé vṛṇate nānyám tvát ||  
 10.091.09a tvám id átra vṛṇate tvāyávo hótāram agne vidátheṣu vedhásaḥ |  
 10.091.09c yád devayánto dádhati práyāṃsi te havísmanto mánavo vṛktábarhiṣaḥ ||  
 10.091.10a távagne hotráṃ táva potráṃ ṛtvíyam táva neṣtrám tvám agníd ṛtāyatáḥ |  
 10.091.10c táva praśāstrám tvám adhvaríyasi brahmā cāsi gṛhápatis ca no dáme ||  
 10.091.11a yás túbhyam agne amṛtāya mártyaḥ samídha dāśad utá vā havíṣkṛti |  
 10.091.11c táśya hótā bhavasi yāsi dūtyam úpa brūṣe yájasy adhvaríyāsi ||  
 10.091.12a imá asmai matáyo vāco asmád āṃ ṛco gírah suṣtutáyaḥ sám agmata |  
 10.091.12c vasūyávo vásave jātávedase vṛddhāsu cid vārdhano yāsu cākánat ||  
 10.091.13a imám pratnāya suṣtutím návíyasīm vocéyam asmā uśaté śṛṇótu naḥ |  
 10.091.13c bhūyā ántarā ḥṛdy āśya nisṛṣe jāyéva pátya uśatí suvāsāḥ ||  
 10.091.14a yásminn áśvāsa ṛṣabhāsa ukśāṇo vaśá meṣā avasṛṣṭāsa āhutāḥ |  
 10.091.14c kīlālapé sómapṛṣṭhāya vedhāse ḥṛdā matím janaye cārum agnáye ||  
 10.091.15a āhāvya agne havír āsyè te srucīva ghṛtám camvīva sómaḥ |  
 10.091.15c vājasānim rayím asmé suvīram praśastám dhehi yaśásam bṛhántam ||

10.092.01a yajñāsya vo rathyām viśpátim viśám hótāram aktór átithim vibhāvasum |  
 10.092.01c sócañ chúṣkāsu háriṇīṣu járbhurad vṛṣā ketúr yajató dyám aśāyata ||  
 10.092.02a imám añjaspām ubháye akrṇvata dharmāṇam agnīm vidáthasya sáadhanam |  
 10.092.02c aktúm ná yahvám uśasaḥ puróhitam tánūnápātam aruśāsya niṃsate ||  
 10.092.03a bál asya nīthā ví pañés ca manmahe vayā asya práhutā āsur áttave |  
 10.092.03c yadā ghorāso amṛtatvám áśatād ij jánasya daívyasya carkiran ||  
 10.092.04a ṛtāśya hí prásitir dyaúr urú vyáco námo mahy àrámatih páníyasī |  
 10.092.04c índro mitró váruṇaḥ sám cikitriré 'tho bhágaḥ savitá pūtádakṣasaḥ ||  
 10.092.05a prá rudréṇa yayínā yanti síndhavas tiró mahím arámatim dadhanvire |  
 10.092.05c yébbhiḥ párijmā pariyánn urú jrāyo ví róruvaj jāthāre vísvam ukśáte ||  
 10.092.06a krāṇā rudrá marúto viśvákṛṣṭayo diváḥ śyenāso ásurasya nīlāyaḥ |  
 10.092.06c tébbhiś caṣṭe váruṇo mitró aryaméndro devébbhir arvaśébbhir árvaśaḥ ||  
 10.092.07a índre bhújam śásamānāsa āsata súro dṛṣike vṛṣaṇas ca paúṃsye |  
 10.092.07c prá yé nv āsyārhanā tataksiré yújam vájram nṛśádaneṣu kārávaḥ ||  
 10.092.08a súraś cid ā harító asya rīramad índrād ā kás cid bhayate távíyasaḥ |  
 10.092.08c bhímāsya vṛṣṇo jāthārād abhiśváso divé-dive sáhuri stann ábādhitaḥ ||  
 10.092.09a stómaṃ vo adyá rudráya śíkvase kṣayádvīrāya námasā didiṣṭana |  
 10.092.09c yébbhiḥ śiváḥ svávāṃ evayāvabhir diváḥ síṣakti svāyaśā níkāmabhiḥ ||  
 10.092.10a té hí prajāyā ábharanta ví śrávo bṛhaspátir vṛṣabhāḥ sómajāmayāḥ |  
 10.092.10c yajñair átharvā prathamó ví dhārayad devá dákṣair bhṛgavaḥ sám cikitrire ||

10.092.11a té hí dyāvāpṛthivī bhūriretasā nārāśamsaś cāturaṅgo yamó 'ditiḥ |  
 10.092.11c devás tvāṣṭā draviṇodā ṛbhukṣāṇaḥ prá rodasī marúto víṣṇur arhire ||  
 10.092.12a utá syá na usjāṃ urviyā kavír áhiḥ śṛṇotu budhnyò hávīmani |  
 10.092.12c sūryāmāsā vicárantā divikṣitā dhiyā śamīnahusī asyá bodhatam ||  
 10.092.13a prá naḥ pūṣā caráthaṃ viśvádevyo 'pām nāpād avatu vāyúr iṣṭáye |  
 10.092.13c ātmānaṃ vásyo abhí vátam arcata tát asvinā suhavā yāmani śrutam ||  
 10.092.14a viśám āsám ábhayanām adhikṣitaṃ gīrbhír u sváyaśasaṃ gṛṇīmasi |  
 10.092.14c gnābhir viśvābhir áditim anarvāṇam aktór yúvānaṃ nṛmānā ádhā pátim ||  
 10.092.15a rébhad átra janúṣā pūrvo ángirā grāvāṇa ūrdhvā abhí cakṣur adhvarám |  
 10.092.15c yébhir víhāyā ábhavad vicakṣāṇāḥ páthaḥ sumékaṃ svádhitir vānanvati ||

10.093.01a máhi dyāvāpṛthivī bhūtam urvī nārī yahvī ná ródasī sádam naḥ |  
 10.093.01c tébhir naḥ pātaṃ sáhyasa ebhír naḥ pātaṃ sūṣāni ||  
 10.093.02a yajñé-yajñe sá mártyo deván saparyati |  
 10.093.02c yāḥ sumnaír dīrghaśrúttama āvívāsaty enān ||  
 10.093.03a víśveśám irajyavo devānām vār maháḥ |  
 10.093.03c víśve hí viśvámahaso víśve yajñeṣu yajñíyāḥ ||  
 10.093.04a té ghā rājāno amṛtasya mandrá aryamā mitró váruṇaḥ párijmā |  
 10.093.04c kád rudró nṛṇām stutó marútaḥ pūṣāṇo bhágaḥ ||  
 10.093.05a utá no náktam apām vṛṣaṇvasū sūryāmāsā sádanāya sadhanyā |  
 10.093.05c sácā yát sády eṣām áhir budhneṣu budhnyāḥ ||  
 10.093.06a utá no devāv asvínā śubhás páti dhāmabhir mitráváruṇā uruṣyatām |  
 10.093.06c maháḥ sá rāyá eṣaté 'ti dhánveva duritā ||  
 10.093.07a utá no rudrá cin mṛlatām asvínā víśve devāso ráthaspátir bhágaḥ |  
 10.093.07c ṛbhúr vāja ṛbhukṣāṇaḥ párijmā viśvavedasaḥ ||  
 10.093.08a ṛbhúr ṛbhukṣá ṛbhúr vidható máda á te hárī jūjuvānāsya vājínā |  
 10.093.08c duṣtāraṃ yásya sáma cid ṛdhag yajñó ná mānuṣaḥ ||  
 10.093.09a kṛdhí no áhrayo deva savitaḥ sá ca stuṣe maghónām |  
 10.093.09c saho na índro váhnibhir ny eṣām carṣaṇīnām cakráṃ raśmím ná yoyuve ||  
 10.093.10a aíṣu dyāvāpṛthivī dhātam mahád asmé víreṣu viśvácarṣaṇi śrávaḥ |  
 10.093.10c pṛkṣám vājasya sātáye pṛkṣám rāyótá turváṇe ||  
 10.093.11a etám sámśam indrāsmayúṣ tvám kúcit sántaṃ sahasāvann abhíṣṭaye |  
 10.093.11c sádā páhy abhíṣṭaye medátām vedátā vaso ||  
 10.093.12a etám me stómaṃ tanā ná sūrye dyutádyāmānaṃ vāvṛdhanta nṛṇām |  
 10.093.12c samvānanaṃ nāsavyaṃ táṣṭevānapacyutam ||  
 10.093.13a vāvárta yéṣām rāyā yuktaíṣām hiraṇyáyī |  
 10.093.13c nemádhitā ná paúṃsyā vṛtheva viṣṭántā ||  
 10.093.14a prá tát duḥśíme pṛthavāne vené prá rāmé vocam ásure maghávatsu |  
 10.093.14c yé yuktváya páñca śatāsmayú pathá viśrávy eṣām ||  
 10.093.15a ádhín nv átra saptatím ca saptá ca |  
 10.093.15b sadyó didiṣṭa tánvaḥ sadyó didiṣṭa pārthyāḥ sadyó didiṣṭa māyavāḥ ||

10.094.01a praité vadantu prá vayám vadāma grāvabhyo vācam vadatā vādadbhyaḥ |  
 10.094.01c yād adrayaḥ parvatāḥ sākām āśavaḥ ślōkaḥ ghōṣam bhārathēndrāya somīnaḥ ||  
 10.094.02a eté vadanti śatāvataḥ sahasravataḥ abhī krandanti hārītebhir āsābhīḥ |  
 10.094.02c viṣṭvī grāvāṇaḥ sukṛtaḥ sukṛtyāyā hōtuś cit pūrve havirādyam āsata ||  
 10.094.03a eté vadanty āvidann anā mādhu ny ūṅkhayante ādhi pakvā āmiṣi |  
 10.094.03c vṛkṣāsya śākhām aruṇāsya bāpsatas té sūbharvā vṛṣabhāḥ prēm arāviṣuḥ ||  
 10.094.04a bṛhād vadanti madirēṇa mandīnēndraḥ krōsanto 'vidann anā mādhu |  
 10.094.04c samrābhīyā dhīrāḥ svāsr̥bhir anartīṣur āghoṣāyantaḥ pṛthivīm upabdhībhīḥ ||  
 10.094.05a suparnā vācam akrotōpa dyāvya ākharē kṛṣṇā iṣirā anartīṣuḥ |  
 10.094.05c nyān nī yanty úparasya niṣkṛtām purū réto dadhire sūryaśvītaḥ ||  
 10.094.06a ugrā iva pravāhantaḥ samāyamuḥ sākām yuktā vīṣaṇo bíbhtrato dhúraḥ |  
 10.094.06c yāc chvasānto jagrasānā ārāviṣuḥ śr̥ṇvā eṣām prothātho árvatām iva ||  
 10.094.07a dāsāvanibhyo dāsakakṣyebhyo dāsayoktrebhyo dāsajanebhyah |  
 10.094.07c dāsābhīsubhyo arcatājārebhyo dāsa dhūro dāsa yuktā vāhadbhyaḥ ||  
 10.094.08a té ádrayo dāsayantrāsa āśavas téṣām ādhānam páry eti haryatām |  
 10.094.08c tá ū sutāsya somyāsyāndhaso 'mśōḥ pīyūṣam prathamāsya bhejire ||  
 10.094.09a té somādo hārī indrasya niṁsate 'mśūṁ duhānto ādhy āsate gāvi |  
 10.094.09c tébhir dugdhām papivān somyām mādhv índro vardhate práthate vṛṣāyāte ||  
 10.094.10a vīṣā vo amśúr ná kílā riṣāthanēlavantaḥ sādām ít sthanāśītāḥ |  
 10.094.10c raivatyēva máhasā cārava sthana yāsya grāvāṇo ájuṣadhvam adhvarām ||  
 10.094.11a tṛdilā átrdilāso ádrayo 'śramaṇā áśr̥thitā ámr̥tyavaḥ |  
 10.094.11c anāturā ajārā sthāmaviṣṇavaḥ supīvaso átr̥ṣitā átr̥ṣṇajaḥ ||  
 10.094.12a dhruvā evā vaḥ pitāro yugē-yuge kṣemakāmāsaḥ sādaso ná yuñjate |  
 10.094.12c ajuryāso hariṣāco harīdrava ā dyām ráveṇa pṛthivīm asuśravuḥ ||  
 10.094.13a tād íd vadanty ádrayo vimócane yāmann añjaspā iva ghéd upabdhībhīḥ |  
 10.094.13c vāpanto bíjam iva dhānyākṛtaḥ pṛñcānti sōmam ná minanti bāpsataḥ ||  
 10.094.14a suté adhvaré ādhi vācam akrotā krīlāyo ná mātāraḥ tudāntaḥ |  
 10.094.14c ví ṣū muñcā suṣuvūṣo manīṣām ví vartantām ádrayaś cāyamānāḥ ||

10.095.01a hayé jāye mánasā tīṣṭha ghore vācāṁsi miśrā kṛṇavāvahai nú |  
 10.095.01c ná nau mántrā ánuditāsa eté máyas karan páratate canāhan ||  
 10.095.02a kím etā vācā kṛṇavā távāhām prákramīṣam uśāsām agriyēva |  
 10.095.02c pūrūravaḥ púnar ástam párehi durāpanā vāta ivāhām asmi ||  
 10.095.03a iṣur ná śriyā iṣudhēr asanā goṣāḥ śatasā ná rāmhīḥ |  
 10.095.03c avīre krātau ví davidyutan nōrā ná māyūṁ citayanta dhúnayaḥ ||  
 10.095.04a sā vāsu dādhatī śvāsūrāya váya úṣo yādi vāṣṭy ántigr̥hāt |  
 10.095.04c ástam nanakṣe yāsmiñ cākán dívā náktam śnathitā vaitasēna ||  
 10.095.05a trīḥ sma máhnaḥ śnathayo vaitasēnotā sma mé 'vyatyai pṛṇāsi |  
 10.095.05c pūrūravó 'nu te kētam āyam rājā me vīra tanvās tād āsīḥ ||  
 10.095.06a yā sujūrñīḥ śrēñīḥ sumnāāpir hradécakṣur ná granthīnī caranyúḥ |  
 10.095.06c tā añjāyo 'ruṇāyo ná sasruḥ śriyē gāvo ná dhenāvo 'navanta ||  
 10.095.07a sám asmiñ jāyamāna āsata gnā utēm avardhan nadyāḥ svágūrtāḥ |  
 10.095.07c mahé yāt tvā purūravo ráñyāyāvardhayan dasyuhatyāya devāḥ ||  
 10.095.08a sácā vād āsu íahatīsv átkam ámānusīsu mánuso nisēve |

10.095.08c ápa sma mát tarásantī ná bhujyús tá atrasan rathaspr̥so náśvāḥ ||  
 10.095.09a yád āsu mártō amṛtāsu nispr̥k sám̐ kṣoṇībhiḥ krátubhir ná pr̥ñkté |  
 10.095.09c tá ātāyo ná tanvāḥ śumbhata svā áśvāso ná kr̥lāyo dāndaśānāḥ ||  
 10.095.10a vidyún ná yā pátantī dávidyod bhárantī me ápyā kām̐yāni |  
 10.095.10c jāniṣṭo apó náryaḥ sújātaḥ prórvāśī tirata dīrghám̐ áyuh̐ ||  
 10.095.11a jajñiṣá ithá gopīthyāya hí dadhātha tát purūravo ma ójaḥ |  
 10.095.11c áśāsam̐ tvā vidúṣī sásminn áhan ná ma áśr̥noḥ kím abhúg vadāsi ||  
 10.095.12a kadá sūnūḥ pitāram̐ jātá ichāc cakrán náśru vartayad vijānán |  
 10.095.12c kó dámpatī sámanasā ví yūyod ádha yád agnīḥ śvāśureṣu dídayat ||  
 10.095.13a práti bravāni vartáyate áśru cakrán ná krandad ādhyè śivāyai |  
 10.095.13c prá tát te hinavā yát te asmé párehy ástam̐ nahí mūra mápaḥ ||  
 10.095.14a sudevó adyá prapáted ánāvṛt parāvátam̐ paramām̐ gántavā u |  
 10.095.14c ádhā śáyīta níṛṛter upástthé 'dhainam̐ vṛkā rabhasāso adyūḥ ||  
 10.095.15a pūrūravo má mṛthā má prá paptō má tvā vṛkāso áśivāsa u kṣan |  
 10.095.15c ná vaí straīṇāni sakhyāni santi sālāvṛkāṇām̐ hṛdayāny etá ||  
 10.095.16a yád vírūpācaram̐ mártyeṣv ávasam̐ rátrīḥ śarádaś cátasraḥ |  
 10.095.16c ghṛtāsya stokám̐ sakīd áhna āśnām̐ tād evédám̐ tátṛpāṇā carāmi ||  
 10.095.17a antarīkṣaprām̐ rájaso vimānīm̐ úpa śíkṣāmy urvāśīm̐ vásiṣṭhaḥ |  
 10.095.17c úpa tvā rātīḥ sukṛtāsya tíṣṭhān ní vartasva hṛdayam̐ tapyate me ||  
 10.095.18a íti tvā devā ímá āhur aīla yáthem etád bhāvasi mṛtyúbandhuḥ |  
 10.095.18c prajā te devān havíṣā yajāti svargá u tvám̐ ápi mādayāse ||

10.096.01a prá te mahé vidáthe śam̐siṣam̐ hárī prá te vanve vanúṣo haryatám̐ mádam |  
 10.096.01c ghṛtām̐ ná yó háribhiś cāru sécata á tvā víśantu hárivarpasam̐ girāḥ ||  
 10.096.02a háriḥ hí yónim̐ abhí yé samásvaran̐ hinvánto hárī divyām̐ yáthā sádaḥ |  
 10.096.02c á yám̐ pr̥nānti háribhir ná dhenáva índrāya sūśám̐ hárivantam̐ arcata ||  
 10.096.03a só asya vājro hárito yá āyasó hárir níkāmo hárir á gābhastyoḥ |  
 10.096.03c dyumnī suśipró hárimanyusāyaka índre ní rūpá háritā mimikṣire ||  
 10.096.04a diví ná ketúr ádhi dhāyi haryató vivyácad vājro hárito ná ráṃhyā |  
 10.096.04c tudád áhiḥ háriśipro yá āyasáḥ sahásraśokā abhavad dharimbharāḥ ||  
 10.096.05a tvám̐-tvam̐ aharyathā úpastutāḥ pūrvebhir̐ indra harikeśa yájvabhiḥ |  
 10.096.05c tvám̐ haryasi táva víśvam̐ ukthyām̐ ásāmi rádho harijāta haryatám̐ ||  
 10.096.06a tá vajrīnam̐ mandīnam̐ stómyam̐ máda índram̐ ráthe vahato haryatá hárī |  
 10.096.06c purūṇy asmai sávanāni háryata índrāya sómā hárayo dadhanvire ||  
 10.096.07a áram̐ kāmāya hárayo dadhanvire sthirāya hinvan hárayo hárī turá |  
 10.096.07c árvadbhir̐ yó háribhir̐ jóśam̐ íyate só asya kāmam̐ hárivantam̐ ānaśe ||  
 10.096.08a háriśmaśārur̐ harikeśa āyasás turaspéye yó haripā ávardhata |  
 10.096.08c árvadbhir̐ yó háribhir̐ vājínīvasur̐ áti víśvā duritá páriṣad dhárī ||  
 10.096.09a srúveva yásya háriṇī vipetátuḥ sípre vājāya háriṇī dávidhvataḥ |  
 10.096.09c prá yát kṛté camasé mármṛjad dhárī pítvā mādasya haryatásyāndhasaḥ ||  
 10.096.10a utá sma sádma haryatásya pastyòr̐ átyo ná vājam̐ hárivām̐ acikradat |  
 10.096.10c mahí cid dhí dhiśāñāharyad ójasā bṛhád váyo dadhiṣe haryatás cid á ||  
 10.096.11a á ródasī háryamāno mahitvá návyam̐-navyam̐ haryasi mánma nú priyám̐ |

10.096.11c prá pastyàm asura haryatám gór āviṣ kṛdhi háraye sūryāya ||  
10.096.12a ā tvā haryántam prayújo jánānām rátthe vahantu háriśipram indra |  
10.096.12c píbā yáthā prátibhṛtasya mádhvo háryan yajñám sadhamāde dásoṇim ||  
10.096.13a ápāḥ pūrveṣām harivaḥ sutánām átho idám sávanam kévalam te |  
10.096.13c mamaddhí sómam mádhumantam indra satrá vṛṣaṅ jaṭhára ā vṛṣasva ||

10.097.01a yá oṣadhīḥ pūrvā jātā devébhyas triyugám purá |  
10.097.01c mánai nú babhrūṇām ahám śatám dhāmāni saptá ca ||  
10.097.02a śatám vo amba dhāmāni sahásram utá vo rúhaḥ |  
10.097.02c ádhā śatakratvo yūyám imám me agadáṃ kṛta ||  
10.097.03a oṣadhīḥ práti modadhvam púspavatīḥ prasúvarīḥ |  
10.097.03c ásvā iva sajitvarīr vīrúdhah pārayiṣṇvāḥ ||  
10.097.04a oṣadhīr íti mātaraś tād vo devīr úpa bruve |  
10.097.04c sanéyam ásvam gām vása ātmānam táva pūruṣa ||  
10.097.05a ásvatthé vo niśadanam parné vo vasatiṣ kṛtá |  
10.097.05c gobhájā ít kílasatha yát sanávatha pūruṣam ||  
10.097.06a yátraúśadhīḥ samágmata rájānaḥ sámítāv iva |  
10.097.06c vípraḥ sá ucyate bhiśág rakṣohāmīvacātanah ||  
10.097.07a ásvāvatīm somāvatīm ūrjáyantīm údojasam |  
10.097.07c ávitsi sárva oṣadhīr asmá ariṣṭátātaye ||  
10.097.08a úc chúsmā oṣadhīnām gávo goṣṭhád iverate |  
10.097.08c dhānam saniṣyántīnām ātmānam táva pūruṣa ||  
10.097.09a íṣkṛtir náma vo mātátho yūyám stha níṣkṛtīḥ |  
10.097.09c sīrāḥ patatrīṇī sthana yád āmáyati níṣ kṛtha ||  
10.097.10a áti víśvāḥ pariṣṭhā stená iva vrajám akramuḥ |  
10.097.10c oṣadhīḥ práucyavur yát kíṃ ca tanvò rápaḥ ||  
10.097.11a yád imá vājáyann ahám oṣadhīr hásta ádadhé |  
10.097.11c ātmá yákṣmasya naśyati purá jīvagṛbho yathā ||  
10.097.12a yásyaúśadhīḥ prasárpathāngam-āngam páruṣ-paruḥ |  
10.097.12c táto yákṣmam ví bādhadhva ugró madhyamaśír iva ||  
10.097.13a sākám yakṣma prá pata cáṣeṇa kikidīvinā |  
10.097.13c sākám vātasya dhrájyā sākám naśya nihākayā ||  
10.097.14a anyá vo anyám avatv anyányásyā úpāvata |  
10.097.14c táḥ sárvaḥ samvidāná idám me právatā vácaḥ ||  
10.097.15a yáḥ phalínīr yá aphalá apuṣpá yás ca puṣpínīḥ |  
10.097.15c bṛhaspátiprasūtās tá no muñcantv ámhasaḥ ||  
10.097.16a muñcántu mā śapathyād átho varuṇyād utá |  
10.097.16c átho yamásyá páḍbīśāt sárvasmād devakilbiśāt ||  
10.097.17a avapátantīr avadan divá oṣadhayas pári |  
10.097.17c yám jīvám aśnávāmahai ná sá riṣyāti pūruṣaḥ ||  
10.097.18a yá oṣadhīḥ sómarājñīr bahvīḥ śatávicakṣaṇāḥ |  
10.097.18c tāsām tvám asy uttamāram kāmāya sám hṛdé ||  
10.097.19a yá oṣadhīḥ sómarājñīr víṣṭhitāḥ pṛthivīm ánu |  
10.097.19c bṛhasnátinrasūtā asvaí sám datta vīrvām ||

10.097.20a mǎ vo riṣat khañitá yásmai cāhám khánāmi vaḥ |  
10.097.20c dvipác cátuṣpad asmākam sárvam astv anāturám ||  
10.097.21a yás cedám upaśrñvánti yás ca dūrám páragatāḥ |  
10.097.21c sárvāḥ saṃgátya vīrudho 'syai sám datta vīryam ||  
10.097.22a oṣadhayaḥ sám vadante sómena sahá rájñā |  
10.097.22c yásmai krñóti brāhmaṇás tám rájan párayāmasi ||  
10.097.23a tvám uttamāsy oṣadhe táva vṛkṣá úpastayaḥ |  
10.097.23c úpastir astu sò 'smākam yó asmāñ abhidásati ||

10.098.01a bṛhaspate práti me devátām ihi mitró vā yád váruṇo vási pūṣá |  
10.098.01c ādityaír vā yád vásubhir marútvāñ sá parjányam sámtnave vṛṣāya ||  
10.098.02a á devó dūtó ajiráś cikivāñ tvád devāpe abhí mām agachat |  
10.098.02c praticīnáḥ práti mām á vavṛtsva dádhāmi te dyumátīm vácam āsán ||  
10.098.03a asmé dhehi dyumátīm vácam āsán bṛhaspate anamīvām iṣirám |  
10.098.03c yáyā vṛṣṭīm sámtnave vánāva divó drapsó mádhumām á viveśa ||  
10.098.04a á no drapsá mádhumanto viśantv índra dehy ádhiratham sahásram |  
10.098.04c ní śīda hotráñ ṛtuthá yajasva devāñ devāpe havíṣā saparya ||  
10.098.05a āṛṣṭiṣeṇó hotráñ ṛṣir niśīdan devāpir devasumatīm cikivāñ |  
10.098.05c sá úttarasmād ádharam samudráñ apó divyá asṛjad varṣyā abhí ||  
10.098.06a asmín samudré ádhy úttarasminn āpo devébhir nívr̥tā atīṣṭhan |  
10.098.06c tá adravann āṛṣṭiṣeṇa sṛṣṭá devāpinā préṣitā mṛkṣínīṣu ||  
10.098.07a yád devāpiḥ sámtnave puróhito hotráya vṛtāḥ kṛpáyann ádīdhet |  
10.098.07c devasrútam vṛṣṭivānim ráraṇo bṛhaspátir vácam asmā ayachat ||  
10.098.08a yám tvā devāpiḥ śúsucāno agna āṛṣṭiṣeṇó manuṣyāḥ samīdhé |  
10.098.08c víśvebhir devaír anumadyāmānaḥ prá parjányam īrayā vṛṣṭimántam ||  
10.098.09a tvám pūrva ṛṣayo gīrbhir āyan tvám adhvaréṣu puruhūta víśve |  
10.098.09c sahásrāny ádhirathāny asmé á no yajñam rohidaśvópa yāhi ||  
10.098.10a etāny agne navatír náva tvé áhutāny ádhirathā sahásrā |  
10.098.10c tébhir vardhasva tanvāḥ sūra pūrvír divó no vṛṣṭim iṣitó rirīhi ||  
10.098.11a etāny agne navatīm sahásrā sám prá yacha vṛṣṇa índrāya bhāgām |  
10.098.11c vidvāñ pathá ṛtuśó devayānāñ ápy aulānām diví devéṣu dhehi ||  
10.098.12a ágne bādhasva ví mīdho ví durgáhápāmīvām ápa rákṣāmsi sedha |  
10.098.12c asmāt samudrād bṛható divó no 'pām bhūmánam úpa naḥ sṛjehá ||

10.099.01a kām naś citráñ iṣanyasi cikivāñ pṛthugmānam vāsram vāvṛdhādhyai |  
10.099.01c kát tásya dātu sávaso vyóṣṭau tákṣad vájram vṛtratúram ápinvat ||  
10.099.02a sá hí dyutá vidyútā véti sáma pṛthúm yónim asuratvá sasāda |  
10.099.02c sá sánílebbhiḥ prasahāno asya bhrátur ná ṛté saptáthasya māyāḥ ||  
10.099.03a sá vájam yátápaduṣpadā yán svāṛṣātā pári ṣadat saniṣyán |  
10.099.03c anarvá yác chatádurasya védo ghnāñ chiśnádevām abhí várpasā bhūt ||  
10.099.04a sá yahvyò 'vánīr góṣv árvā juhóti pradhanyāsu sásriḥ |  
10.099.04c apādo yátra yújyāso 'rathá droṇyāśvāsa írate ghṛtām vāḥ ||

10.099.05a sá rudrēbhir áśastavāra řbhvā hitvī gáyam āréavadya ágāt |  
 10.099.05c vamrásya manye mithunā vívavrī ánnam abhītyārodayan muṣāyán ||  
 10.099.06a sá íd dāsam tuvīrávam pátir dán ṣaḷakṣám triśírṣānam damanyat |  
 10.099.06c asyá tritó nv ójasā vřdhānó vipā varāhám áyoagrayā han ||  
 10.099.07a sá drúhvane mánuṣa ūrdhvasāná á sāviṣad arśasānáya śárum |  
 10.099.07c sá nítamo náhuṣo 'smát sújātaḥ púro 'bhinad árhan dasyuhátye ||  
 10.099.08a só abhríyo ná yávasa udanyán kṣáyāya gātúm vidán no asmé |  
 10.099.08c úpa yát sídad índum śáṙraiḥ śyenó 'yopāṣtir hanti dásyūn ||  
 10.099.09a sá vrādhataḥ śavasānébhir asya kútsāya śúṣṇam křpāne páradāt |  
 10.099.09c ayám kavím anayac chasyámānam átkam yó asya sánitotá nřṇám ||  
 10.099.10a ayám daśasyán náryebhir asya dasmó devébhir váruṇo ná māyī |  
 10.099.10c ayám kanína řtupā avedy ámimītáruṃ yás cátuṣpāt ||  
 10.099.11a asyá stómebhir auśijá řjísivā vrajám darayad vřṣabhéna píproḥ |  
 10.099.11c sútvā yád yajató didáyad gīḥ púra iyānó abhí várpasā bhūt ||  
 10.099.12a evā mahó asura vakṣáthāya vamrakāḥ paḍbhír úpa sarpad índram |  
 10.099.12c sá iyānáḥ karati svastím asmā íṣam ūrjam sukṣitím víśvam ábhāḥ ||

10.100.01a índra dr̥hya maghavan tvāvad íd bhujá ihá stutáḥ sutapā bodhi no vřdhé |  
 10.100.01c devébhir naḥ savitá právatu śrutám á sarvátātim áditim vřṇīmahe ||  
 10.100.02a bhārāya sú bhārata bhāgám řtvíyam prá vāyāve śucipé krandádiṣṭaye |  
 10.100.02c gaurásya yáḥ páyasah pītím ānaśá á sarvátātim áditim vřṇīmahe ||  
 10.100.03a á no deváḥ savitá sāviṣad váya řjūyaté yájamānáya sunvaté |  
 10.100.03c yáthā devān pratibhūṣema pākavád á sarvátātim áditim vřṇīmahe ||  
 10.100.04a índro asmé sumánā astu víśvāhā rájā sómah suvitásyādhy etu naḥ |  
 10.100.04c yáthā-yathā mitrádhitāni samdadhūr á sarvátātim áditim vřṇīmahe ||  
 10.100.05a índra ukthéna śávasā páruḥ dadhe břhaspate prataritásy áyuṣah |  
 10.100.05c yajñó mánuḥ prámatir naḥ pitá hí kam á sarvátātim áditim vřṇīmahe ||  
 10.100.06a índrasya nú súkřtam daívyam sāho 'gnír gřhé jaritá médhiraḥ kavíḥ |  
 10.100.06c yajñás ca bhūd vidáthe cārur ántama á sarvátātim áditim vřṇīmahe ||  
 10.100.07a ná vo gúhā cakřma bhūri duṣkřtám návíṣtyam vasavo devahélanam |  
 10.100.07c mákir no devā ánřtasya várpasa á sarvátātim áditim vřṇīmahe ||  
 10.100.08a ápāmivām savitá sāviṣan nyāg váriya íd ápa sedhantv ádrayah |  
 10.100.08c grāvā yátra madhuśúd ucyáte břhád á sarvátātim áditim vřṇīmahe ||  
 10.100.09a ūrdhvó grāvā vasavo 'stu sotári víśvā dvéṣāmsi sanutár yuyota |  
 10.100.09c sá no deváḥ savitá pāyúr ídya á sarvátātim áditim vřṇīmahe ||  
 10.100.10a ūrjam gāvo yávase pívo attana řtásya yáḥ sádane kóse aṅgdhvé |  
 10.100.10c tanūr evá tanvò astu bheṣajám á sarvátātim áditim vřṇīmahe ||  
 10.100.11a kratuprávā jaritá śásvatām áva índra íd bhadrá prámatih sutávatām |  
 10.100.11c pūrnam ūdhar divyám yásya siktáya á sarvátātim áditim vřṇīmahe ||  
 10.100.12a citrás te bhānúḥ kratuprá abhiṣṭih sánti spřdho jaraṇiprá ádhrṣṭāḥ |  
 10.100.12c rájiṣṭhayā rájya pašvá á gós tūtūrṣaty páry ágram duvasyúḥ ||

10.101.01a úd budhyadhvam sámanasah sakhāyah sám agním indhvam bahāvah sánílāḥ |

10.101.01c dadhikrām agnīm uśāsaṃ ca devīm índrāvato 'vase ní hvaye vaḥ ||  
 10.101.02a mandrá kṛṇudhvaṃ dhíya á tanudhvaṃ nāvam aritrapáranīm kṛṇudhvaṃ |  
 10.101.02c iṣkṛṇudhvaṃ áyudhāraṃ kṛṇudhvaṃ práñcam yajñám prá ṇayatā sakhāyaḥ ||  
 10.101.03a yunákta sīrā ví yugá tanudhvaṃ kṛté yónau vapatehá bījam |  
 10.101.03c girá ca śruṣṭíḥ sábhara ásan no nédīya ít sr̥ṇyaḥ pakvám éyāt ||  
 10.101.04a sīrā yuñjanti kaváyo yugá ví tanvate pṛthak |  
 10.101.04c dhīrā devēsu sumnayá ||  
 10.101.05a nír āhāvān kṛṇotana sám varatrā dadhātana |  
 10.101.05c siñcāmahā avatám udrīṇaṃ vayám suśékam ánupakṣitam ||  
 10.101.06a iṣkṛtāhavam avatám suvaratrām suśecanam |  
 10.101.06c udrīṇaṃ siñce ákṣitam ||  
 10.101.07a pṛñitāsvān hitám jayātha svastivāhaṃ rátham ít kṛṇudhvaṃ |  
 10.101.07c drōṇāhavam avatám ásmacakram áṃsatrakośaṃ siñcatā nṛpāṇam ||  
 10.101.08a vrajám kṛṇudhvaṃ sá hí vo nṛpāṇo várma sīvyadhvaṃ bahulá pṛthūni |  
 10.101.08c púraḥ kṛṇudhvaṃ áyasīr ádhr̥ṣṭā má vaḥ susroc camasó dṛṃhatā tám ||  
 10.101.09a á vo dhíyaṃ yajñíyāṃ varta útāye devā devīm yajatám yajñíyāṃ ihá |  
 10.101.09c sá no duhīyad yāvaseva gatví sahásradhārā páyasā mahí gaúḥ ||  
 10.101.10a á tú siñca hárim īṃ drór upásthe vāsībhis takṣatāśmanmáyībhiḥ |  
 10.101.10c pári ṣvajadhvaṃ dáśa kaksyābhir ubhé dhúrau práti váhniṃ yunakta ||  
 10.101.11a ubhé dhúrau váhnir āpībdamāno 'ntár yóneva carati dvijāniḥ |  
 10.101.11c vānaspátim vána ásthāpayadhvaṃ ní śú dadhidhvaṃ ákhananta útsam ||  
 10.101.12a kápr̥n naraḥ kapṛthám úd dadhātana codáyata khudáta vājasātaye |  
 10.101.12c niṣṭigryāḥ putráṃ á cyāvayotāya índraṃ sabādha ihá sómapītaye ||

10.102.01a prá te rátham mithūkṛtam índro 'vatu dhr̥ṣṇuyá |  
 10.102.01c asmínn ājaú puruhūta śravāyye dhanabhakṣésu no 'va ||  
 10.102.02a út sma vāto vahati vāso 'syā ádhiratham yád ájayat sahásram |  
 10.102.02c rathīr abhūn mudgalānī gáviṣṭau bhāre kṛtám vy àced indrasenā ||  
 10.102.03a antár yacha jíghāṃsato vājram indrabhidāsataḥ |  
 10.102.03c dāsasya vā maghavann áryasya vā sanutár yavayā vadhám ||  
 10.102.04a udnó hradám apibaj járhṣāṇaḥ kūtāṃ sma tṛṃhád abhímātīm eti |  
 10.102.04c prá muškābhāraḥ śráva ichámāno 'jirám bāhū abharat síṣāsan ||  
 10.102.05a ny àkrandayann upayánta enam ámechayan vṛṣabhám mádhya ājéḥ |  
 10.102.05c téna sūbhavaṃ śatávat sahásraṃ gávām múdgalah pradháne jigāya ||  
 10.102.06a kakárdave vṛṣabhó yuktá āsīd ávāvacīt sárathir asya keśī |  
 10.102.06c dúdher yuktásya drávataḥ sahānasa ṛchānti śmā niṣpádo mudgalānīm ||  
 10.102.07a utá pradhím úd ahann asya vidvān úpāyunag váṃsagam átra síkṣan |  
 10.102.07c índra úd āvat pátim ághnyānām áramhata pádyābhiḥ kakúdmān ||  
 10.102.08a śunám aṣṭrāvy àcarat kapardī varatrāyāṃ dārv ānāhyamānaḥ |  
 10.102.08c nṛmñāni kṛṇvān bahāve jánāya gāḥ paspaśānás táviṣīr adhatta ||  
 10.102.09a imám tám paśya vṛṣabhásya yuñjam káṣṭhāyā mádhya drughaṇám sáyānam |  
 10.102.09c yéna jigāya śatávat sahásraṃ gávām múdgalah pṛtanájyeṣu ||  
 10.102.10a āre aghā kó nv çthá dadarśa yám yuñjānti tám v á sthāpayanti |  
 10.102.10c nāsmai tṛṇam nádakám á bharenty úttara dhuṛó vahati pradédīyat ||

10.102.10c nasmai ūṣāṃi nodakam a bhāraṇy uttaro dūro varau pradecisat ||

10.102.11a parivṛktēva patividyaṃ ānaṭ pīpyānā kūcakreṇeva siñcān |

10.102.11c eṣaiṣyā cid rathyā jayema sumaṅgālam sīnavad astu sātām ||

10.102.12a tvām vīsvasya jāgataś cākṣur indrāsi cākṣuṣaḥ |

10.102.12c vīṣā yād ājīm vīṣaṇā sīśāsasi codāyan vādhrīṇā yujā ||

10.103.01a āśūḥ śīśāno vṛṣabhó ná bhīmó ghanāghanāḥ kṣóbhaṇaś carṣaṇīnām |

10.103.01c samkrāndano 'nimiṣá ekavīrāḥ śatām sénā ajayat sākām índraḥ ||

10.103.02a samkrāndanenānimiṣeṇa jiṣṇúnā yutkārēna duścyavanēna dhrṣṇúnā |

10.103.02c tát índreṇa jayata tát sahadhvaṃ yúdhō nara íśuhastena vīṣṇā ||

10.103.03a sá íśuhastaiḥ sá niṣaṅgībhīr vaśī sámśraṣṭā sá yúdhā índro gaṇēna |

10.103.03c samśraṣṭajít somapā bāhuśardhy ógrādhanvā prátihitābhīr ástā ||

10.103.04a bṛhaspate pári dīyā ráthena rakṣohāmítrāṃ apabādhamānaḥ |

10.103.04c prabhañján sénāḥ pramṛṇó yudhā jáyann asmākam edhy avitá ráthanām ||

10.103.05a balavijñāyá sthāviraḥ právīraḥ sáhasvān vājī sáhamāna ugrāḥ |

10.103.05c abhívīro abhísatvā sahojá jáitram indra rátham ā tiṣṭha govít ||

10.103.06a gotrabhídāṃ govídāṃ vájrabāhuṃ jáyantam ájma pramṛṇántam ójasā |

10.103.06c imám sajātā ánu vīrayadhvam índraṃ sakhāyo ánu sám rabhadhvam ||

10.103.07a abhí gotrāṇi sáhasā gāhamāno 'dayó vīrāḥ śatāmanyur índraḥ |

10.103.07c duścyavanāḥ pṛtanāśāḥ ayudhyò 'smākam sénā avatu prá yutsú ||

10.103.08a índra āsām netā bṛhaspátir dáksīṇā yajñāḥ purá etu sómaḥ |

10.103.08c devasenānām abhibhañjatīnām jáyantīnām marúto yantv ágram ||

10.103.09a índrasya vīṣṇo váruṇasya rájña ādityānām marútām śárdha ugrām |

10.103.09c mahāmanasām bhuvanacyavānām ghóṣo devānām jáyatām úd asthāt ||

10.103.10a úd dharṣaya maghavann āyudhāny út sátvanām māmakānām mánāṃsi |

10.103.10c úd vṛtrahan vājīnām vājīnāny úd ráthanām jáyatām yantu ghóṣāḥ ||

10.103.11a asmākam índraḥ sámṛteṣu dhvajésv asmākam yá íśavas tá jayantu |

10.103.11c asmākam vīrá úttare bhavantv asmāṃ u devā avatā háveṣu ||

10.103.12a amīṣām cittām pratilobháyantī grhāṇāṅgāny apve párehi |

10.103.12c abhí préhi nír daha hrtsú sókair andhénāmítrās támasā sacantām ||

10.103.13a pretā jáyatā nara índro vaḥ sárma yachatu |

10.103.13c ugrā vaḥ santu bāhavo 'nādhṛṣyā yáthāsatha ||

10.104.01a ásāvi sómaḥ puruhūta túbhyaṃ háribhyaṃ yajñām úpa yāhi túyam |

10.104.01c túbhyaṃ gíro vípravīrā iyānā dadhanvirá indra píba sutásya ||

10.104.02a apsú dhūtásya harivaḥ píbehá nīrbhiḥ sutásya jātháram pṛnasva |

10.104.02c mimikṣúr yám ádraya indra túbhyaṃ tébhir vardhasva mádam ukthavāhaḥ ||

10.104.03a prógrām pītīm vīṣṇa iyarmi satyām prayaí sutásya haryaśva túbhyam |

10.104.03c índra dhénābhīr ihá mādayasva dhībhír vīsvābhīḥ sácya grṇānāḥ |

10.104.04a ūtí śacīvas táva vīryeṇa váyo dádhanā usíja ṛtajñāḥ |

10.104.04c prajávad indra mánuṣo duroṇé tasthúr grṇántaḥ sadhamádyāsaḥ ||

10.104.05a práñtibhiḥ ṭe haryaśva suṣṭóḥ suṣumnásya pururúco jánāsaḥ |

10.104.05c māmhiṣṭhām ūtīm vitúre dádhanā stotāra indra táva sūnṛtābhīḥ ||

10.104.06a úpa bráhmāṇi harivo háribhyāṃ sómasya yāhi pītāye sutāsya |  
 10.104.06c índra tvā yajñāḥ kṣámamāṇam ānaḍ dāśvāṃ asy adhvarāsya praketaḥ ||  
 10.104.07a sahasravājam abhimātiśāhaṃ suteraṇam maghāvānaṃ suvṛktīm |  
 10.104.07c úpa bhūṣanti gíro ápratītam índraṃ namasyā jaritūḥ pananta ||  
 10.104.08a saptāpo devīḥ surāṇā ámr̥ktā yábhiḥ síndhum átara índra pūrbhít |  
 10.104.08c navatīm srotyā náva ca srāvantīr devébhyo gātúm mánuṣe ca vindaḥ ||  
 10.104.09a apó mahír abhísaster amuñcó 'jāgar āsv ádhi devá ékaḥ |  
 10.104.09c índra yās tvám vṛtratūrye cakártha tábhir viśvāyus tanvām pupuṣyāḥ ||  
 10.104.10a vīreṇyaḥ krátur índraḥ suśastír utápi dhénā puruhūtám itte |  
 10.104.10c árdadayad vṛtrám ákr̥ṇod ulokám sasāhé śakráḥ pṛtanā abhiṣṭīḥ ||  
 10.104.11a śunām huvema maghāvānaṃ índram asmín bhāre nṛtamaṃ vājasātau |  
 10.104.11c śṛṇvántam ugrám útāye samátsu ghnántam vṛtrāṇi saṃjítam dhánānām ||

10.105.01a kadá vaso stotrám háryata áva śmaśāru dhad vāḥ |  
 10.105.01c dīrghám sutám vātāpyāya ||  
 10.105.02a hārī yāsya suyújā vívratā vér árvantānu śépā |  
 10.105.02c ubhá rají ná keśínā pátir dán ||  
 10.105.03a ápa yór índraḥ pāpaja á máрто ná śásramāṇó bibhīvān |  
 10.105.03c śubhé yád yuyujé táviṣīvān ||  
 10.105.04a sácāyór índraś cárkṛṣa áṃ upānasāḥ saparyán |  
 10.105.04c nadáyor vívratayoḥ sūra índraḥ ||  
 10.105.05a ádhi yās tasthaú késavantā vyācasvantā ná puṣtyaí |  
 10.105.05c vanóti śíprābhyāṃ śíprīṇīvān ||  
 10.105.06a prástaud ṛṣvaújā ṛṣvėbhis tatakṣa sūraḥ śávasā |  
 10.105.06c ṛbhúr ná krátubhir mātarísvā ||  
 10.105.07a vājraṃ yās cakré suhánāya dásyave hirīmasó hirīmān |  
 10.105.07c árutahanur ádbhutam ná rájaḥ ||  
 10.105.08a áva no vṛjinā śísīthy ṛcā vanemānṛcaḥ |  
 10.105.08c nābrahmā yajñā řdhag jóṣati tvé ||  
 10.105.09a ūrdhvā yát te tretínī bhūd yajñāsya dhūrṣú sádman |  
 10.105.09c sajur návam sváyaśasaṃ sácāyóḥ ||  
 10.105.10a śriyé te pṛśnir upasécanī bhūc chriyé dárvir arepāḥ |  
 10.105.10c yáyā své pátre siñcása út ||  
 10.105.11a śatám vā yád asurya práti tvā sumitrá itthástaud durmitrá itthástaut |  
 10.105.11c ávo yád dasyuhátye kutsaputrám právo yád dasyuhátye kutsavatsám ||

10.106.01a ubhá u nūnām tád íd arthayethe ví tanvāthe dhíyo vástrāpáseva |  
 10.106.01c sadhr̥cīnā yátave prém ajīgaḥ sudíneva pṛkṣa á tamsayethe ||  
 10.106.02a uṣṭāreva phárvaṛṣu śrayethe prāyogéva śvātryā śásur éthaḥ |  
 10.106.02c dūtéva hí ṣṭhó yaśásā jáneṣu māpa sthātam mahiśėvāvapānāt ||  
 10.106.03a sākamyújā śakunásyeva pakṣá paśvéva citrá yájur á gamiṣtam |  
 10.106.03c agnír iva devayór dīdivāṃsā párijmāneva yajathaḥ purutrā ||  
 10.106.04a ānī vo asmé pitāreva putrógréva rucā nrdātīva turvaí |

10.106.04c íryeva puṣṭyaí kirāṇeva bhujyaí śruṣṭivāneva hávam á gamiṣtam ||  
 10.106.05a vámsageva pūṣaryā śimbātā mitréva ṛtā śatārā śātapanā |  
 10.106.05c vājevocā váyasā gharmyeṣṭhā méṣeveṣā saparyā pūrīṣā ||  
 10.106.06a sṛṇyeva jarbhārī turphārītū naitośeva turphārī parpharīkā |  
 10.106.06c udanyajéva jémanā maderū tā me jarāyv ajáram marāyu ||  
 10.106.07a pajréva cárcaram járam marāyu kṣádmevārtheṣu tartarītha ugrā |  
 10.106.07c ṛbhū nápat kharamajrá kharájrur vāyúr ná parpharat kṣayad rayiṇām ||  
 10.106.08a gharméva mádhu jathāre sanérū bhágevītā turphārī phārivāram |  
 10.106.08c pataréva cacará candránirṇiṇ mánarṅgā mananyā ná jágmī ||  
 10.106.09a bṛhānteva gambháreṣu pratiṣṭhām pádeva gādhām tárata vidāthaḥ |  
 10.106.09c kárṇeva śāsura ánu hí smārāthó ṁśeva no bhajataṃ citrām ápnah ||  
 10.106.10a āraṅgaréva mádhv érayethe sārāghéva gávi nīcīnabāre |  
 10.106.10c kīnāreva svédam āśiṣvidānā kṣāmevorjā sūyavasāt sacethe ||  
 10.106.11a ṛdhyāma stómaṃ sanuyāma vājam á no mántram saráthehópa yātam |  
 10.106.11c yáso ná pakvām mádhu góṣv antár á bhūtāṃso ásvīnoḥ kāmam aprāḥ ||

10.107.01a āvír abhūn máhi māghonam eṣāṃ vísvam jīvam támaso nír amoci |  
 10.107.01c máhi jyótiḥ pitṛbhir dattám āgād urúḥ pánthā dákṣiṇāyā adarśi ||  
 10.107.02a uccā diví dákṣiṇāvanto asthur yé ásvadāḥ sahá té sūryeṇa |  
 10.107.02c hiraṇyadá amṛtatvám bhajante vāsodāḥ soma prá tiranta áyuh ||  
 10.107.03a daívi pūrtír dákṣiṇā devayajyā ná kavārībhyo nahí té pṛṇānti |  
 10.107.03c áthā nárah práyatadákṣiṇāso 'vadyabhiyā bahávaḥ pṛṇanti ||  
 10.107.04a śatádharāṃ vāyúm arkām svarvídaṃ nṛcákṣasas té abhí cakṣate havíḥ |  
 10.107.04c yé pṛṇānti prá ca yāchanti saṃgamé té dákṣiṇāṃ duhate saptámātaram ||  
 10.107.05a dákṣiṇāvān prathamó hūta eti dákṣiṇāvān grāmaṇír ágram eti |  
 10.107.05c tám evá manye nṛpátim jánānām yáḥ prathamó dákṣiṇām āvivāya ||  
 10.107.06a tám evá řṣim tám u brahmāṇam āhur yajñanyāṃ sāmāgām ukthaśāsam |  
 10.107.06c sá śukrásyā tanvò veda tisoró yáḥ prathamó dákṣiṇāyā rarādha ||  
 10.107.07a dákṣiṇāśvam dákṣiṇā gām dadāti dákṣiṇā candrām utá yád dhíraṇyam |  
 10.107.07c dákṣiṇānnaṃ vanute yó na átmā dákṣiṇāṃ vārma kṛṇute vijānán ||  
 10.107.08a ná bhojá mamrur ná nyarthám iyur ná riṣyanti ná vyathante ha bhojáḥ |  
 10.107.08c idám yád vísvam bhúvanam svàs caitát sárvaṃ dákṣiṇaibhyo dadāti ||  
 10.107.09a bhojá jigyuḥ surabhím yónim ágre bhojá jigyur vadhvam yá suvāsāḥ |  
 10.107.09c bhojá jigyur antaḥpéyam sūrāyā bhojá jigyur yé áhūtāḥ prayānti ||  
 10.107.10a bhojáyāśvam sám mṛjanty áśúm bhojáyāste kanya à súmbhamānā |  
 10.107.10c bhojásyedám puṣkarīṇīva véśma páriṣkṛtaṃ devamānéva citrām ||  
 10.107.11a bhojám ásvāḥ suṣṭhuvāho vahanti suvṛd rátho vartate dákṣiṇāyāḥ |  
 10.107.11c bhojám devāso 'vatā bhāreṣu bhojáḥ śátrūn samaníkēṣu jéta ||

10.108.01a kím ichántī sarāmā prédám ānaḍ dūre hy ádhvā jáguriḥ parācaíḥ |  
 10.108.01c kāsméhitīḥ ká páritakmyāsīt kathám rasāyā atarah páyāṃsi ||  
 10.108.02a índrasya dūtír iṣitā carāmi mahá ichántī paṇayo nidhīn vaḥ |  
 10.108.02c atiskádo bhivásā tán na āvat táthā rasāvā ataram páyāṃsi ||

10.108.02c auṣkaduḥ ōmyasa tan na avat taṇa rasaya atarāni payañṣi ||  
 10.108.03a kīdr̥ññ indraḥ sarame ká dṛśikā yásyedám dūtír ásaraha parākát |  
 10.108.03c á ca gáchān mitráṃ enā dadhāmāthā gávāṃ gópatir no bhavāti ||  
 10.108.04a nāhám tám veda dábhyam dábhat sá yásyedám dūtír ásaram parākát |  
 10.108.04c ná tám gūhanti sraváto gabhírā hatā índreṇa paṇayaḥ śayadhve ||  
 10.108.05a imá gávaha sarame yá aíchaha pári divó ántān subhage pátantī |  
 10.108.05c kás ta enā áva sṛjād áyudhvy utásmākam áyudhā santi tigmá ||  
 10.108.06a asenyā vaḥ paṇayo vácāṃsy aniṣavyās tanvāḥ santu pāpīḥ |  
 10.108.06c ádhṛṣto va étavā astu pánthā bṛhaspátir va ubhayā ná mṛlāt ||  
 10.108.07a ayám nidhīḥ sarame ádribudhno góbhir áśvebhir vásubhir nyṛṣṭah |  
 10.108.07c rákṣanti tám paṇayo yé sugopá réku padám álakam á jagantha ||  
 10.108.08a éhá gamann ṛṣayah sómaśitā ayāsyo áṅgirasó návagvāḥ |  
 10.108.08c tá etám ūrvám ví bhajanta gónām áthaitád vácaḥ paṇayo vāmān ít ||  
 10.108.09a evá ca tvám sarama ājagántha prábādhitā sáhasā daívyena |  
 10.108.09c svásāram tvā kṛṇavai má púnar gā ápa te gávāṃ subhage bhajāma ||  
 10.108.10a nāhám veda bhrātṛtvám nó svasṛtvám índro vidur áṅgirasas ca ghoráh |  
 10.108.10c gókāmā me achadayan yád áyam ápāta ita paṇayo várīyah ||  
 10.108.11a dūrám ita paṇayo várīya úd gávo yantu minatír ṛténa |  
 10.108.11c bṛhaspátir yá ávandan nígūlhāḥ sómo grāvāṇa ṛṣayas ca víprāḥ ||

10.109.01a tè 'vadan prathamā brahmakilbiṣé 'kūpārah saliló mātariśvā |  
 10.109.01c vīlūharās tápa ugró mayobhūr ápo devīḥ prathamajā ṛténa ||  
 10.109.02a sómo rájā prathamó brahmajāyām púnah práyachad áhṛṇīyamānah |  
 10.109.02c anvartitā váruṇo mitrá āsīd agnír hótā hastagrīhyā nināya ||  
 10.109.03a hástenaivá grāhyā ādhír asyā brahmajāyéyām íti céd ávocan |  
 10.109.03c ná dūtāya prahyè tastha eṣā táthā rāṣṭrám gupitám kṣatríyasya ||  
 10.109.04a devā étāsýām avadanta pūrve saptarṣāyas tápase yé niṣedúḥ |  
 10.109.04c bhīmá jāyā brāhmaṇásyópanītā durdhám dadhāti paramé vyòman ||  
 10.109.05a brahmacārī carati véviṣad víṣah sá devānām bhavaty ékam áṅgam |  
 10.109.05c téna jāyām ánv avindad bṛhaspátīḥ sómena nītām juhvaṃ ná devāḥ ||  
 10.109.06a púnar vaí devā adaduḥ púnar manuṣyā utá |  
 10.109.06c rájānah satyám kṛṇvānā brahmajāyām púnar daduḥ ||  
 10.109.07a punardāya brahmajāyām kṛtvī devaír nikilbiśám |  
 10.109.07c ūrjam pṛthivyā bhaktvāyorugāyām úpāsate ||

10.110.01a sámiddho adyá mánuṣo duroṇé devó devān yajasi jātavedah |  
 10.110.01c á ca váha mitramahas cikivān tvám dūtāḥ kavír asi prácetāḥ ||  
 10.110.02a tánūnapāt pathá ṛtásya yānān mádhvā samañján svadayā sujihva |  
 10.110.02c mánmāni dhībhir utá yajñám ṛndhán devatrā ca kṛṇuhy adhvarám nah ||  
 10.110.03a ājúhvāna ídyo vándyaś cá yāhy agne vásubhiḥ sajósāḥ |  
 10.110.03c tvám devānām asi yahva hótā sá enān yakṣīṣitó yájīyān ||  
 10.110.04a prācīnam barhīḥ pradísā pṛthivyā vástor asyā vṛjyate ágre áhnām |  
 10.110.04c vy ó prathate vitarám várīyo devébhyo áditaye syonám ||

10.110.05a vyácasvatīr urviyá ví śrayantām pátibhyo ná jánayaḥ súmbhamānāḥ |  
 10.110.05c dévīr dvāro bṛhatīr vísvaminvā devébhyo bhavata supṛayaṇāḥ ||  
 10.110.06a ā suṣváyantī yajaté úpāke uśásānāktā sadatām ní yónau |  
 10.110.06c divyé yóṣaṇe bṛhatī surukmé ádhi śríyaṃ śukrapísaṃ dádhāne ||  
 10.110.07a daívyā hótārā prathamā suvácā mímānā yajñám mánuṣo yájadhyai |  
 10.110.07c pracodáyantā vidátheṣu kārú prācínam jyótiḥ pradísā disántā ||  
 10.110.08a ā no yajñám bhāratī túyam etv ílā manuṣvād ihá cetáyantī |  
 10.110.08c tísro devīr barhír édám syonám sárasvatī svápasah sadantu ||  
 10.110.09a yá imé dyāvāpṛthivī jánitṛī rūpaír ápiṃsad bhúvanāni vísvā |  
 10.110.09c tám adyá hotar íṣitó yájyān devám tváṣṭāram ihá yakṣi vidvān ||  
 10.110.10a upāvasṛja tmányā samañján devānām pátha ṛtuthá havímṣi |  
 10.110.10c vānaspátīḥ śamitá devó agníḥ svádantu havvyám mádhunā ghṛténa ||  
 10.110.11a sadyó jātó vy àmimīta yajñám agnír devānām abhavat purogāḥ |  
 10.110.11c asyá hótuh pradísy ṛtásya vácí svāhākṛtaṃ havír adantu devāḥ ||

10.111.01a mánīṣiṇaḥ prá bharadhvam manīśám yáthā-yathā matáyaḥ sánti nṛṇām |  
 10.111.01c índraṃ satyaír érayāmā kṛtébhiḥ sá hí víró girvaṇasyúvídānaḥ ||  
 10.111.02a ṛtásya hí sádaso dhītír ádyaut sám gārṣṭeyó vṛṣabhó góbhīr ānaḥ |  
 10.111.02c úd atīṣṭhat taviśéṇā ráveṇa mahánti cit sám vivyācā rájāṃsi ||  
 10.111.03a índraḥ kíla śrútyā asyá veda sá hí jiṣṇúḥ pathikṛt sūryāya |  
 10.111.03c ān ménām kṛṇvān ácyuto bhúvad góḥ pátir diváḥ sanajá ápratītaḥ ||  
 10.111.04a índro mahná maható arṇavásya vratāminād āngirobhir grṇānāḥ |  
 10.111.04c purūṇi cin ní tatānā rájāṃsi dádhāra yó dharúṇam satyátātā ||  
 10.111.05a índro diváḥ pratimānam pṛthivyá vísvā veda sávanā hánti súṣṇam |  
 10.111.05c mahím cid dyám átanot sūryeṇa cāskāmbha cit kāmhanena skābhīyān ||  
 10.111.06a vājreṇa hí vṛtrahá vṛtrám ástar ádevasya súśuvānasya māvāḥ |  
 10.111.06c ví dhrṣṇo átra dhrṣatá jaghantháthābhavo maghavan bāhvòjāḥ ||  
 10.111.07a sácanta yád uśasaḥ sūryeṇa citrām asya ketávo ráṃ avindan |  
 10.111.07c ā yán náksatraṃ dádrṣe divó ná púnar yató nákir addhá nú veda ||  
 10.111.08a dūrám kíla prathamá jagmur āsām índrasya yāḥ prasavé sasrúr āpaḥ |  
 10.111.08c kvà svid ágram kvà budhná āsām ápo mádhyaṃ kvà vo nūnám ántaḥ ||  
 10.111.09a srjáḥ síndhūṃr áhinā jagrasānām ād íd etāḥ prá vivijre javéna |  
 10.111.09c múmukṣamāṇā utá yá mumucré 'dhéd etá ná ramante nítiktāḥ ||  
 10.111.10a sadhrícīḥ síndhum uśatír ivāyan sanáj jará áritāḥ pūrbhíd āsām |  
 10.111.10c ástam ā te pāṛthivā vásūny asmé jagmuḥ sūnṛtā indra pūrvīḥ ||

10.112.01a índra píba pratikāmám sutásya pṛataḥsāvás táva hí pūrvápītiḥ |  
 10.112.01c hársasva hántave sūra sátrūn ukthébhiḥ te víryā prá bravāma ||  
 10.112.02a yás te rátho mánaso jávīyān éndra téna somapéyāya yāhi |  
 10.112.02c túyam ā te hárayaḥ prá dravantu yébhīr yási vṛṣabhir mándamānaḥ ||  
 10.112.03a háritvatā várcasā sūryasya śréṣṭhai rūpaís tanvām sparśayasva |  
 10.112.03c asmābhir indra sákhibhir huvānāḥ sadhrícīnó mādayasvā niśádyā ||  
 10.112.04a vásva tvát te mahimānam mádesv imé mahí ródasī nāviviktām |

10.112.04c tād óka ā hárībhir indra yuktañ priyēbhir yāhi priyām ánam ácha ||  
 10.112.05a yásya śásvat papivāñ indra śátrūn anānukṛtyā rányā cakártha |  
 10.112.05c sá te púramdhiṃ táviṣīm iyarti sá te mādāya sutá indra sómaḥ ||  
 10.112.06a idám te pátram sánavittam indra píba sómam enā śatakṛato |  
 10.112.06c pūrṇā āhāvó madirásya mádhvo yám vísva íd abhíhāryanti devāḥ ||  
 10.112.07a ví hí tvám indra purudhá jánāso hitáprayaso vṛṣabha hváyante |  
 10.112.07c asmākaṃ te mádhumattamānīmā bhuvan sávanā téṣu harya ||  
 10.112.08a prá ta indra pūrvyāñi prá nūnám víryā vocam prathamā kṛtāni |  
 10.112.08c satīnámanyur ásrathāyo ádriṃ suvedanáṃ akr̥nor bráhmaṇe gám ||  
 10.112.09a ní śú sída gaṇapate gaṇéṣu tvám āhur vípratamaṃ kavīnām |  
 10.112.09c ná rté tvát kriyate kíṃ canāré mahām arkám maghavañ citráṃ arca ||  
 10.112.10a abhikhyā no maghavan nādhamānān sákhe bodhí vasupate sákhīnām |  
 10.112.10c ráṇaṃ kṛdhi raṇakṛt satyaśuśmābhakte cid ā bhajā rāyē asmān ||

10.113.01a tám asya dyāvāprthiví śáchetasā víśvebhir devaír ánu śúśmam āvatām |  
 10.113.01c yád ait kṛṇvāno mahimānam indriyám pītví sómasya krátumāñ avaradhata ||  
 10.113.02a tám asya víṣṇur mahimānam ójasāmsúṃ dadhanvān mádhuno ví rapśate |  
 10.113.02c devēbhir índro maghāvā sayāvabhir vṛtrám jaghanvāñ abhavad váreṇyaḥ ||  
 10.113.03a vṛtrēṇa yád áhinā bíbhrad áyudhá samásthithā yudháye śámsam āvide |  
 10.113.03c víśve te átra marútaḥ sahā tmánāvardhann ugra mahimānam indriyám ||  
 10.113.04a jajñāná evá vy ābādhatta spṛdhaḥ prápaśyad víro abhí paúmsyaṃ ráṇam |  
 10.113.04c ávṛścad ádriṃ áva sasyádaḥ sṛjad ástabhnān nākam svapasyáyā prthúm ||  
 10.113.05a ád índraḥ satrá táviṣīr apatyata várīyo dyāvāprthiví abādhatta |  
 10.113.05c ávābharad dhr̥ṣitó vájram āyasám sévam mitráya váruṇāya dāsúṣe ||  
 10.113.06a índrasyātra táviṣībhyo virapśina rghāyató aramhayanta manyáve |  
 10.113.06c vṛtrám yád ugró vy ávṛścad ójasāpó bíbhṛtām támasā párvīvṛtam ||  
 10.113.07a yā víryāñi prathamāni kártvā mahitvébhir yátamānau samīyātuḥ |  
 10.113.07c dhvāntám támó 'va dadhvase hatá índro mahná pūrváhūtāv apatyata ||  
 10.113.08a víśve devāso ádha víṣṇyāni té 'vardhayan sómavatyā vacasyáyā |  
 10.113.08c raddhām vṛtrám áhim índrasya hánmanāgnír ná jámbhais tṛṣv ánam āvayat ||  
 10.113.09a bhūri dákṣebhir vacanébhir íkvabhiḥ sakhyébhiḥ sakhyāni prá vocata |  
 10.113.09c índro dhúnim ca cúmurim ca dambháyañ chraddhāmanasyā śṛṇute dabhítaye ||  
 10.113.10a tvám purūṇy ā bhara svásvyā yébhir mámsai nivácanāni śámsan |  
 10.113.10c sugēbhir vísvā duritā tarema vidó śú ṇa urviyā gādhām adyā ||

10.114.01a gharmā sámantā trivṛtam vy àpatus táyor júṣṭim mātariśvā jagāma |  
 10.114.01c divás páyo dídhīṣānā aveṣan vidúr devāḥ sahásāmānam arkám ||  
 10.114.02a tísro deṣtrāya nírtīr úpāsate dírghaśrúto ví hí jānānti váhnayaḥ |  
 10.114.02c tāsām ní cikyuḥ kaváyo nidānam páreṣu yā gúhyeṣu vratéṣu ||  
 10.114.03a cátuṣkapardā yuvatīḥ supéśā ghṛtápratīkā vayúnāni vaste |  
 10.114.03c tásyām suparṇā víṣaṇā ní ṣedatur yátra devā dadhiré bhāgadhéyam ||  
 10.114.04a ékaḥ suparṇāḥ sá samudrám ā viveśa sá idám vísvam bhúvanam ví caṣṭe |

10.114.04c tám pákena mánasāpaśyam ántitas tám mātá reḥi sá u reḥi mātáram ||  
 10.114.05a suparṇám víprāḥ kaváyo vácobhir ékaṃ sántam bahudhá kalpayanti |  
 10.114.05c chándāṃsi ca dádhato adhvaréṣu gráhān sómasya mimate dvādaśa ||  
 10.114.06a ṣaṭtriṃśāṃś ca catúraḥ kalpáyantaś chándāṃsi ca dádhata ādvādaśám |  
 10.114.06c yajñám vimāya kaváyo manīśa ṛksāmábhyām prá rátham vartayanti ||  
 10.114.07a cáturdaśānyé mahimāno asya tám dhīrā vácā prá ṇayanti saptá |  
 10.114.07c āpnānam tīrthám ká ihá prá vocad yéna pathá prapíbante sutásya ||  
 10.114.08a sahasradhá pañcadaśāny ukthá yāvad dyāvāpṛthivī távad ít tát |  
 10.114.08c sahasradhá mahimānaḥ sahasraṃ yāvad bráhma víṣṭhitam távatī vāk ||  
 10.114.09a kás chándasām yógam á veda dhīraḥ kó dhīṣṇyām práti vácam papāda |  
 10.114.09c kám ṛtvíjām aṣṭamám sūram āhur hárī índrasya ní cikāya káḥ svit ||  
 10.114.10a bhūmyā ántam páry éke caranti ráthasya dhūrśú yuktāso asthuḥ |  
 10.114.10c śrámasya dāyám ví bhajanty ebhyo yadā yamó bhávati harmyé hitāḥ ||

10.115.01a citrá íc chíśos táruṇasya vaksátho ná yó mātárāv apyéti dhátave |  
 10.115.01c anūdhá yádi jījanad ádhā ca nú vavákṣa sadyó máhi dūtyāṃ cāran ||  
 10.115.02a agnīr ha nāma dhāyi dánm apástamaḥ sám yó vánā yuváte bhásmanā datá |  
 10.115.02c abhipramúrā juhvā svadhvará inó ná próthamāno yāvase vīṣā ||  
 10.115.03a tám vo víṃ ná druśádam devám ándhasa índum próthantam pravápantam arṇavám |  
 10.115.03c āśá váhniṃ ná śocíśā virapśīnam máhivratam ná sarájantam ádhvanaḥ ||  
 10.115.04a ví yásya te jrayasānāśyājara dhákṣor ná vātāḥ pári sánty ácyutāḥ |  
 10.115.04c á raṇvāso yúyudhayo ná satvanām tritām naśanta prá śiśánta iṣṭāye ||  
 10.115.05a sá íd agnīḥ káṇvatamaḥ káṇvasakhāryāḥ párasyaántarasya táruṣaḥ |  
 10.115.05c agnīḥ pātu grṇató agnīḥ sūrīn agnīr dadātu téśām ávo naḥ ||  
 10.115.06a vājīntamāya sáhyase supitrya ṛṣú cyāvāno ánu jātávedase |  
 10.115.06c anudré cid yó dhrṣatá váram saté mahíntamāya dhánvanéd aviṣyaté ||  
 10.115.07a evāgnīr mártaiḥ sahá sūrībhir vásu ṣṭave sáhasaḥ sūnáro nṛbhiḥ |  
 10.115.07c mitrásō ná yé súdhitā ṛtāyávo dyávo ná dyumnaír abhí sánti mánuṣān ||  
 10.115.08a ūrjo napāt sahasāvann íti tvopastutásya vandate vīṣā vāk |  
 10.115.08c tvām stośāma tváyā suvīrā drāghīya áyuh pratarām dádhanāḥ ||  
 10.115.09a íti tvāgne vīṣṭihávyasya putrá upastutāsa ṛṣayo 'vocan |  
 10.115.09c támś ca páhi grṇatás ca sūrīn váśad váśaḥ íty ūrdhvāso anakṣan námo náma  
 íty ūrdhvāso anakṣan ||

10.116.01a píbā sómam mahatá indriyāya píbā vṛtrāya hántave śaviṣṭha |  
 10.116.01c píba rāyé śávase hūyāmānaḥ píba mádhvas ṛpád indrá vṛṣasva ||  
 10.116.02a asyá píba kṣumátaḥ prásthitasyéndra sómasya váram á sutásya |  
 10.116.02c svastidá mánasā mādayasvārvācīno reváte saúbhagāya ||  
 10.116.03a mamáttu tvā divyāḥ sóma indra mamáttu yāḥ sūyáte párthiveṣu |  
 10.116.03c mamáttu yéna várivaś cakártha mamáttu yéna niriṇási sátrūn ||  
 10.116.04a á dvibárhā aminó yātv índro vīṣā háribhyām páriṣiktam ándhaḥ |  
 10.116.04c gávy á sutásya prábhṛtasya mádhvaḥ satrá khédām aruśahá vṛṣasva ||  
 10.116.05a ní tigmani bhrāśāyan bhrāśāny áva sthirá tanuhi yātuḥjūnām |

10.116.05c ugrāya te sāho bālaṃ dadāmi prāṭīyā śātrūn vigadēṣu vṛśca ||  
 10.116.06a vy āryā indra tanuḥi śrāvāṃsy oja sthirēva dhānvano 'bhīmātīḥ |  
 10.116.06c asmadyāg vāvṛdhānāḥ sáhobhir ānibhr̥ṣtas tanvaṃ vāvṛdhasva ||  
 10.116.07a idāṃ havír maghavan túbhyaṃ rātām prāti samrāḥ āhr̥ṇāno gr̥bhāya |  
 10.116.07c túbhyaṃ sutó maghavan túbhyam pakvò 'ddhīndra pība ca prāsthitasya ||  
 10.116.08a addhīd indra prāsthitemā havīṃṣi cáno dadhiṣva pacatótá sómam |  
 10.116.08c prāyasvantaḥ prāti haryāmasi tvā satyāḥ santu yājamānasya kāmāḥ ||  
 10.116.09a prēndrāgnībhyāṃ suvacasyāṃ iyarmi síndhāv iva prērayaṃ nāvam arkaḥ |  
 10.116.09c āyā iva pári caranti devā yé asmābhyāṃ dhanadā udbhídaś ca ||

10.117.01a ná vā u devāḥ kṣúdham íd vadhāṃ dadur utāśitam úpa gachanti mṛtyávaḥ |  
 10.117.01c utó rayīḥ pṛṇató nópa dasyaty utāpṛṇan marḍitāraṃ ná vindate ||  
 10.117.02a yā ādhrāya cakamānāya pitvó 'nnavān sán raphitāyopajagmúṣe |  
 10.117.02c sthirám mánaḥ kṛṇuté sévate purótó cit sá marḍitāraṃ ná vindate ||  
 10.117.03a sá íd bhojó yó gr̥háve dādāty ánnakāmāya cárate kṛśāya |  
 10.117.03c áram asmai bhavati yāmahūtā utāparīṣu kṛṇute sákhāyam ||  
 10.117.04a ná sá sákhā yó ná dādāti sákhye sacābhúve sácamānāya pitvāḥ |  
 10.117.04c ápāsmāt préyān ná tát óko asti pṛṇāntam anyám áraṇaṃ cid ichet ||  
 10.117.05a pṛṇīyād ín nādhamānāya távyān drāghīyāṃsam ánu paśyeta pánthām |  
 10.117.05c ó hí vartante ráthyeva cakrānyām-anyam úpa tiṣṭhanta rāyaḥ ||  
 10.117.06a mógham ánnaṃ vindate ápracetāḥ satyám bravīmi vadhā ít sá tāsya |  
 10.117.06c nāryamānaṃ púsyati nó sákhāyam kévalāgho bhavati kevalādī ||  
 10.117.07a kṛśān ít phāla āśitam kṛṇoti yānn ádhvānam ápa vṛṅkte carītraiḥ |  
 10.117.07c vādan brahmāvadato vānīyān pṛṇān āpír āpṛṇantam abhí ṣyāt ||  
 10.117.08a ékapād bhūyo dvipádo ví cakrame dvipát tripádam abhy èti paścāt |  
 10.117.08c cátuṣpād eti dvipádām abhisvaré sampásyan pañktír upatīṣṭhamānaḥ ||  
 10.117.09a samaú cid dhástau ná samám viviṣṭaḥ sammātārā cin ná samám duhāte |  
 10.117.09c yamáyoś cin ná samā vīryāṇi jñāti cit sántau ná samám pṛṇītaḥ ||

10.118.01a ágne háṃsi ny àtrīnaṃ dídyan mártyeṣv á |  
 10.118.01c své kṣāye śucivrata ||  
 10.118.02a út tiṣṭhasi svāhuto ghr̥tāni prāti modase |  
 10.118.02c yāt tvā srúcaḥ samásthiran ||  
 10.118.03a sá āhuto ví rocate 'gnír īlényo girá |  
 10.118.03c srucá prátikam ajoyate ||  
 10.118.04a ghr̥tēnāgnīḥ sám ajoyate mádhupratīka āhutaḥ |  
 10.118.04c rócāmāno vibhāvasuḥ ||  
 10.118.05a járamānaḥ sám idhyase devébhyo havyvāhana |  
 10.118.05c tám tvā havanta mártyaḥ ||  
 10.118.06a tám martā ámartyaṃ ghr̥tēnāgnīm saparyata |  
 10.118.06c ádābhyāṃ gr̥hāpatim ||  
 10.118.07a ádābhyena śociśāgne rákṣas tvám daha |

10.118.07c gopā ṛtāsya dīdhi ||  
10.118.08a sá tvám agne prátikena práty oṣa yātudhānyāḥ |  
10.118.08c urukṣāyeṣu dīdyat ||  
10.118.09a tám tvā gīrbhír urukṣāyā havyvāhaṃ sám īdhire |  
10.118.09c yájiṣṭham mánuṣe jáne ||

10.119.01a íti vā íti me máno gām ásvaṃ sanuyām íti |  
10.119.01c kuvít sómasyāpām íti ||  
10.119.02a prá vātā iva dódhata ún mā pītā ayamsata |  
10.119.02c kuvít sómasyāpām íti ||  
10.119.03a ún mā pītā ayamsata rátham ásvā ivāśávaḥ |  
10.119.03c kuvít sómasyāpām íti ||  
10.119.04a úpa mā matír asthita vāsrā putráṃ iva priyám |  
10.119.04c kuvít sómasyāpām íti ||  
10.119.05a ahám táṣṭeva vandhúram páry acāmi hṛdā matím |  
10.119.05c kuvít sómasyāpām íti ||  
10.119.06a nahí me akṣipác canāchāntsuḥ páñca kṛṣṭáyaḥ |  
10.119.06c kuvít sómasyāpām íti ||  
10.119.07a nahí me ródasī ubhé anyám pakṣám caná práti |  
10.119.07c kuvít sómasyāpām íti ||  
10.119.08a abhí dyám mahiná bhuvam abhīmám pṛthivím mahím |  
10.119.08c kuvít sómasyāpām íti ||  
10.119.09a hántāhám pṛthivím imāṃ ní dadhānīhá vehá vā |  
10.119.09c kuvít sómasyāpām íti ||  
10.119.10a oṣám ít pṛthivím ahám jaṅghánānīhá vehá vā |  
10.119.10c kuvít sómasyāpām íti ||  
10.119.11a diví me anyāḥ pakṣò 'dhó anyám acīkṛṣam |  
10.119.11c kuvít sómasyāpām íti ||  
10.119.12a ahám asmi mahāmahò 'bhinabhyám údīṣitaḥ |  
10.119.12c kuvít sómasyāpām íti ||  
10.119.13a grhó yāmy áramkṛto devébhyo havyvāhanaḥ |  
10.119.13c kuvít sómasyāpām íti ||

10.120.01a tád id āsa bhúvaneṣu jyéṣṭham yáto jajñá ugrás tveṣánṛmṇaḥ |  
10.120.01c sadyó jajñānó ní riṇāti śátrūn ánu yám víśve mádanty ūmāḥ ||  
10.120.02a vāvrđhānāḥ śávasā bhúryojāḥ śátrur dāsāya bhiyásam dadhāti |  
10.120.02c ávyanac ca vyanác ca sásni sám te navanta prábhṛtā mádeṣu ||  
10.120.03a tvé krátum ápi vṛñjanti víśve dvír yád eté trír bhávanty ūmāḥ |  
10.120.03c svádóḥ svādīyaḥ svádúnā srjá sám adāḥ sú mádhu mádhunābhí yodhīḥ ||  
10.120.04a íti cid dhí tvā dhánā jáyantam máde-made anumádanti víprāḥ |  
10.120.04c ójīyo dhr̥ṣṇo sthirám ā tanuṣva má tvā dabhan yātudhānā durévāḥ ||  
10.120.05a tváyā vayám śásadmahe ráneṣu prapásyanto yudhényāni bhúri |  
10.120.05c codāvāmi ta ávudhā vácobhih sám te śísāmi bráhmaṇā vāvāmsi ||

10.120.06a stuṣṣēyam puruvárpasam řbhvam inátamam āptyám āptyānām |  
 10.120.06c ā darṣate śávasā saptá dánūn prá sākṣate pratimānāni bhūri ||  
 10.120.07a ní tād dadhiṣé 'varam páraṃ ca yásminn āvithāvasā duroṇé |  
 10.120.07c ā mātārā sthāpayase jigatnú áta inoṣi kárvarā purūni ||  
 10.120.08a imā bráhma brháddivo vivaktíndrāya sūśám agriyāḥ svarśāḥ |  
 10.120.08c mahó gotrásya kṣayati svarájo dúraś ca vísvā avṛṇod ápa svāḥ ||  
 10.120.09a evā mahān brháddivo átharvāvocat svām tanvām índram evá |  
 10.120.09c svásāro mātārībhvarīr aripṛā hinvānti ca śávasā vardhāyanti ca ||

10.121.01a hiranyagarbhāḥ sám avartatāgre bhūtásya jātāḥ pátir éka āsīt |  
 10.121.01c sá dādhāra pṛthivīm dyām utémām kásmai devāya havíṣā vidhema ||  
 10.121.02a yá ātmadá baladá yásya vísva upāsate praśíṣaṃ yásya devāḥ |  
 10.121.02c yásya chāyāmṛtaṃ yásya mṛtyuḥ kásmai devāya havíṣā vidhema ||  
 10.121.03a yāḥ pṛānató nimiṣató mahitvaika íd rájā jágato babhūva |  
 10.121.03c yá íṣe asyá dvipádaś cātuṣpadaḥ kásmai devāya havíṣā vidhema ||  
 10.121.04a yásyemé himávanto mahitvá yásya samudráṃ rasáyā sahāhúḥ |  
 10.121.04c yásyemāḥ pradíśo yásya bāhū kásmai devāya havíṣā vidhema ||  
 10.121.05a yéna dyaúr ugrá pṛthiví ca dṛḥhá yéna svà stabhitám yéna nákaḥ |  
 10.121.05c yó antárikṣe rájaso vimānaḥ kásmai devāya havíṣā vidhema ||  
 10.121.06a yām krāndasī ávasā tastabhāné abhy aikṣetām mánasā réjamāne |  
 10.121.06c yátrádhi sūra údito vibhāti kásmai devāya havíṣā vidhema ||  
 10.121.07a āpo ha yád brhatīr vísvam āyan gárbhaṃ dádhanā janáyantīr agním |  
 10.121.07c táto devānām sám avartatāsur ékaḥ kásmai devāya havíṣā vidhema ||  
 10.121.08a yás cid āpo mahinā paryápaśyad dáksaṃ dádhanā janáyantīr yajñám |  
 10.121.08c yó devéṣv ádhi devá éka āsīt kásmai devāya havíṣā vidhema ||  
 10.121.09a má no himṣtj janitá yāḥ pṛthivyá yó vā dívam satyádharma jājana |  
 10.121.09c yás cāpás candrá brhatīr jajāna kásmai devāya havíṣā vidhema ||  
 10.121.10a prájāpate ná tvád etāny anyó vísvā jātāni pári tá babhūva |  
 10.121.10c yátkāmās te juhumāś tán no astu vayām syāma pátayo rayīnām ||

10.122.01a vásuṃ ná citrámahasaṃ gṛñṣe vāmám sévam átithim adviṣeṇyám |  
 10.122.01c sá rāsate śurúdho vísvádhāyaso 'gnír hótā gṛhápatiḥ suvīryam ||  
 10.122.02a juṣāṇó agne práti harya me váco vísvāni vidván vayúnāni suktrato |  
 10.122.02c ghṛtanirṇig bráhmaṇe gātúm éraya táva devá ajanayann ánu vratám ||  
 10.122.03a saptá dhāmāni pariyānám amartyo dáśad dáśúse sukrte māmahasva |  
 10.122.03c suvīreṇa rayīṇagne svābhúvā yás ta ānaṭ samídha tám juṣasva ||  
 10.122.04a yajñásya ketúm prathamám puróhitam havíṣmanta īlate saptá vājīnam |  
 10.122.04c śṛṇvāntam agním ghṛtápṛṣṭham ukśāṇam pṛṇāntam devám pṛṇaté suvīryam ||  
 10.122.05a tvām dūtāḥ prathamó váreṇyaḥ sá hūyāmāno amṛtāya matsva |  
 10.122.05c tvām marjayan marúto dáśúšo gṛhé tvām stómebhir bhṛgavo ví rurucuḥ ||  
 10.122.06a íṣaṃ duhán sudúghām vísvádhāyasaṃ yajñapriye yájamānāya suktrato |  
 10.122.06c ágne ghṛtásnus trír ṛtāni dídyad vartīr yajñám pariyán sukratūyase ||  
 10.122.07a tvām íd asvā usáso vvóstisu dūtám kṛnvānā avaianta mánusāḥ |

10.122.07a tvām devā mahayāyyāya vāvṛdhur ājyam agne nimrjānto adhvaré ||  
10.122.07c tvām devā mahayāyyāya vāvṛdhur ājyam agne nimrjānto adhvaré ||  
10.122.08a ní tvā vāsīṣṭhā ahvanta vājīnaṃ grṇānto agne vidátheṣu vedhásah |  
10.122.08c rāyás poṣaṃ yājamāneṣu dhāraya yūyám pāta svastíbhiḥ sádā naḥ ||

10.123.01a ayám venás codayat pṛśnigarbhā jyótirjarāyū rájaso vimāne |  
10.123.01c imám apām saṃgamé sūryasya śísuṃ ná víprā matíbhī rihanti ||  
10.123.02a samudrād ūrmím úd iyarti venó nabhojāḥ pṛṣṭhám haryatásya darśi |  
10.123.02c ṛtásya sánāv ádhi viṣṭápi bhrát samānám yónim abhy ànūṣata vrāḥ ||  
10.123.03a samānám pūrvír abhí vāvaśānās tīṣṭhan vatsásya mātáraḥ sánīlāḥ |  
10.123.03c ṛtásya sánāv ádhi cakramāṇā rihānti mádhvo amṛtasya vāṇīḥ ||  
10.123.04a jānānto rūpám akṛpanta víprā mṛgásya ghóṣam mahiṣásya hí gmán |  
10.123.04c ṛténa yānto ádhi síndhum asthur vidád gandharvó amṛtāni nāma ||  
10.123.05a apsará jārám upasiṣmiyāṇā yóṣā bibharti paramé vyòman |  
10.123.05c cārat priyásya yóniṣu priyāḥ sán sídat pakṣé hiraṇyáye sá venāḥ ||  
10.123.06a nāke suparnám úpa yát pátantaṃ hṛdá vénanto abhy ácakṣata tvā |  
10.123.06c hiraṇyapakṣaṃ váruṇasya dūtám yamásya yónau śakunám bhuranyúm ||  
10.123.07a ūrdhvó gandharvó ádhi nāke asthāt pratyāñ citrá bíbhrad asyāyudhāni |  
10.123.07c vásāno átkam surabhím dṛśé kám svār ná nāma janata priyāni ||  
10.123.08a drapsáh samudrám abhí yáj jígāti páśyan gr̥dhrasya cákṣasā vídharman |  
10.123.08c bhānūḥ śukreṇa śociṣā cakānās tṛṭīye cakre rájasi priyāni ||

10.124.01a imám no agna úpa yajñám éhi páñcayāmam trivṛtaṃ saptátantum |  
10.124.01c áso havyvā́l utá naḥ purogá jyóg evá dīrghám táma áśayiṣṭhāḥ ||  
10.124.02a ádevād deváh pracátā gūhā yán prapásyamāno amṛtatvám emi |  
10.124.02c śívám yát sántam áśivo jáhāmi svāt sakhyád áraṇīm nābhim emi ||  
10.124.03a páśyann anyásyā átithim vayāyā ṛtásya dhāma ví mime purūṇi |  
10.124.03c śámsāmi pitré ásurāya sévam ayajñiyád yajñíyam bhāgám emi ||  
10.124.04a bahvíḥ sámā akaram antár asminn índram vṛṇānāḥ pitáraṃ jahāmi |  
10.124.04c agníḥ sómo váruṇas té cyavante paryāvārd rāṣṭraṃ tād avāmy āyán ||  
10.124.05a nīrmāyā u tyé ásurā abhūvan tvám ca mā varuṇa kāmāyāse |  
10.124.05c ṛténa rājann ánṛtaṃ viviñcán máma rāṣṭrásyádhipyam éhi ||  
10.124.06a idám svār idám íd āsa vāmám ayám prakāśá urv àntárikṣam |  
10.124.06c hánāva vṛtrám niréhi soma havīṣ tvā sántam havīṣā yajāma ||  
10.124.07a kavíḥ kavítvā diví rūpám áśajad áprabhūti váruṇo nír apāḥ sṛjat |  
10.124.07c kṣémaṃ kṛṇvānā jánayo ná síndhavas tá asya várṇam súcayo bharibhrati ||  
10.124.08a tá asya jyēṣṭham indriyám sacante tá īm á kṣeti svadhāyā mādantīḥ |  
10.124.08c tá īm víso ná rájānaṃ vṛṇānā bíbhatsúvo ápa vṛtrād atiṣṭhan ||  
10.124.09a bíbhatsūnám sayújam haṃsám āhur apám divyānām sakhyé cārantam |  
10.124.09c anuṣṭúbham ánu carcūryámāṇam índram ní cikyuḥ kaváyo manīṣā ||

10.125.01a ahám rudrébhir vásubhiś carāmy ahám ādityaír utá viśvādevaiḥ |

10.125.01c ahám mitráváruṇobhá bibharmy ahám indrāgnī ahám aśvínobhá ||  
 10.125.02a ahám sómam āhanásam bibharmy ahám tváṣṭāram utá pūṣānam bhágam |  
 10.125.02c ahám dadhāmi dráviṇam havīṣmate suprāvyè yájamānāya sunvaté ||  
 10.125.03a ahám rāṣṭrī samgāmanī vásūnām cikitúṣī prathamā yajñīyānām |  
 10.125.03c tám mā devā vy ādadhuḥ purutrā bhúristhātrām bhūry āvesāyantīm ||  
 10.125.04a máyā só ánnam atti yó vipásyati yáḥ práṇiti yá īm śrṇóty uktám |  
 10.125.04c amantávo mām tá úpa kṣiyanti śrudhí śruta śraddhivám te vadāmi ||  
 10.125.05a ahám evá svayám idám vadāmi júṣṭam devébhīr utá mānuṣebhiḥ |  
 10.125.05c yám kāmāye tám-tam ugrám kṛṇomi tám brahmāṇam tám ṛṣim tám sumedhām ||  
 10.125.06a ahám rudrāya dhánur ā tanomi brahmadvīṣe śárave hántavā u |  
 10.125.06c ahám jánāya samádam kṛṇomy ahám dyāvāpṛthivī ā viveśa ||  
 10.125.07a ahám suve pitāram asya mūrdhán máma yónir apsv àntāḥ samudré |  
 10.125.07c táto ví tiṣṭhe bhúvanānu vísvotāmūm dyām varṣmāṇópa sprṣāmi ||  
 10.125.08a ahám evá vāta iva prá vāmy ārabhamāṇā bhúvanāni vísvā |  
 10.125.08c paró divā pará enā pṛthivyaítávatī mahiná sám babhūva ||

10.126.01a ná tám āmho ná durityám dévāso aṣṭa mártiyam |  
 10.126.01c sajóśaso yám aryamā mitró náyanti váruṇo áti dvíṣaḥ ||  
 10.126.02a tát dhí vayám vṛṇīmáhe váruṇa mītrāryaman |  
 10.126.02c yénā nír āmhaso yūyám pāthá nethá ca mártiyam áti dvíṣaḥ ||  
 10.126.03a té nūnám no 'yám útāye váruṇo mitró aryamā |  
 10.126.03c náyīṣṭhā u no neṣāni pársīṣṭhā u naḥ parśāny áti dvíṣaḥ ||  
 10.126.04a yūyám vísvam pári pātha váruṇo mitró aryamā |  
 10.126.04c yuṣmákam śármaṇi priyé syāma suprañītayó 'ti dvíṣaḥ ||  
 10.126.05a ādityāso áti srídho váruṇo mitró aryamā |  
 10.126.05c ugrám marúdbhī rudrám huveméndram agnīm svastáyé 'ti dvíṣaḥ ||  
 10.126.06a nétāra ū śú ṇas tiró váruṇo mitró aryamā |  
 10.126.06c áti vísvāni durityá rājānaś carṣaṇīnām áti dvíṣaḥ ||  
 10.126.07a śunám asmábhyam útāye váruṇo mitró aryamā |  
 10.126.07c śárma yachantu saprátha ādityāso yád ímahe áti dvíṣaḥ ||  
 10.126.08a yáthā ha tyád vasavo gauryām cit padí ṣitām ámuñcatā yajatrāḥ |  
 10.126.08c evó ṣv àsmán muñcatā vy āmhaḥ prá tāry agne pratarām na āyuh ||

10.127.01a rátrī vy àkhyad āyatī purutrā devy àkṣábhiḥ |  
 10.127.01c vísvā ádhi śríyo 'dhita ||  
 10.127.02a órv àprā ámarthyā niváto devy ódvátah |  
 10.127.02c jyótiṣā bādhate támah ||  
 10.127.03a nír u svásāram askṛtośasam devy àyatī |  
 10.127.03c ápéd u hāsate támah ||  
 10.127.04a sā no adyá yásyā vayám ní te yāmannn ávikṣmahi |  
 10.127.04c vṛkṣé ná vasatīm váyah ||  
 10.127.05a ní grāmāso avikṣata ní padvánto ní pakṣīṇah |  
 10.127.05c ní śvenāśas cid arthínah ||

10.127.06a yāváyā vṛkyāṃ vṛkaṃ yāváyā stenám ūrmye |  
10.127.06c áthā naḥ sutārā bhava ||  
10.127.07a úpa mā pépíśat támaḥ kṛṣṇám vyāktam asthita |  
10.127.07c úṣa ṛṇéva yātaya ||  
10.127.08a úpa te gā ivākaraṃ vṛṇīṣvā duhitar divaḥ |  
10.127.08c rátri stómaṃ ná jigyúṣe ||

10.128.01a māmāgne várco vihavéṣv astu vayám tvéndhānās tanvām puṣema |  
10.128.01c máhyaṃ namantām pradísas cātasras tváyādhyakṣeṇa pṛtanā jayema ||  
10.128.02a máma devā vihavé santu sārva índravanto marúto víṣṇur agníḥ |  
10.128.02c māmāntárikṣam urúlokam astu máhyaṃ vātaḥ pavatām kāme asmín ||  
10.128.03a máyi devā dráviṇam ā yajantām máyy āśír astu máyi deváhūtiḥ |  
10.128.03c daívyā hótāro vanuṣanta púrvé 'riṣṭāḥ syāma tanvā suvírāḥ ||  
10.128.04a máhyaṃ yajantu máma yāni havýākūtiḥ satyā mánaso me astu |  
10.128.04c éno má ní gām katamác canāhām víṣve devāso ádhi vocatā naḥ ||  
10.128.05a dévīḥ ṣaḥ urvīr urú naḥ kṛṇota víṣve devāsa ihá vīrayadhvam |  
10.128.05c má hāsmahi prajāyā má tanūbhir má radhāma dviṣaté soma rājan ||  
10.128.06a ágne manyúm pratinudán páreṣām ádabdho gopāḥ pári páhi nas tvám |  
10.128.06c pratyāñco yantu nigútaḥ púnas tè 'maíṣām cittám prabúdhām ví neśat ||  
10.128.07a dhātā dhātṛṇām bhúvanasya yás pátir devám trātāram abhimātiṣāhām |  
10.128.07c imám yajñám aśvínobhá bṛhaspátir devāḥ pāntu yájamānaṃ nyarthāt ||  
10.128.08a uruvyácā no mahiṣāḥ sárma yaṃsad asmín háve puruhútāḥ purukṣúḥ |  
10.128.08c sá naḥ prajāyai haryaśva mṛḷayéndra má no rīriṣo má párā dāḥ ||  
10.128.09a yé naḥ sapátnā ápa té bhavantv indrágnībhyām áva bādhāmahe tán |  
10.128.09c vásavo rudrá ādityā uparispṛsam mográṃ céttāram adhirājám akran ||

10.129.01a nāśad āsīn nó sād āsīt tadānīm nāsīd rájo nó vyòṃ mā paró yát |  
10.129.01c kím āvarīvaḥ kúha kásya sárman āmbhaḥ kím āsīd gáhanaṃ gabhīrám ||  
10.129.02a ná mṛtyúr āsīd amṛtaṃ ná tárhi ná rátryā áhna āsīt praketaḥ |  
10.129.02c ānīd avátam svadháyā tát ékaṃ tásmād dhānyán ná parāḥ kím canāsa ||  
10.129.03a táma āsīt támasā gūḷhām ágre 'praketām salilám sárvam ā idám |  
10.129.03c tuchyénābhv ápihitam yád āsīt tápasas tán mahinájāyataikam ||  
10.129.04a kámas tát ágre sám avartatādhi mánaso rétaḥ prathamám yád āsīt |  
10.129.04c sató bándhum ásati nír avindan hṛdí pratíṣyā kaváyo manīṣā ||  
10.129.05a tiraścīno vítato raśmír eṣām adhāḥ svid āsī3d upári svid āsī3t |  
10.129.05c retodhá āsan mahimāna āsan svadhā avástāt práyatiḥ parástāt ||  
10.129.06a kó addhá veda ká ihá prá vocat kúta ájātā kúta iyám vísrṣṭiḥ |  
10.129.06c arvág devā asyá visárjanenāthā kó veda yáta ābabhúva ||  
10.129.07a iyám vísrṣṭir yáta ābabhúva yádi vā dadhé yádi vā ná |  
10.129.07c yó asyādhyakṣaḥ paramé vyòṃ man só aṅgá veda yádi vā ná veda ||

10.130.01a vó vaiñó víśvátas tántubhis tatá ékaśatam devakarmébhīr āvataḥ |

10.130.01c imé vayanti pitáro yá āyayúḥ prá vayāpa vayéty āsate taté ||  
 10.130.02a púmāṃ enaṃ tanuta út kṛṇatti púmān ví tatne ádhi náke asmín |  
 10.130.02c imé mayúkhā úpa sedur ū sádaḥ sāmāni cakrus tásarāny ótave ||  
 10.130.03a kāsīt pramá pratimá kím nidānam ājyaṃ kím āsīt paridhíḥ ká āsīt |  
 10.130.03c chāndaḥ kím āsīt práūgaṃ kím ukthám yád devá devám áyajanta víśve ||  
 10.130.04a agnér gāyatry ābhavat sayúgvoṣṇíhayā savitá sám babhūva |  
 10.130.04c anuṣṭúbhā sóma uktháir máhasvān bṛhaspáter bṛhatí vācam āvat ||  
 10.130.05a virāṇṇ mitrávaruṇayor abhiśrír índrasya triṣṭúb ihá bhāgó áhnaḥ |  
 10.130.05c víśvān devāñ jágaty á viveśa téna cākṠpra řsayo manuṣyāḥ ||  
 10.130.06a cākṠpré téna řsayo manuṣyā yajñé játé pitáro naḥ purāné |  
 10.130.06c páśyan manye mánasā cākṣasā tán yá imám yajñám áyajanta pūrve ||  
 10.130.07a sahástomāḥ saháchandasa āvṛtaḥ sahápramā řsayah saptá daívyāḥ |  
 10.130.07c pūrveṣām pánthām anudíśya dhírā anválebhire rathyò ná raśmín ||

10.131.01a ápa práca indra víśvām̃ amítṛān ápápāco abhibhūte nudasva |  
 10.131.01c ápódīco ápa sūrādharaća uraú yáthā táva śárman mádema ||  
 10.131.02a kuvíd aṅgá yávamanto yávaṃ cid yáthā dānty anupūrvám viyúya |  
 10.131.02c ihéhaiṣāṃ kṛṇuhi bhójanāni yé barhíṣo námovṛktim ná jagmúḥ ||  
 10.131.03a nahí sthúry ṛtuthá yátám ásti nóta śrávo vivide saṃgaméṣu |  
 10.131.03c gavyánta índraṃ sakhyāya víprā aśvāyánto vṛṣaṇaṃ vājáyantaḥ ||  
 10.131.04a yuvám surámam aśvinā námucāv āsuré sácā |  
 10.131.04c vipipānā śubhas patí índraṃ kármasv āvatam ||  
 10.131.05a putráṃ iva pitárāv aśvínobhéndrāváthuḥ kávyair daṃsánābhiḥ |  
 10.131.05c yát surámam vy ápibaḥ śácībhiḥ sárasvatí tvā maghavann abhiṣṇak ||  
 10.131.06a índraḥ sutráṃ svávām̃ ávobhiḥ sumṛṭikó bhavatu víśvávedāḥ |  
 10.131.06c bádhataṃ dvéṣo ábhayaṃ kṛṇotu suvṛyasya pátayaḥ syāma ||  
 10.131.07a tásya vayám sumataú yajñíyasyápi bhadré saumanasé syāma |  
 10.131.07c sá sutráṃ svávām̃ índro asmé ārac cid dvéṣaḥ sanutár yuyotu ||

10.132.01a ījánám íd dyaúr gūrtávasur ījánám bhūmir abhí prabhūśāni |  
 10.132.01c ījánám devāv aśvínāv abhí sumnaír avardhatām ||  
 10.132.02a tá vām mitrávaruṇā dhārayátkṣití suṣumnéṣitatvátā yajāmasi |  
 10.132.02c yuvóḥ krāñāya sakhyaír abhí śyāma rakśasaḥ ||  
 10.132.03a ádhā cin nú yád dídhīśāmahe vām abhí priyám rékṇaḥ pátyamānāḥ |  
 10.132.03c dadvām̃ vā yát púśyati rékṇaḥ sám v āran nákir asya maghāni ||  
 10.132.04a asāv anyó asura sūyata dyaús tvám víśveṣām varuṇāsi rájā |  
 10.132.04c mūrdhá ráthasya cākan náitāvataínasāntakadhrúk ||  
 10.132.05a asmín sv étac chákapūta éno hité mitré nígatān hanti vīrān |  
 10.132.05c avór vā yád dhát tanúsv ávaḥ priyāsu yajñíyāsv árvā ||  
 10.132.06a yuvór hí mātáditir vicetasā dyaúr ná bhūmiḥ páyasā pupūtāni |  
 10.132.06c áva priyá didiṣṭana sūro ninikta raśmíbhiḥ ||  
 10.132.07a yuvám hy āpnarājāv ásīdatam̃ tíṣṭhad rátham ná dhūrśadam vanarśadam |

10.132.07c tá naḥ kaṇūkayántīr nṛmédhas tatre áṃhasaḥ sumédhas tatre áṃhasaḥ ||

10.133.01a pró śv àsmai purorathám índrāya śūṣām arcata |

10.133.01c abhīke cid ulokakṛt saṃgé samátsu vṛtrahāsmākam bodhi coditā nábhantām  
anyakéṣām jyākā ádhi dhánvasu ||

10.133.02a tvám síndhūṃr ávāsṛjo 'dharāco áhann áhim |

10.133.02c ásatrúr indra jajñiṣe víśvam puṣyasi vāryam tám tvā pári śvajāmahe  
nábhantām anyakéṣām jyākā ádhi dhánvasu ||

10.133.03a ví śú víśvā árātayo 'ryó naśanta no dhíyaḥ |

10.133.03c ástāsi śátrave vadhám yó na indra jíghāmsati yá te rātír dadír vásu  
nábhantām anyakéṣām jyākā ádhi dhánvasu ||

10.133.04a yó na indrábhíto jáno vṛkáyúr ádídeśati |

10.133.04c adhaspadám tám im kṛdhi vibádhó asi sāsahír nábhantām anyakéṣām jyākā  
ádhi dhánvasu ||

10.133.05a yó na indrábhídásati sánābhir yás ca níṣtyaḥ |

10.133.05c áva tásya bálam tira mahíva dyaúr ádha tmánā nábhantām anyakéṣām jyākā  
ádhi dhánvasu ||

10.133.06a vayám indra tvāyávaḥ sakhitvám ā rabhāmahe |

10.133.06c ṛtásya naḥ pathā nayāti víśvāni duritā nábhantām anyakéṣām jyākā ádhi  
dhánvasu ||

10.133.07a asmábhyaṃ sū tvám indra tám śikṣa yá dóhate práti váraṃ jaritré |

10.133.07c áchidrodhnī pīpáyad yáthā naḥ sahasradhārā páyasā mahí gauḥ ||

10.134.01a ubhé yád indra ródasī āpapráthoṣā iva |

10.134.01c mahántam tvā mahínām samrājāṃ carṣaṇīnām deví jánity ajījanad bhadrá  
jānity ajījanat ||

10.134.02a áva sma durhaṇāyató mártasya tanuhi sthirám |

10.134.02c adhaspadám tám im kṛdhi yó asmāñ ádídeśati deví jánity ajījanad bhadrá  
jānity ajījanat ||

10.134.03a áva tyā bṛhatír iṣo víśváscandrā amitrahan |

10.134.03c śácībhiḥ śakra dhūnuhíndra víśvābhir ūtībhir deví jánity ajījanad  
bhadrá jánity ajījanat ||

10.134.04a áva yát tvám śatakratav indra víśvāni dhūnuṣé |

10.134.04c rayím ná sunvaté sácā sahasríñbhir ūtībhir deví jánity ajījanad bhadrá  
jānity ajījanat ||

10.134.05a áva svédā ivābhíto víśvak patantu didyávaḥ |

10.134.05c dúrvāyā iva tántavo vy àsmád etu durmatír deví jánity ajījanad bhadrá  
jānity ajījanat ||

10.134.06a dīrghám hy ànkuśám yathā śáktim bíbharsī mantumaḥ |

10.134.06c pūrveṇa maghavan padájó vayám yáthā yamo deví jánity ajījanad bhadrá  
jānity ajījanat ||

10.134.07a nákir devā minīmasi nákir ā yopayāmasi mantrasrútyaṃ carāmasi |

10.134.07c pakṣébhir apikakṣébhir átrābhí sám rabhāmahe ||

10.135.01a yásmin vṛkṣé supalásé devaíḥ sampíbate yamáḥ |  
 10.135.01c átrā no viśpátīḥ pitá purāṇāṁ ánu venati ||  
 10.135.02a purāṇāṁ anuvénantam cárantam pāpáyāmuyá |  
 10.135.02c asūyānn abhy àcākaśam tásmā asprḥayam púnaḥ ||  
 10.135.03a yám kumāra návaṃ rátham acakráṃ mánasākṛṇoḥ |  
 10.135.03c ékeṣam viśvátaḥ práñcam ápaśyann ádhi tiṣṭhasi ||  
 10.135.04a yám kumāra právartayo rátham víprebhyas pári |  
 10.135.04c tám sāmānu právartata sám itó nāvy áhitam ||  
 10.135.05a káḥ kumārām ajanayad rátham kó nír avartayat |  
 10.135.05c káḥ svit tád adyá no brūyād anudéyī yáthābhavat ||  
 10.135.06a yáthābhavad anudéyī táto ágram ajāyata |  
 10.135.06c purástād budhná átataḥ paścān niráyaṇam kṛtām ||  
 10.135.07a idám yamáśya sádanam devamānām yád ucyáte |  
 10.135.07c iyám asya dhamyate nāír ayám gīrbhīḥ páriṣkṛtaḥ ||

10.136.01a keśy àgnīm keśí viśám keśí bibharti ródasī |  
 10.136.01c keśí víśvam svàr dṛśé keśídám jyótir ucyate ||  
 10.136.02a múnyayo vátaraśanāḥ piśāngā vasate málā |  
 10.136.02c vátasyānu dhrájiṃ yanti yád deváso ávikṣata ||  
 10.136.03a únmaditā maúneyena vátāṁ á tastimā vayám |  
 10.136.03c śárīréd asmākaṃ yūyám mártāso abhí paśyatha ||  
 10.136.04a antárikṣeṇa patati víśvā rūpāvacākaśat |  
 10.136.04c múnir devásya-devasya saúkṛtyāya sákhā hitáḥ ||  
 10.136.05a vátasyāśvo vāyóḥ sákhātho devéśito múniḥ |  
 10.136.05c ubhaú samudrāv á kṣeti yás ca pūrva utāparaḥ ||  
 10.136.06a apsarásam gandharvāṇām mrgāṇām cáraṇe cáran |  
 10.136.06c keśí kétasya vidván sákhā svádúr madíntamaḥ ||  
 10.136.07a vāyúr asmā úpāmanthat pináṣṭi smā kunannamā |  
 10.136.07c keśí viśásya pátreṇa yád rudréñāpibat sahá ||

10.137.01a utá devā ávahitam dévā ún nayathā púnaḥ |  
 10.137.01c utágaś cakrúṣam devā dévā jīváyathā púnaḥ ||  
 10.137.02a dvāv imau vātau vāta á síndhor á parāvataḥ |  
 10.137.02c dáḥṣam te anyá á vātu párānyó vātu yád rápaḥ ||  
 10.137.03a á vāta vāhi bheśajám ví vāta vāhi yád rápaḥ |  
 10.137.03c tvám hí viśvábheśajo devānām dūtá íyase ||  
 10.137.04a á tvāgamam sámātātibhir átho ariṣtātātibhiḥ |  
 10.137.04c dáḥṣam te bhadrám ábhārṣam párā yáḥṣmam suvāmi te ||  
 10.137.05a trāyantām ihá devās trāyatām marútām gaṇáḥ |  
 10.137.05c trāyantām víśvā bhūtāni yáthāyám arapá ásat ||  
 10.137.06a áda id vá u bhesaiír ápo amīvacātāniḥ |

10.137.06c āpaḥ sārvasya bheṣajīś tās te kṛṇvantu bheṣajām ||  
10.137.07a hāstābhyāṃ dāśasākḥābhyāṃ jihvā vācāḥ purogavī |  
10.137.07c anāmayitnūbhyāṃ tvā tābhyāṃ tvōpa sprśāmasi ||

10.138.01a tāva tyā indra sakhyēṣu vāhnaya ṛtām manvānā vy àdardirur valām |  
10.138.01c yātrā daśasyānn uṣāso riṇānn apāḥ kútsāya mánmann ahyās ca daṃsāyaḥ ||  
10.138.02a ávāsṛjaḥ prasvāḥ śvañcāyo girīn úd āja usṛā āpibo mádhu priyām |  
10.138.02c ávardhayo vanīno asya dáṃsasā śusóca sūrya ṛtājātayā girā ||  
10.138.03a ví sūryo mádhye amucad rátham divó vidád dāsāya pratimānam áryaḥ |  
10.138.03c dṛḷhāni pípror ásurasya māyīna índro vy àsyac cakṛvāṃ ṛjísvanā ||  
10.138.04a ánādhrṣṭāni dhrṣitó vy àsyan nidhīm̐r ádevāṃ amṛṇad ayāsyāḥ |  
10.138.04c māséva sūryo vásu púryam á dade gṛṇānāḥ sátrūm̐r aśṛṇad virúkmatā ||  
10.138.05a áyuddhaseno vibhvā vibhindatā dāsad vṛtrahā tújyāni tejate |  
10.138.05c índrasya vājṛad abibhed abhiśnáthaḥ prákrāmac chundhyūr ájahād uṣā ánaḥ ||  
10.138.06a etā tyā te śrútyāni kévalā yád éka ékam ákṛṇor ayajñām |  
10.138.06c māsām vidhānam adadhā ádhi dyāvi tvāyā víbhinnam bharati pradhím pitā ||

10.139.01a sūryaraśmir hárikeśaḥ purástāt savitā jyótir úd ayāṃ ájasram |  
10.139.01c tāsya pūṣā prasavé yāti vidvān sampáśyan vísvā bhúvanāni gopāḥ ||  
10.139.02a nṛcákṣā eśā divó mádhya āsta āpaprivān ródasī antárikṣam |  
10.139.02c sá víśvácīr abhí caṣṭe ghṛtácīr antarā pūrvam áparam ca ketúm ||  
10.139.03a rāyó budhnāḥ saṃgámano vásūnām vísvā rūpābhī caṣṭe sácībhiḥ |  
10.139.03c devá iva savitā satyádharméndro ná tasthau samaré dhánānām ||  
10.139.04a víśvāvasuṃ soma gandharvām āpo dadṛśúsīś tād ṛtēnā vy àyan |  
10.139.04c tād anvávoid índro rārahānā āsām pári sūryasya paridhīm̐r apaśyat ||  
10.139.05a víśvāvasur abhí tán no gṛṇātu divyó gandharvó rájaso vimānaḥ |  
10.139.05c yád vā ghā satyám utá yán ná vidmá dhíyo hinvāno dhíya ín no avyāḥ ||  
10.139.06a sásnim avindac cáraṇe nadīnām ápāvṛṇod dúro ásmavrajānām |  
10.139.06c práśam gandharvó amṛtāni vocad índro dáksam pári jānād ahīnām ||

10.140.01a ágne tāva śrávo váyo máhi bhrājante arcāyo vibhāvaso |  
10.140.01c bṛhadbhāno śávasā vājam ukthyāṃ dádḥāsi dāsúṣe kave ||  
10.140.02a pāvakávarcāḥ súkrávarcā ánūnavarcā úd iyarṣi bhānúnā |  
10.140.02c putró mātārā vicárann úpāvasi pṛṇákṣi ródasī ubhé ||  
10.140.03a ūrjo napāj jātavedaḥ suśastībhir mándasva dhītībhir hitāḥ |  
10.140.03c tvé íṣaḥ sám dadhur bhūrivarpasaś citrótayo vāmájātāḥ ||  
10.140.04a irajyānn agne prathayasva jantūbhir asmé ráyo amartya |  
10.140.04c sá darśatāsya vápuṣo ví rājasi pṛṇákṣi sānasīm krátum ||  
10.140.05a iṣkartāram adhvarāsya prácetasam kṣáyantam rádhaso mahāḥ |  
10.140.05c rātīm vāmāsya subhágām mahīm íṣam dádḥāsi sānasīm rayím ||  
10.140.06a ṛtāvānam mahiśam víśvadarśatam agním sumnāya dadhire puró jānāḥ |

10.140.06c śrútkarṇaṃ sapráthastamaṃ tvā girá daívyam mānuṣā yugá ||

10.141.01a ágne áchā vadehá naḥ pratyán naḥ sumánā bhava |  
10.141.01c prá no yacha víśas pate dhanadā asi nas tvám ||  
10.141.02a prá no yachatv aryamā prá bhágaḥ prá bṛhaspátih |  
10.141.02c prá devāḥ prótā sūnṛtā rāyó deví dadātu naḥ ||  
10.141.03a sómaṃ rājānam ávase 'gním gīrbhír havāmahe |  
10.141.03c ādityān víṣṇuṃ sūryam brahmāṇaṃ ca bṛhaspátim ||  
10.141.04a indravāyú bṛhaspátim suhávehá havāmahe |  
10.141.04c yáthā naḥ sárva íj jánaḥ sámgyatāṃ sumánā ásat ||  
10.141.05a aryamáṇam bṛhaspátim índraṃ dānāya codaya |  
10.141.05c vātāṃ víṣṇuṃ sárasvatīm savitāraṃ ca vājīnam ||  
10.141.06a tvám no agne agnībhir bráhma yajñāṃ ca vardhaya |  
10.141.06c tvám no devátātaye rāyó dānāya codaya ||

10.142.01a ayám agne jaritá tvé abhūd ápi sáhasaḥ sūno nahy ànyád ásty āpyam |  
10.142.01c bhadraṃ hí sárma trivárūtham ásti ta āré híṃsānām ápa didyúm á kṛdhi ||  
10.142.02a pravát te agne jánimā pitūyatáḥ sácíva víśvā bhúvanā ny ṛñjase |  
10.142.02c prá sáptayaḥ prá saniṣanta no dhíyaḥ purás caranti paśupá iva tmánā ||  
10.142.03a utá vā u pári vṛṇakṣi bápsad bahór agna úlapasya svadhávaḥ |  
10.142.03c utá khilyā urvárāṇām bhavanti má te hetím táviṣim cukrudhāma ||  
10.142.04a yád udvátó nivátó yási bápsat pṛthag eṣi pragardhínīva sēnā |  
10.142.04c yadā te vāto anuvāti śócír vápteva śmáśru vapasi prá bhúma ||  
10.142.05a práty asya śrēṇayo dadṛśra ékaṃ niyānam bahávo ráthāsaḥ |  
10.142.05c bāhú yád agne anumármrjāno nyāññ uttānām anvéṣi bhúmim ||  
10.142.06a út te súśmā jihatām út te arcír út te agne śásamānāsya vājāḥ |  
10.142.06c úc chvañcasva ní nama várdhamāna á tvādyá víśve vásavaḥ sadantu ||  
10.142.07a apām idám nyáyanam samudrásya nivésanam |  
10.142.07c anyám kṛṇuṣvetáḥ pántham téna yāhi vásāññ ánu ||  
10.142.08a áyane te parāyaṇe dūrvā rohantu puṣpínih |  
10.142.08c hradās ca puṇḍárīkāṇi samudrásya gṛhá imé ||

10.143.01a tyám cid átrim ṛtajúram ártham áśvaṃ ná yátave |  
10.143.01c kaksīvantam yádī púnā rátham ná kṛṇuthó návam ||  
10.143.02a tyám cid áśvaṃ ná vājīnam areṇávo yám átnata |  
10.143.02c dṛḷhám granthím ná ví syatam átrim yáviṣtham á rájaḥ ||  
10.143.03a nārā dámsiṣthāv átraye súbhṛā síśāsataṃ dhíyaḥ |  
10.143.03c áthā hí vām divó narā púna stómo ná víśáse ||  
10.143.04a cité tád vām surādhasā rātih sumatír áśvinā |  
10.143.04c á yán naḥ sádane pṛthau sámame pársatho narā ||  
10.143.05a yuvám bhujyúm samudrá á rájasaḥ párá ĩnkhitám |  
10.143.05c vātām áchā patatrībhir násatyā sātáye krtam ||

10.143.06a á vāṃ sumnāḥ śamyū iva māmhiṣṭhā vísvavedasā |  
10.143.06c sám asmé bhūṣataṃ narótsaṃ ná pipyúṣīr íṣaḥ ||

10.144.01a ayám hí te ámartya índur átyo ná pátyate |  
10.144.01c dákṣo vísváyur vedháse ||  
10.144.02a ayám asmásu kāvya ṛbhúr vājro dāsvate |  
10.144.02c ayám bibharty ūrdhvákṛṣanam mádam ṛbhúr ná kṛtvyam mádam ||  
10.144.03a ghṛṣuḥ śyenāya kṛtvana āsú svāsu vāṃsagaḥ |  
10.144.03c áva dīdhed ahīśúvaḥ ||  
10.144.04a yám suparṇāḥ parāvataḥ śyenāsya putrá ābharat |  
10.144.04c śatácakraṃ yò 'hyò vartanīḥ ||  
10.144.05a yám te śyenás cārum avṛkám padābharad aruṇám mānám ándhasaḥ |  
10.144.05c enā váyo ví tāry áyur jīvása enā jāgāra bandhútā ||  
10.144.06a evā tát índra índunā devéṣu cid dhārayāte máhi tyājaḥ |  
10.144.06c krátvā váyo ví tāry áyuh suktrato krátvāyám asmád á sutāḥ ||

10.145.01a imām khanāmy oṣadhīm vīrúdhā bálavattamām |  
10.145.01c yáyā sapátnīm bádhate yáyā saṃvindáte pátim ||  
10.145.02a úttānaparṇe súbhage dévajūte sáhasvati |  
10.145.02c sapátnīm me párā dhama pátim me kévalaṃ kuru ||  
10.145.03a úttarāhám úttara úttaréd úttarābhyaḥ |  
10.145.03c áthā sapátnī yá māmádhara sādharābhyaḥ ||  
10.145.04a nahy āsyā nāma ṛbhṇāmi nó asmín ramate jáne |  
10.145.04c párām evá parāvataṃ sapátnīm gamayāmasi ||  
10.145.05a ahám asmi sáhamānātha tvám asi sāsahīḥ |  
10.145.05c ubhé sáhasvatī bhūtvī sapátnīm me sahāvahai ||  
10.145.06a úpa te 'dhām sáhamānām abhí tvādhām sáhīyasā |  
10.145.06c mām ánu prá te máno vatsám gaúr iva dhāvatu pathá vár iva dhāvatu ||

10.146.01a áraṇyāny áraṇyāny asaú yá préva násyasi |  
10.146.01c kathá grāmaṃ ná pṛchasi ná tvā bhír iva vindatīṣm̃ ||  
10.146.02a vṛṣāravāya vādante yád upāvati ciccikāḥ |  
10.146.02c āghāṭībhīr iva dhāváyann arañyānīr mahīyate ||  
10.146.03a utá gāva ivādanty utá véśmeva dṛśyate |  
10.146.03c utó arañyānīḥ sáyám śakāṭīr iva sarjati ||  
10.146.04a gām āngaiśá á hvayati dārv āngaiśó ápāvadhī |  
10.146.04c vásann arañyānyām sáyám ákruṣad íti manyate ||  
10.146.05a ná vā arañyānīr hantya anyás cén nābhigáhati |  
10.146.05c svādóḥ phálasya jagdhvāya yathākāmaṃ ní padyate ||  
10.146.06a āñjanagandhim surabhīm bahvannām ákṛṣīvalām |  
10.146.06c prāhám mṛgāṇām mātāram arañyānīm ásamsīṣam ||

10.147.01a śrát te dadhāmi prathamāya manyávé 'han yád vṛtrám náryam vivér apāḥ |  
 10.147.01c ubhé yát tvā bhávato ródasī ánu réjate súšmāt pṛthivī cid adriṅvaḥ ||  
 10.147.02a tvám mājābhir anavadya mājīnam śravasyatā mānasā vṛtrám ardayaḥ |  
 10.147.02c tvám ín náro vṛṅate gáviṣṭiṣu tvám víśvāsu hávyāsv íṣṭiṣu ||  
 10.147.03a aīṣu cākandhi puruhūta sūrīṣu vṛdhāso yé maghavann ānaśúr maghám |  
 10.147.03c árcanti toké tánaye páriṣṭiṣu medhásātā vājīnam áhraye dháne ||  
 10.147.04a sá ín nú rāyāḥ súbhṛtasya cākanan mádam yó asya ráṅhyam cíketati |  
 10.147.04c tvāvṛdho maghavan dāśvādhvaro makṣū sá vājam bharate dhánā nṛbhiḥ ||  
 10.147.05a tvám sárdhāya mahinā gṛṅṅāná urú kṛdhi maghavañ chagdhí rāyāḥ |  
 10.147.05c tvám no mitró váruṅo ná mājī pitvó ná dasma dayase vibhaktā ||

10.148.01a suṣvāṅśa indra stumási tvā sasavāṅsaś ca tuvinṛmṇa vājam |  
 10.148.01c á no bhara suvitám yásya cākán tmánā tánā sanuyāma tvótāḥ ||  
 10.148.02a ṛṣvās tvám indra sūra jātó dāsīr víśaḥ sūryeṅa sahyāḥ |  
 10.148.02c gūhā hitám gūhyam gūḥám apśú bibhṛmási prasrávane ná sómam ||  
 10.148.03a aryó vā gíro abhy árcā vidvān ṛṣīnām vípraḥ sumatīm cakānāḥ |  
 10.148.03c té syāma yé raṅyanta sómair enótá túbhyam ratholha bhakṣāḥ ||  
 10.148.04a imā bráhmendra túbhyam śamsi dá nṛbhyo nṛṅṅām sūra sávaḥ |  
 10.148.04c tébhir bhava sákratur yéṣu cākān utá tráyasva gṛṅṅatá utá stīm ||  
 10.148.05a śrudhí hávam indra sūra pṛthyā utá stavase venyāsyārkaḥ |  
 10.148.05c á yás te yónim ghṛtávantam ásvār ūrmír ná nímnaír dravayanta vákvāḥ ||

10.149.01a savitā yantraḥ pṛthivīm aramṅād askambhané savitā dyām adṛmhat |  
 10.149.01c ásvam ivādhukṣad dhúnim antárikṣam atúrte baddhám savitā samudrám ||  
 10.149.02a yátrā samudrá skabhító vy aúnad ápām napāt savitā tásya veda |  
 10.149.02c áto bhūr áta ā útthitam rájó 'to dyāvāpṛthivī aprathetām ||  
 10.149.03a paścédám anyád abhavad yájatram ámartyasya bhúvanasya bhūná |  
 10.149.03c suparṅó aṅgá savitúr garútmān pūrvo jātāḥ sá u asyānu dhárma ||  
 10.149.04a gāva iva grāmaḥ yūyudhir ivāśvān vāśréva vatsám sumánā dúhānā |  
 10.149.04c pátir iva jāyām abhí no ny ètu dhartā divāḥ savitā víśvāvāraḥ ||  
 10.149.05a hīraṅyastūpaḥ savitar yáthā tvāṅgirasó juhvé vāje asmín |  
 10.149.05c evā tvārcann ávase vándamānaḥ sómasyevāṅśúm práti jāgarāhám ||

10.150.01a sámiddhaś cit sám idhyase devébhyo havyavāhana |  
 10.150.01c ādityaír rudraír vásubhir na á gahi mṛṅṅikāya na á gahi ||  
 10.150.02a imám yajñám idám váco jujuṣāṅá upāgahi |  
 10.150.02c mártāsas tvā samidhāna havāmahe mṛṅṅikāya havāmahe ||  
 10.150.03a tvám u jātávedasam víśvāvāram gṛṅṅe dhiyā |  
 10.150.03c ágne devām á vaha naḥ priyávrātān mṛṅṅikāya priyávrātān ||  
 10.150.04a agnír devó devānām abhavat puróhito 'gním manuṣyā ṛṣayaḥ sám ídhire |

10.150.04c agnīm mahó dhānasātāv ahám huve mṛṭkām dhānasātaye ||  
10.150.05a agnīr átrim bharádvājam gáviṣṭhīram právan naḥ káṇvaṃ trasádasyum āhavé |  
10.150.05c agnīm vásiṣṭho havate puróhito mṛṭkāya puróhitaḥ ||

10.151.01a śraddháyāgnīḥ sām idhyate śraddháyā hūyate havīḥ |  
10.151.01c śraddhām bhágasya mūrdhāni vácasā vedayāmasi ||  
10.151.02a priyám śraddhe dádataḥ priyám śraddhe dídāsataḥ |  
10.151.02c priyám bhojéṣu yájvasv idám ma uditám kṛdhi ||  
10.151.03a yáthā devá ásureṣu śraddhām ugréṣu cakriré |  
10.151.03c evám bhojéṣu yájvasv asmākam uditám kṛdhi ||  
10.151.04a śraddhām devā yájamānā vāyúgopā úpāsate |  
10.151.04c śraddhām hṛdayyāyākūtyā śraddháyā vindate vásu ||  
10.151.05a śraddhām prátar havāmahe śraddhām madhyámḍinam pári |  
10.151.05c śraddhām sūryasya nimrúci śraddhe śrād dhāpayehá naḥ ||

10.152.01a śāsá itthá mahám asy amitrahādó ádbhutaḥ |  
10.152.01c ná yásya hanyáte sákhā ná jīyate kádā caná ||  
10.152.02a svastidá viśás pátir vṛtrahá vimṛdhó vaśí |  
10.152.02c víṣéndrah purá etu naḥ somapá abhayaṃkaráḥ ||  
10.152.03a ví rákṣo ví mṛdho jahi ví vṛtrásya hánū ruja |  
10.152.03c ví manyúm indra vṛtrahann amítasyābhidásataḥ ||  
10.152.04a ví na indra mṛdho jahi nīcā yacha pṛtanyatáḥ |  
10.152.04c yó asmám abhidásaty ádharam gamayā támaḥ ||  
10.152.05a ápendra dviṣató mánó 'pa jíjyāsato vadhám |  
10.152.05c ví manyóḥ śárma yacha várīyo yavayā vadhám ||

10.153.01a īnkháyantūr apasyúva índram jātám úpāsate |  
10.153.01c bhejánásah suvīryam ||  
10.153.02a tvám indra bálād ádhi sáhaso jātá ójasaḥ |  
10.153.02c tvám vṛṣan víṣéd asi ||  
10.153.03a tvám indrásī vṛtrahá vy àntárikṣam atiraḥ |  
10.153.03c úd dyām astabhna ójasā ||  
10.153.04a tvám indra sajóṣasam arkám bibharṣi bāhvóḥ |  
10.153.04c vājram śísāna ójasā ||  
10.153.05a tvám indrábhībhūr asi vísvā jātány ójasā |  
10.153.05c sá vísvā bhúva ābhavaḥ ||

10.154.01a sóma ékebhyaḥ pavate ghṛtám éka úpāsate |  
10.154.01c yébhyo mádhu pradhāvati táms cid evápi gachatāt ||  
10.154.02a tápasā yé anādhṛṣyās tápasā yé svār yayúḥ |  
10.154.02c tápo yé cakriré máhas táms cid evápi gachatāt ||

10.154.03a yé yúdhyan̄te pradháneṣu śúrāso yé tanūtyájah |  
10.154.03c yé vā sahásradakṣiṇās tām̄s cid evāpi gachatāt ||  
10.154.04a yé cit pūrva ṛtasāpa ṛtāvāna ṛtāvṛdhaḥ |  
10.154.04c pitṛn̄ tāpasvato yama tām̄s cid evāpi gachatāt ||  
10.154.05a sahásraṇīthāḥ kaváyo yé gopāyānti sūryam |  
10.154.05c iṣṭin̄ tāpasvato yama tapojām̄ āpi gachatāt ||

10.155.01a árāyi kāṇe víkaṭe girim̄ gacha sadānve |  
10.155.01c śírimbhiṭhasya sātvaḥis tébhiṣ ṭvā cātayāmasi ||  
10.155.02a cattó itás cattāmútaḥ sárva bhrūṇāny āruṣī |  
10.155.02c arāyyam̄ brahmaṇas pate tīkṣṇaśrṅgodṛṣānn̄ ihi ||  
10.155.03a adó yád dāru plávate síndhoḥ pāre apūruṣām |  
10.155.03c tád ā rabhasva durhaṇo téna gacha parastarám ||  
10.155.04a yád dha prácīr̄ ájagantóro maṇḍūradhānikīḥ |  
10.155.04c hatá índrasya śátravaḥ sárve budbudáyāśavaḥ ||  
10.155.05a párimé gām̄ aneṣata páry agnīm̄ ahr̄ṣata |  
10.155.05c devéṣv akrata śrávaḥ ká imām̄ ā dadharṣati ||

10.156.01a agnīm̄ hinvantu no dhíyaḥ sáptim̄ āśúm̄ ivājíṣu |  
10.156.01c téna jeṣma dhánaṃ-dhanam̄ ||  
10.156.02a yáyā gá ākárāmahe sénayāgne távotyā |  
10.156.02c tām̄ no hinva maghāttaye ||  
10.156.03a āgne sthūrám̄ rayim̄ bhara pṛthúm̄ gómantam̄ aśvínam |  
10.156.03c andhí khám̄ vartáyā paṇim̄ ||  
10.156.04a āgne náksatram̄ ajáram̄ ā sūryam̄ rohayo diví |  
10.156.04c dádhaj̄ jyótir̄ jánebhyaḥ ||  
10.156.05a āgne ketúr̄ viśám̄ asi préṣṭhaḥ śréṣṭha upasthasát |  
10.156.05c bódhā stotré váyo dádhāt ||

10.157.01a imā nú kam̄ bhúvanā sīśadhāméndraś ca víśve ca devāḥ ||  
10.157.02a yajñám̄ ca nas tanvaṃ ca prajám̄ cādityaír̄ índraḥ sahá cikṣpāti ||  
10.157.03a ādityaír̄ índraḥ ságaṇo marúdbhir̄ asmákam̄ bhūtv̄ avitá tanúnām̄ ||  
10.157.04a hatváya devā́ ásurān̄ yád áyan̄ devā́ devatvám̄ abhirákṣamāṇāḥ ||  
10.157.05a pratyāñcam̄ arkám̄ anayañ̄ chácībhīr̄ ād̄ ít svadhām̄ iṣirām̄ páry apaśyan ||

10.158.01a sūryo no divás pātu vāto antárikṣāt |  
10.158.01c agnír̄ naḥ párthivebhyaḥ ||  
10.158.02a jóṣā savitar̄ yásya te háraḥ śatám̄ savām̄ árhati |  
10.158.02c páhí no didyútaḥ pátantyāḥ ||  
10.158.03a cákṣur̄ no devāḥ savitá cákṣur̄ na utá párvataḥ |  
10.158.03c cákṣur̄ dhātá dadhātu nah ||

10.158.03c cākṣur anata caanatu naḥ ||  
10.158.04a cākṣur no dhehi cākṣuṣe cākṣur vikhyaí tanúbhyaḥ |  
10.158.04c sám cedám ví ca paśyema ||  
10.158.05a susamḍīśam tvā vayám práti paśyema sūrya |  
10.158.05c ví paśyema nṛcākṣasaḥ ||

10.159.01a úd asaú sūryo agād úd ayám māmako bhágaḥ |  
10.159.01c ahám tát vidvalā pátim abhy àsākṣi viśāsahīḥ ||  
10.159.02a ahám ketúr ahám mūrdhāhám ugrā vivācanī |  
10.159.02c māméd ánu krátum pátiḥ sehānāyā upācaret ||  
10.159.03a máma putráḥ śatruháno 'tho me duhitā virāt |  
10.159.03c utāhám asmi samjayā pátyau me ślóka uttamāḥ ||  
10.159.04a yénéndro havíśa kṛtvý ábhavad dyumny óttamāḥ |  
10.159.04c idám tát akri devā asapatná kílabhuvam ||  
10.159.05a asapatná sapatnaghñí jáyanty abhibhūvarī |  
10.159.05c ávrkṣam anyāsām vārcó rādho ástheyasām iva ||  
10.159.06a sám ajaīśam imā ahám sapatnīr abhibhūvarī |  
10.159.06c yáthāhám asyá vīrásya virājāni jánasya ca ||

10.160.01a tīvrásyābhívyaso asyá páhi sarvarathā ví hārī ihá muñca |  
10.160.01c índra má tvā yájamānāso anyé ní rīraman túbhyam imé sutāsaḥ ||  
10.160.02a túbhyam sutās túbhyam u sótvāsas tvám gíraḥ śvātryā ā hvayanti |  
10.160.02c índredám adyá sávanam juśāno vísvasya vidvám ihá páhi sómam ||  
10.160.03a yá uśatā mánasā sómam asmai sarvahṛdá devákāmaḥ sunóti |  
10.160.03c ná gā índras tásyā párā dadāti praśastám íc cārum asmai kṛnoti ||  
10.160.04a ánuṣpaṣṭo bhavaty eśo asya yó asmai revān ná sunóti sómam |  
10.160.04c nír aratnaú maghāvā tám dadhāti brahmadviśo hanty ánānudiṣṭaḥ ||  
10.160.05a aśvāyānto gavyānto vājáyanto hávāmahe tvópagantavā u |  
10.160.05c ābhūṣantas te sumataú návāyām vayám indra tvā śunám huvema ||

10.161.01a muñcāmi tvā havíśa jívanāya kám ajñātayakṣmād utá rájayakṣmāt |  
10.161.01c grāhir jagrāha yádi vaitád enam tásyā indrāgnī prá mumuktam enam ||  
10.161.02a yádi kṣitāyur yádi vā páreto yádi mṛtyór antikám nīta evá |  
10.161.02c tám ā harāmi nírṛter upásthād áspārśam enam śatásāradāya ||  
10.161.03a sahasrākṣeṇa śatásāradena śatāyuśa havíśāhārśam enam |  
10.161.03c śatám yáthemám śarádo náyātíndro vísvasya duritásya párám ||  
10.161.04a śatám jíva śarádo vārdhamānaḥ śatám hemantāñ chatám u vasantān |  
10.161.04c śatám indrāgnī savitā bṛhaspátiḥ śatāyuśa havíśemám púnar duḥ ||  
10.161.05a āhārśam tvāvidam tvā púnar āgāḥ punarava |  
10.161.05c sárvaṅga sárvaḥ te cākṣuḥ sárvaḥ áyus ca te 'vidam ||

10.162.01a bráhmaṇāgnīḥ saṃvidāno rakṣohā bādhatām itāḥ |  
10.162.01c ámīvā yás te gárbhaṃ durṇāmā yónim āśáye ||  
10.162.02a yás te gárbhaṃ ámīvā durṇāmā yónim āśáye |  
10.162.02c agnīṣ ṭám bráhmaṇā sahá níṣ kravyādam anīnaśat ||  
10.162.03a yás te hánti patáyantaṃ niṣatsnúṃ yáḥ sarīsrpām |  
10.162.03c jātám yás te jíghāmsati tám itó nāśayāmasi ||  
10.162.04a yás ta ūrū viháraty antarā dámpatī śáye |  
10.162.04c yónim yó antár āréḥi tám itó nāśayāmasi ||  
10.162.05a yás tvā bhrātā pátir bhūtvā jaró bhūtvā nipádyate |  
10.162.05c prajám yás te jíghāmsati tám itó nāśayāmasi ||  
10.162.06a yás tvā svápnena támasā mohayitvá nipádyate |  
10.162.06c prajám yás te jíghāmsati tám itó nāśayāmasi ||

10.163.01a akṣībhyāṃ te nāsikābhyāṃ kárṇābhyāṃ chúbukād ádhi |  
10.163.01c yákṣmaṃ śīrṣaṇyāṃ mastíṣkāj jihváyā ví vṛhāmi te ||  
10.163.02a grīvābhyas ta uṣṇīhābhyaḥ kíkasābhyo anūkyāt |  
10.163.02c yákṣmaṃ doṣaṇyāṃ áṃsābhyāṃ bāhúbhyāṃ ví vṛhāmi te ||  
10.163.03a āntrebhyas te gúdābhyo vaniṣṭhór hṛdayād ádhi |  
10.163.03c yákṣmaṃ mátasnābhyāṃ yaknāḥ plāsībhyo ví vṛhāmi te ||  
10.163.04a ūrúbhyāṃ te aṣṭhīvādbhyāṃ pārsṇibhyāṃ prápadābhyāṃ |  
10.163.04c yákṣmaṃ śróṇibhyāṃ bhásadād bhāmsaso ví vṛhāmi te ||  
10.163.05a méhanād vanaṃkáraṇāl lómabhyas te nakhébhyaḥ |  
10.163.05c yákṣmaṃ sárvasmād ātmānas tám idám ví vṛhāmi te ||  
10.163.06a áṅgād-aṅgāl lómno-lomno jātám párvaṇi-parvaṇi |  
10.163.06c yákṣmaṃ sárvasmād ātmānas tám idám ví vṛhāmi te ||

10.164.01a ápehi manasas paté 'pa krāma parás cara |  
10.164.01c paró nírrtyā á cakṣva bahudhá jívato mánaḥ ||  
10.164.02a bhadráṃ vaí váraṃ vṛṇate bhadráṃ yuñjanti dáksṇam |  
10.164.02c bhadráṃ vaivasvaté cáksur bahutrā jívato mánaḥ ||  
10.164.03a yád āśásā niḥśásābhiśásopārimá jágrato yát svapántaḥ |  
10.164.03c agnír vísvāny ápa duṣkṛtāny ájuṣṭāny āre asmád dadhātu ||  
10.164.04a yád indra brahmaṇas pate 'bhidrohám cárāmasi |  
10.164.04c prácetā na āṅgirasó dviṣatām pātv áṃhasaḥ ||  
10.164.05a ájaismādyásanāma cábhūmánāgaso vayám |  
10.164.05c jāgratsvapnāḥ saṃkalpāḥ pāpó yám dviṣmās tám sá ṛchatu yó no dvēṣti tám  
ṛchatu ||

10.165.01a dévaḥ kapóta iṣitó yád ichán dūtó nírrtyā idám ājagāma |  
10.165.01c tásmā arcāma kṛṇāvāma níṣkṛtiṃ sám no astu dvipáde sám cátuṣpade ||  
10.165.02a śiváḥ kapóta iṣitó no astv anāgá devāḥ śakunó gṛhéṣu |  
10.165.02c agnír hí vípro juṣátām havír naḥ pári hetīḥ pakṣīṇī no vṛṇaktu ||

10.165.03a hetīḥ pakṣīṇī nā dabhāty asmān āṣṭryām padām kṛṇute agnidhāne |  
10.165.03c śām no góbhyaś ca púruṣebhyaś cāstu mǎ no hiṃsīd ihá devāḥ kapótaḥ ||  
10.165.04a yád úlūko vādati moghám etád yát kapótaḥ padám agnau kṛṇóti |  
10.165.04c yásya dūtāḥ práhita eśá etát tásmāi yamāya námo astu mṛtyáve ||  
10.165.05a ṛcǎ kapótaṃ nudata praṇódam íṣam mádantaḥ pári gām nayadhvam |  
10.165.05c saṃyopáyanto duritáni víśvā hitvá na ūrjam prá patāt pátiṣṭhaḥ ||

10.166.01a ṛṣabhám mā samānānām sapátnānām viśāsahím |  
10.166.01c hantáram sátrūṇām kṛdhi virájam gópatim gávām ||  
10.166.02a ahám asmi sapatnahéndra iváriṣṭo ákṣataḥ |  
10.166.02c adhāḥ sapátnā me padór imé sárve abhíṣṭhitāḥ ||  
10.166.03a átraivá vó 'pi nahyāmy ubhé ártñī iva jyáyā |  
10.166.03c vācas pate ní ṣedhemān yáthā mád ádharam vādān ||  
10.166.04a abhibhūr ahám āgamaṃ víśvákarmaṇa dhámnā |  
10.166.04c ā vaś cittám ā vo vratám ā vo 'hām sámītiṃ dade ||  
10.166.05a yogakṣemám va ādáyāhám bhūyāsam uttamá ā vo mūrdhānam akramīm |  
10.166.05d adhaspadān ma úd vadata maṇḍúkā ivodakān maṇḍúkā udakād iva ||

10.167.01a túbhyedám indra pári ṣicyate mádhu tvám sutásya kalásasya rájasi |  
10.167.01c tvám rayím puruvírām u nas kṛdhi tvám tápaḥ parítápyājayaḥ svāḥ ||  
10.167.02a svarjítam máhi mandānám ándhaso hávāmahe pári śakráṃ sutāñ ūpa |  
10.167.02c imám no yajñám ihá bodhy á gahi spṛdho jáyantam maghāvānam ímahe ||  
10.167.03a sómasya rájño váruṇasya dhármaṇi bṛhaspáter ánumatyā u sármani |  
10.167.03c távāhám adyá maghavann úpastutau dhātar vídhātaḥ kalásāñ abhakṣayam ||  
10.167.04a práśūto bhakṣám akaram carāv ápi stómaṃ cemám prathamāḥ sūrír ún mṛje |  
10.167.04c suté sāténa yády āgamaṃ vām práti vísvāmitrajamadagnī dáme ||

10.168.01a vátasya nú mahimānam ráthasya rujān eti stanáyann asya ghóṣaḥ |  
10.168.01c divispṛg yāty aruñāni kṛvān utó eti pṛthivyá reṇúm ásyān ||  
10.168.02a sám prérate ánu vátasya viṣṭhá aínaṃ gachanti sámānam ná yóṣāḥ |  
10.168.02c tábhiḥ sayúk sarátham devá iyate 'syá vísvasya bhúvanasya rájā ||  
10.168.03a antárikṣe pathíbhīr iyamāno ná ní visate katamác canāhaḥ |  
10.168.03c apām sákhā prathamajá ṛtāvā kvà svij jātāḥ kúta ā babhūva ||  
10.168.04a átmā devānām bhúvanasya gárbho yathāvasām carati devá eśāḥ |  
10.168.04c ghóṣā íd asya śṛṇvire ná rūpām tásmāi vātāya havíṣā vidhema ||

10.169.01a mayobhūr vāto abhí vātūsrá ūrjasvatīr óśadhīr á risantām |  
10.169.01c pívasvatīr jīvádhanayāḥ pibantv avasāya padvāte rudra mṛṇa ||  
10.169.02a yāḥ sárūpā vírūpā ékarūpā yāsām agnír íṣṭyā námāni véda |  
10.169.02c yá ángirasas tápasehá cakrús tábhyaḥ parjanya máhi sárma yacha ||  
10.169.03a vā devésu tanvām aíravanta vāsām sómo víśvā rūpāni véda |

10.169.03c tá asmábhyam páyasā pínvamānāḥ prajāvatīr indra goṣṭhé rirīhi ||  
10.169.04a prajāpatir máhyam etā rārāṇo vísvair devaīḥ pitṛbhiḥ saṃvidānāḥ |  
10.169.04c śivāḥ satīr úpa no goṣṭhām ākas tāsām vayām prajāyā sám sadema ||

10.170.01a vibhrādḥ brhát pibatu somyám mádhv áyur dádhad yajñápatāv ávihrutam |  
10.170.01c vátajūto yó abhirákṣati tmánā prajāḥ pupoṣa purudhá ví rājati ||  
10.170.02a vibhrādḥ brhát súbhṛtaṃ vājasātamaṃ dhárman divó dharúṇe satyám árpitam |  
10.170.02c amitrahá vṛtrahá dasyuhántamaṃ jyótir jajñe asurahá sapatnahá ||  
10.170.03a idám śréṣṭham jyótiṣām jyótir uttamám vísvajíd dhanajíd ucyate brhát |  
10.170.03c vísvabhrādḥ bhrājó máhi sūryo dṛśá urú paprathe sáha ójo ácyutam ||  
10.170.04a vibhrājañ jyótiṣā svàr ágacho rocanám divāḥ |  
10.170.04c yénemā vísvā bhúvanāny ābhṛtā vísvákarmaṇā vísvádevyāvātā ||

10.171.01a tvám tyám iṭáto rátham índra právaḥ sutāvataḥ |  
10.171.01c áśṛṇoḥ somíno hávam ||  
10.171.02a tvám makhásya dódhataḥ síró 'va tvacó bharaḥ |  
10.171.02c ágachaḥ somíno grhám ||  
10.171.03a tvám tyám indra mártiyam āstrabudhnāya venyám |  
10.171.03c múhuḥ śrathnā manasyáve ||  
10.171.04a tvám tyám indra sūryam paścā sántam purás kṛdhi |  
10.171.04c devānām cit tiró vásam ||

10.172.01a á yāhi vānasā sahá gāvāḥ sacanta vartanīm yád ūdhabhiḥ ||  
10.172.02a á yāhi vásvyā dhiyá mámbhiṣṭho jārayánmakhaḥ sudānubhiḥ ||  
10.172.03a pitubhíto ná tántum ít sudānavāḥ práti dadhmo yájāmasi ||  
10.172.04a uṣá ápa svásus támaḥ sám vartayati vartanīm sujátātā ||

10.173.01a á tvāhārṣam antár edhi dhruvás tiṣṭhāvicācaliḥ |  
10.173.01c víśas tvā sárva vāñchantu má tvád rāṣṭrám ádhi bhraśat ||  
10.173.02a ihaívaídhi mápa cyoṣṭhāḥ párvata ivāvicācaliḥ |  
10.173.02c índra ivehá dhruvás tiṣṭhehá rāṣṭrám u dhāraya ||  
10.173.03a imám índro adīdharad dhruvám dhruvéṇa havīṣā |  
10.173.03c tásmai sómo ádhi bravat tasmā u bráhmaṇas pátiḥ ||  
10.173.04a dhruvā dyaúr dhruvā pṛthiví dhruvásaḥ párvatā imé |  
10.173.04c dhruvám vísvam idám jágad dhruvó rájā víśám ayám ||  
10.173.05a dhruvám te rájā váruṇo dhruvám devó bṛhaspátiḥ |  
10.173.05c dhruvám ta índraś cāgnís ca rāṣṭrám dhārayatām dhruvám ||  
10.173.06a dhruvám dhruvéṇa havīṣābhí sómam mṛśāmasi |  
10.173.06c átho ta índraḥ kévalīr víso balihṛtas karat ||

10.174.01a abhīvartēna havīṣā yénéndro abhivāvṛté |  
10.174.01c ténāsmān brahmaṇas pate 'bhī rāṣṭrāya vartaya ||  
10.174.02a abhivṛtya sapātnān abhī yā no árāyayaḥ |  
10.174.02c abhī pṛtanyāntaṃ tiṣṭhābhī yó na irasyāti ||  
10.174.03a abhī tvā devāḥ savitābhī sómo avīvṛtat |  
10.174.03c abhī tvā víśvā bhūtāny abhīvartó yáthāsasi ||  
10.174.04a yénéndro havīṣā kṛtvya ábhavad dyumny óttamāḥ |  
10.174.04c idāṃ tād akri devā asapatnáḥ kílabhavam ||  
10.174.05a asapatnáḥ sapatnahābhírāṣṭro viśāsahīḥ |  
10.174.05c yáthāhám eṣāṃ bhūtānāṃ virājāni jánasya ca ||

10.175.01a prá vo grāvāṇaḥ savitā devāḥ suvatu dhármaṇā |  
10.175.01c dhūrṣú yujyadhvaṃ sunutá ||  
10.175.02a grāvāṇo ápa duchúnām ápa sedhata durmatīm |  
10.175.02c usrāḥ kartana bheṣajám ||  
10.175.03a grāvāṇa úpareṣv ā mahīyānte sajóṣasaḥ |  
10.175.03c víṣṇe dádhato vṛṣṇyam ||  
10.175.04a grāvāṇaḥ savitā nú vo devāḥ suvatu dhármaṇā |  
10.175.04c yájamānāya sunvaté ||

10.176.01a prá sūnáva ṛbhūṇām bṛhán navanta vṛjánā |  
10.176.01c kṣāmā yé víśvādihāyasó 'śnan dhenúṃ ná mātáram ||  
10.176.02a prá devám devyā dhiyā bháratā jātávedasam |  
10.176.02c havýā no vakṣad ānuṣák ||  
10.176.03a ayám u śyá prá devayúr hótā yajñāya nīyate |  
10.176.03c rátho ná yór abhívṛto ghṛṇivāñ cetati tmánā ||  
10.176.04a ayám agnír uruṣyaty amṛtād iva jánmanaḥ |  
10.176.04c sáhasas cid sáhīyān devó jīvátave kṛtāḥ ||

10.177.01a patamgám aktám ásurasya māyáyā hrdá paśyanti mánasā vipascítaḥ |  
10.177.01c samudré antāḥ kaváyo ví cakṣate máricīnām padám ichanti vedhásah ||  
10.177.02a patamgó vácám mánasā bibharti tām gandharvò 'vadad gárbhe antāḥ |  
10.177.02c tām dyótamānām svaryām manīṣām ṛtásya padé kaváyo ní pānti ||  
10.177.03a ápaśyam gopām ánipadyamānam ā ca párá ca pathíbhiś cárantam |  
10.177.03c sá sadhrīcīḥ sá víśucīr vásāna ā varīvarti bhúvaneṣv antāḥ ||

10.178.01a tyám ū śú vājīnaṃ devájūtaṃ sahāvānaṃ tarutāraṃ ráthānām |  
10.178.01c áriṣṭanemim pṛtanājam āśúm svastáye tárksyam ihá huvema ||  
10.178.02a índrasyeva rátīm ajóhuvānāḥ svastáye návam ivá ruhema |  
10.178.02c úrvī ná pṛthvī báhule gábhīre má vām étau má páretau riśāma ||

10.178.03a sadyás cid yáḥ śávasā páñca kṛṣṭīḥ sūrya iva jyótiṣāpás tatána |  
10.178.03c sahasrasāḥ śatasā asya ráṃhir ná smā varante yuvatīm ná śáryām ||

10.179.01a út tiṣṭhatáva paśyaténdrasya bhāgám ṛtvíyam |  
10.179.01c yádi śrāto juhótana yády ásrāto mamattána ||  
10.179.02a śrātám havír ó ṣv çndra prá yāhi jagāma sūro ádhvano vímadhyam |  
10.179.02c pári tvāsate nidhībhiḥ sákhāyaḥ kulapá ná vrājápatiṃ cárantam ||  
10.179.03a śrātám manya ūdhani śrātám agnaú súsrátam manye tát ṛtám návīyaḥ |  
10.179.03c mādhyamđinasya sávanasya dadhnáḥ píbendra vajrin purukrj juṣāṇāḥ ||

10.180.01a prá sasāhiṣe puruhūta śátrūñ jyéṣṭhas te súsma ihá rātír astu |  
10.180.01c índrā bhara dákṣiṇenā vásūni pátiḥ síndhūnām asi revátīnām ||  
10.180.02a mṛgó ná bhīmáḥ kucaró giriṣṭhāḥ parāváta á jaganthā párasyaḥ |  
10.180.02c sṛkám saṃśáya pavím indra tigmám ví śátrūñ tālhi ví mṛdho nudasva ||  
10.180.03a índra kṣatráṃ abhí vāmám ójó 'jāyathā vṛṣabha carṣaṇīnām |  
10.180.03c ápānudo jánam amitrayántam urúm devébhyo akrñor ulokám ||

10.181.01a práthaś ca yásya sapráthaś ca námānuṣṭubhasya havíṣo havír yát |  
10.181.01c dhātúr dyútānāt savitús ca víṣṇo rathamtarám á jabhārā vásiṣṭhaḥ ||  
10.181.02a ávandan té átihitam yád ásid yajñásya dhāma paramám gúhā yát |  
10.181.02c dhātúr dyútānāt savitús ca víṣṇor bharádvājo bṛhád á cakre agnēḥ ||  
10.181.03a tè 'vandan mánasā dīdhyanā yáju ṣkannám prathamám devayānam |  
10.181.03c dhātúr dyútānāt savitús ca víṣṇor á sūryād abharan gharmám eté ||

10.182.01a bṛhaspátir nayatu durgáhā tiráḥ púnar neṣad aghásamsāya mánma |  
10.182.01c kṣipád áśastim ápa durmatīm hann áthā karad yájamānāya śám yóḥ ||  
10.182.02a nárāsámso no 'vatu prayājé śám no astv anuyājó háveṣu |  
10.182.02c kṣipád áśastim ápa durmatīm hann áthā karad yájamānāya śám yóḥ ||  
10.182.03a tápurmūrdhā tapatu rakṣáso ye brahmadvíṣaḥ śárave hántavá u |  
10.182.03c kṣipád áśastim ápa durmatīm hann áthā karad yájamānāya śám yóḥ ||

10.183.01a ápaśyaṃ tvā mánasā cékitānaṃ tápaso jātám tápaso víbhūtam |  
10.183.01c ihá prajám ihá rayīm rárāṇaḥ prá jāyasva prajáyā putrakāma ||  
10.183.02a ápaśyaṃ tvā mánasā dīdhyanām svāyāṃ tanú ṛtve nádhamānām |  
10.183.02c úpa mām uccá yuvatír babhūyaḥ prá jāyasva prajáyā putrakāme ||  
10.183.03a ahám gárbham adadhām ósadhīṣv ahám víśveṣu bhúvaneṣv antáḥ |  
10.183.03c ahám prajā ajanayam pṛthivyām ahám jánibhyo aparīṣu putrán ||

10.184.01a víṣṇur yónim kalpayatu tváṣṭā rūpāṇi píṃṣatu |

10.184.01c á siñcatu prajāpatir dhātā gārbhaṃ dadhātu te ||  
10.184.02a gārbhaṃ dhehi sinīvāli gārbhaṃ dhehi sarasvati |  
10.184.02c gārbhaṃ te aśvínau devāv ā dhattām púṣkarasrajā ||  
10.184.03a hiranyáyī arāṇī yāṃ nirmánthato aśvínā |  
10.184.03c tám te gārbhaṃ havāmahe daśamé māsī sūtave ||

10.185.01a máhi trīṇām ávo 'stu dyukṣám mitrásyāryamṇāḥ |  
10.185.01c durādhárṣaṃ váruṇasya ||  
10.185.02a nahí téśām amā caná nádhasu vāraṇéṣu |  
10.185.02c íse ripúr aghásamsaḥ ||  
10.185.03a yásmai putráso áditeḥ prá jīváse mártýāya |  
10.185.03c jyótir yáchanty ájasram ||

10.186.01a vāta ā vātu bheṣajám śambhú mayobhú no hṛdé |  
10.186.01c prá ṇa áyūṃṣi tāriṣat ||  
10.186.02a utá vāta pitási na utá bhrátotá naḥ sákhā |  
10.186.02c sá no jīvátave kṛdhi ||  
10.186.03a yád adó vāta te grhè 'mṛtasya nidhír hitāḥ |  
10.186.03c táto no dehi jīváse ||

10.187.01a prágnāye vācam īraya vṛṣabhāya kṣitínām |  
10.187.01c sá naḥ parṣad áti dvíṣaḥ ||  
10.187.02a yāḥ párasýāḥ parāvátas tiró dhánvātírocate |  
10.187.02c sá naḥ parṣad áti dvíṣaḥ ||  
10.187.03a yó rákṣāṃsi nijūrvati víṣā śukréṇa śocíṣā |  
10.187.03c sá naḥ parṣad áti dvíṣaḥ ||  
10.187.04a yó vísvābhí vipásyati bhúvanā sám ca pásyati |  
10.187.04c sá naḥ parṣad áti dvíṣaḥ ||  
10.187.05a yó asyá pāré rájasah śukró agnír ájāyata |  
10.187.05c sá naḥ parṣad áti dvíṣaḥ ||

10.188.01a prá nūnām jātávedasam áśvaṃ hinota vājínam |  
10.188.01c idám no barhír āsáde ||  
10.188.02a asyá prá jātávedaso vípravīrasya mīlhúṣaḥ |  
10.188.02c mahīm iyarmi suṣtútím ||  
10.188.03a yá rúco jātávedaso devatrā havývāvāhanīḥ |  
10.188.03c tábhir no yajñám invatu ||

10.189.01a áyāṃ gauḥ pṛśnir akramīd áśadan mātáram purāḥ |  
10.189.01c pitáram ca prayán svàḥ ||

10.189.02a antás carati rocanásyá prāṇād apānatí |  
10.189.02c vy àkhyan mahiṣó dívam ||  
10.189.03a trimśád dhāma ví rājati vāk patamṅgāya dhīyate |  
10.189.03c práti vāstor áha dyúbhiḥ ||

10.190.01a ṛtám ca satyám cābhīddhāt tápasó 'dhy ajāyata |  
10.190.01c táto rátry ajāyata tátaḥ samudró arṇaváh ||  
10.190.02a samudrād arṇavād ádhi saṃvatsaró ajāyata |  
10.190.02c ahorātrāṇi vidádhad vísvasya miṣató vaśí ||  
10.190.03a sūryācandramásau dhātá yathāpūrvám akalpayat |  
10.190.03c dívam ca pṛthivīm cāntárikṣam átho svàḥ ||

10.191.01a sám-sam íd yuvase vṛṣann ágne vísvāny aryá á |  
10.191.01c ilás padé sám idhyase sá no vásūny á bhara ||  
10.191.02a sám gachadhvaṃ sám vadadhvaṃ sám vo mánāṃsi jānatām |  
10.191.02c devā bhāgám yáthā pūrve saṃjānāná upāsate ||  
10.191.03a samānó mántraḥ sámītiḥ samāní samānám mánāḥ sahá cittám eṣām |  
10.191.03c samānám mántram abhí mantraye vaḥ samānéna vo havíṣā juhomi ||  
10.191.04a samāní va ákūtiḥ samāná hídyañi vaḥ |  
10.191.04c samānám astu vo máno yáthā vaḥ súsahāsati ||